

ERNESTI FRIDERICI SCHRÖTERI.
J.U.D. PROF. JENENS. PUBL. FACULT. JURID.
ET SCABINAT. ASSESSOR.

COMMENTA- RIUS IN JUS FEU- DALE,

Complectens

Titulorum connexionem, Textum
ipsum, ejusque succinctam explicationem, ac
p̄cipuarum controversiarum reso-
lutionem.



JENÆ

Typis CASPARI FREYSCHMIDII.

Impensis JOHANNIS LUDOVICI Neuenhagus/Bibliop.

ANNO clb. lbc. LIV.





B. L. S.

Icet multi, Candide Lector, Consuetudines Feudales lectu vix dignas esse censeant, quasi in iis non solum dissolutæ, obscuræ, & barbaræ dictiones reperiuntur, sed etiam omnia sint confusa, in tantum, ut formam artis propè nullam habeant, tamen propterea, hujus Juris Feudalis tractationem, utpote rei publicæ utilem, non posthabendam putamus, moti elegantibus magni Jcti Vulteji verbis, quæ ita sonant: Jus Feudale rem quidem per se pulchram, sed difficilem esse, quid quod non tantum apices & thesauros Principum, sed & sapientum Virorum ingenia & calamos omni ætate mirabiliter exercuerit. Hinc de hoc Jure Feudorum plurimi libri extant Feudistici, ut fermè in nulla magis re, & nostra & superiora aliquot secula laborasse videantur. Nonnulli

enim hanc doctrinam sub epitome, synopsi & compendio elaborarunt, ut Johann Blanchus, Rosenth. Johan. Rüdinger. & novissimè Magnif. Dn. Benedictus Carpzov. Alii in Jus Feudale scripsère Tractatus secundum methodum à se confectam, ut Zasius, Sonsbecius, Schraderus, Vulteius. Aliis neglecta textus explicatione studio fuit, quæstiones Feudales controversas longioribus disputationibus, multarumque autoritatum allegationibus in utramque partem enucleare, ut nominato Rudin-gero, Goeddeo, Niellio. Pauci denique in ipsum textum Juris Feudalis commentarios ediderunt, ut Andreas de Jfernias, Alvarottus, Math. d. Afflict. & Schenck Baro à Tautenberg. Ast quoniam & horum quidam vitio laborant prolixitatis, alii verò nimis sint concisi, nonnulli controversias feudales prorsus non attigerunt, idè non frustaneam fore operam existimavi, si primò titulorum Juris hujus Feudalis seriem & qualem qualem ostenderem connexionem, post deinde textum ipsum in partes divisum, genuinum ejus intellectum indicando, rationesq; reddendo explicarem, atq; difficilimas ad ipsum
textum

textum spectantes quæstiones pro & contra, ut
Dd. loqui amant, enodarem. Quid autem in-
terpretum, qui hactenus fuerunt, laboribus, qui-
bus nihil detractum volo, plurimum adjutus,
præstiterim, meum non est dicere, judicent alii,
qui possunt & volunt, judicabunt autem illi, ut
debeant, id est, candide, & ut bonos decet vi-
ros. Si quid à me peccatum est, publici commo-
di amore peccatum est, ut utar verbis allegati
Vulgei. Quare benignè velim, optime lector,
hoc meum gratificandi studium boni consu-
las. Vale.



Jova, juva!

Dum tua *Scripta* lego *Feudalia*, Magne *Patrone*,
Qui *Schröterorum Stemmata* cretus ovas,
Erneste in nostra *Friderice* create *Salana*
Publice Professor Jure in utroq; *Schola*.
Ipse tuæ *stirpis fortunam miror*, eandem
quam Tu cum *Trino Stemmata* faustus habes.
De Sancta Sophia dictos *Patavina* vocavit
quondam *Doctores tres* *Medicâ Arte Schola*.
Tres legi *Petros de Spina* nomine, passim
Doctores coluit quos *Medicina* suos.
Augusta Adolphos *Occones* ordine *Sueva*
tres placidè *Physicos* fovit amica sinu.
Et tres Schröteros Medicos celeberrima *Jena*
cepit *Doctores* in *Medica Arte* catos.
Unus *Johannes Proavus*, qui primus habetur
Salanz Jena Rector in urbe tuus.
Alter *Avus Johan-Fridericus* nomine, doctor
Philosophus, Medicus, Juridicusq; cluet.
Propatruus Philip. Jacobus tertius audit
Professor Medicus, Doctor itemq; tuus.
Hi tres Cæsareo Comites fulsere favore
cogniti in *Eois Hesperiiisq; plagis*.
Hinc tua *stirps stirpi par est Sophia: Spinea:*
Occona, nutu sic moderante *DEI*.

Ulc-

Ulterius *Stirpis fortunam miror*, eandem
 quam Tu cum quarto stemmate dignus habes.
Stemma celebratur *Pistorum* nobile, & illud
 recto *Doctores* ordine *Quinque* dedit.
 Quos inter *Medica duo* in arte fuere celebres,
 Et tres *Doctores Jure* in utroq. graves.
Nomina scire cupis *Pistorum*: nomina in Albo
 Illorum scripsit Candida Fama suo.
Nicolaus celebris Professor claruit olim
 & *Simon Medicus*, Lipsia clara, tuus.
Simon est alter: *Hartmannius*: deniq; *Simon*.
Ulricus passim jus coluere suum,
 Aulam, *Dresda*, tuam curis *Berolinæ*, multum
 juverunt fidis consiliisq; suis.
Tot Schröterorum produxit *Stemma* probatos
Doctores, Medicos Juridicosq; Viros.
Primus Johannes, primum quem Jena salutat
 Rectorem, tanto dignus honore venit.
Alter Philippus Jacobus, Doctor habetur
 Professorq; catus, docta Salana, tuus.
Tertius est *Johan-Fridericus*, nomine duplex
 Qui Doctor Vulgo dicitur usq; rudi.
 Doctor quippe fuit *Sophicus*: *Medicusq;* creatus
 legitime & merito *Juridicusq;* suo.
 In geminis, *Quartus*, qui Cancellarius Aulis,
 est *Petrus Elias* ordine, nempe Parens.
Patris, *Avi*, *Proavi* torques *vestigia* Doctor
 Professorq; simul *Propatruig*, tui.
 Hinc tua *Pistorum Stirpi* stirps ordine par est,
 exemplò raro, sed moderante Deo.

Tantum

*Tantam fortunam Schröteris grator, & o. pto
ut conseruet eam perpetuetq, DEUS,
Iusuper ut renouet Comitidam Gratia Diui
Caesaris in tota posteritate tua.*

*Observantia & Bonis
omnis causâ*

L. M. Q.

singebat & pingebat

M. Adrianus Beier Eccles.
Jenensis Archidiaconus
ab A. 1626. 23. Oâ.



Σὺν Θεῷ Μεγάλα.

CONSUETUDINES. FEUDORUM.^{b.}



Uanquam Jus Feudale quoad
quasdam Impp. Constitutiones, nimirum Lotharii^{1.} & II. Conradi, Henrici II. V. VI. & VII. iurē Friderici II. & III. ut & nonnulla decreta Pontificum, Juri scripto adnumerari possit. origo tamen hujus juris ex solo iure non scripto est deducenda 1. propter verba textus nostri (consuetudines feudorum) 2. propter tit. 1. *feud.* 2. in verbis, usum tamen feudi. *vid. Andr. d. lsernia in proëm. g. 4. Alvaroz. in pralud. feud. g. 7. Zaf. in epit. feud. p. 1. in pr.* Imò licet hæc consuetudines in scripturam postea sint redactæ, consuetudines tamen esse non desinunt; sicut enim scriptura ad substantiam legis sive juris scripti nihil confert, quippe quod non scriptura, sed expressus populi consensus jus faciat scriptum; ita nec consuetudo ex eo, quod in scripturam redacta est, desinit esse consuetudo. Nam jus scribi, & jus in scripturam redigi sunt diversa; siquidem illa vox est juris, hæc vero facti. *Vult lib. 1. feud. c. 1. Rosentb. in Synops feud.*
A
concl.

concl. 8. n. 6. diff. Schraderus d. feud. lib. 1. p. 9. sect. 31. n. 114.
 Q. & Hunnius tr. de feud. c. 2. † Quæritur autem, An hæc con-
 suetudines obtineant vim legum universalium, ita ut om-
 nes Imp. Rom. subiectos obligent? Quod affirman-
 dum, quia hoc jus feudale non tantum voluntate ac jussu
 Imp. in Corpus juris civilis redactum, sed & à Pontificibus
 in aliquod decretalibus probatum ut c. ceterum. c. novit. d.
 jud. c. gravem. d. sent. excom. cap. extramissa. de for. comp.
 ac postea tam in foro, quàm in Scholis ante annos homi-
 num memoriam excedentes servatum atque receptum,
 proque jure habitum est. Et aliis notorium ac sine con-
 troversia est, quod consuetudo vel jus non scriptum non
 minus obliget, quàm jus scriptum. *Sonsb. in com. ad usus
 feud. p. 1. n. 22. & seqq. Schrader p. 1. c. 1. n. 6. & seqq. Job Rü-
 ding. contr. jur. feud. lib. 1. c. 2. Diff. Hostiens. in tit. d. im-
 mun. Eccl. Connanus lib. 1. c. 10. n. 3. †* Atque hæc vera sunt,
 ac procedunt, tam quoad forum seculare, quàm Eccle-
 siasticum, ita ut etiam clerici hoc jure teneantur. c. un. in
 fin. Si de invest. int. dom. & vassall. lis oriatur 1. feud. 26. c. un.
 in. pr. quotiescunque sunt nec. 1. feud. 57.

(b.) Vocabulum Feudi cum Niellio disp. 1. & Vult.
 lib. 1. feud. c. 2. derivamus à fede, quod Italis & Longobardis
 (à quibus exotica & barbara hujus juris verba accepimus)
 fidem significat, tum quod expressio textu nitatur,
 videlicet c. un. §. 1. in fin. 2. feud. 3. tum quod à forma & es-
 sentia feudi, quæ in mutua fidelitate consistit, desumpta sit,
 c. un. 2. feud. 5. Alii derivant hoc verbum à faida sive
 feida, quod germanis significat bellum, idè quod feudum
 occasionem à militiis acceperit. Verum alia est quæstio
 de vocis origine unde conjugetur, alia est quæstio, quæ vi-
 delicet sit ratio interpretationis & impositi nominis, quæ
 hic

hic à fide omnino est desumenda, propter præcedentia; Et sic distinguendum erit inter nominis conjugationem & ejus notationem, *juxta Everb. in top. loc. ab etymol.* Alias de Origine Feudorum videri potest Nob. Struve in eruditè conscripta *diff. feud. 1. §.* Definiunt autem nonnulli inter quos est *Scbrad. p. 2. c. n. 1. Curt. jun. p. 2. c. 1. n. 52. Duar. de feud. c. 2.* feudum per contractum, tum propter *c. in beneficiis 2. feud. 87. in verb. ut in cæteris contractibus.* tum hac ratione inducti, quod obligatio & actio mutua inter Dominum & vasallum oriatur *c. in epistola 2. feud. 6. in verb. Dominus quoque &c.* Verum genus definitionis est improprium. Contractus enim à feudo ut causa ab effectu distat, siquidem aliud est conventio de feudo constituendo, aliud feudū ipsum, aut jus in feudo acquisitum *arg. §. ult. l. de serv.* Nec obstant *diff. textus & ratio.* Nam *in d. c. in beneficiis. 2. feud. 87.* contractus appellationem feudista in generali & improprio sensu sumit, & feudum contractum vocat non per se, sed ratione modi quo constituitur. Rationem autem quod attinet, responderetur ad illam negando, quod feudum per se actiones producat, quoniam actiones, quæ in Judiciis feudaliibus moventur, non unius generis sunt, sed pro varietate causarum variè Dominis & vasallis competunt. *vid. Dn. LudVVell. in tr. d. feud. cap. de defin. feud.*

Rectius ergò definitur feudum, quod sit ususfructus quidam rei immobilis sub conditione fidei & obsequii constitutus. Generis loco ponitur usus fructus, tum, quod ita in jure feudali feudum nominatur *ut in. c. un. in quib. ca. feud. amitt. 2. feud. 23.* tum quod definitio ususfructus ei competit. Nam & feudum est jus in re in feudum data, utendi fruendi salva ejus substantia, adeò ut si vasallus eà

aburatur, feudo privetur. Diximus quidam: Quia usus fructus qui vassalli est, habet quadam singularia ab illo, qui est servitus personalis rerum allodialium. Perinde ut legatum definitur donatio quadam in § 1. *Inst. de leg.* propterea quod non sit in omnibus cum ceteris donationibus eadem. Differentia specifica desumata est ab objecto & Forma. Objectum est res immobilis c. un. §. fin. 2. feud. 23. in verb.: *rei mobilis, aut solo coherens, ut & illa, quæ inter immobiles numeratur.* c. un. §. 1. fin. in quib. ca. feud. amitt. 2. feud. 1. Forma verò est fides. Sola enim fides est, quæ feudum in esse deducit, & ubi fides non est, ibi etiam feudum esse vel subsistere nequit. Tandem addimus: & obsequi; Nam præter feudum aliis quoque in negotiis fidem alterius sequimur, & grave est ominino fidem fallere l. 1. ff. de pact. ideoque fidei generalitas hac quasi adjectione explicatur. Obsequii autem nomine honor & reverentia, quæ domino debetur, intelligitur. † Dividitur verò feudum 1. ratione personæ feudum dantis in nobile & ignobile sive plebejum. Nobile est, quod datur ab eo, qui potestatem & voluntatem nobilitandi accipientem habet. *Mult. lib. 1. feud. c. 8. & Niel. disp. 1. tb. 7. lit. c.* Ignobile verò seu plebejum est, quod sine voluntate accipientem nobilitandi, vel quod concedens non possit, vel possit, nolit tamen, conceditur; Et hoc vulgo Burgenſe, germ. ein Burwer &ehn vocatur. Nobile iterum dispescitur in Regale & non Regale. Regale est illud, quando nimirum investitus omnem potestatem, omneque jus in terris ad hoc feudum spectantibus habet, quo Imp. sive supremus Rex in suo imperio sive regno utitur. germ. vocatur ein *Sahnenlehn*. Tale feudum est Electoratus, Ducatus, Marchionatus Comitatus & Baronatus. Non regale est feudum nobile

Principis autoritate concessum cum dignitate, quæ regali inferior. *c. un. v. §. qui verò. quis dicatur dux. 2. feud. 10. 2.*
 Dividitur feudum ratione Acquirentis in Masculinum & Fœmineum. Masculinum est, quod à maribus ortum habet. *c. un. si. vassall. feud. 2. feud. 31.* vel in quo fœmina non succedit, vel succedit quidem, sed à masculo fuit acquisitum, germ. Ein Mannlehn. Fœmineum est, de quo mulier primùm investita est *c. un. an. Maribus succ. uxor. 1. feud. 15.* Masculinum iterum dividitur in vetus & Novum *c. un. in pr. per quos fratr. invest. 2. feud. 3. c. un. vers. veteri. qui test. sunt neces. 2. feud. 32.* Novum est, cujus causam acquirens non habet ab alio, nisi à seipso & domino concedente. Vetus, cujus causam quis non habet à se ipso, sed ab eo, qui primus feudum acquisivit, & constituit. 3. Ratione Materiæ Feudum est vel Ecclesiasticum vel seculare. Ecclesiasticum, quod in re Ecclesiastica constituitur sive à Clerico, sive à Laico, de illa facultatem disponendi habente *c. un. 1. feud. 6. c. un. §. item clericus 2. feud. 40. c. 1. feud. 9.* germ. vocatur Ein Lehn vom frummen Stabe/ quia Episcopi & Prælati curvo utuntur baculo. Seculare est, quod in re profana & seculari constituitur, sive det laicus, sive clericus, modò sit de bonis patrimonialibus *c. un. 2. feud. 35. c. un. 2. feud. 32.* 4. Ratione formæ internæ Feudum est vel Ligium vel Non Ligium. Ligium est, quo vassallus fidelitatem præstat contra omnes nullo planè excepto vel anteposito *c. un. 2. feud. 99.* Non ligium, in quo vassallus domino fidelitatem jurat alio excepto. *c. un. §. fin. 2. feud. 28.* Respectu formæ externæ feudū dividitur à F. F. cōm. (licet non tā benè ut disp. pr'ori de divis. juris ostendi) in feudū ex pacto & providentiā, & in feudum hæreditarium. Illud est, quod nulla facta heredum mentione quis pro se atque liberis vel filiis impetravit. Hoc verò, quod quis acquisivit pro se & heredibus suis.

DE HIS QVI FEUDUM
DARE POSSVNT, ET QVI
NON, ET QUALITER ACQUI-
RATUR ET RETINEATUR.

TITULUS PRIMUS

TEXTUS

Quia de feudis tractaturi sumus, videamus primùm (a) qui feudum dare possunt. Feudum autem dare possunt (b) Archiepiscopus (c.) Episcopus (d.) Abbas (e.) Abbatissa (f.). Præpositus; (g.) Si antiquitus consuetudo eorum fuerit feudum dare. [h.] Dux, Marchio & Comes similiter feudum dare possunt, [i.] qui propriè Regni vel Regis capitanei dicuntur. Sunt & alii, qui ab istis feuda accipiunt, [k.] qui propriè Regni vel Regis valvasores [l.] dicuntur: sed hodie Capitanei appellantur: [m.] Qui & ipsi feuda dare possunt. Ipsi verò, qui ab eis accipiunt feudum, minores valvasores dicuntur.

ELABORATIO.

(a) *Sic Ictus Gajus in l. 4. ff. qui testam. fac. pnt. scribit* : Primò de personis quærendum esse. *Et Scavola in l. 14. ff. de jure cod. dicit* : non ante juris ratio , quàm persona quærenda est. Hisce acclamar quoq; Imp. Justin. in §. fin. *Inst. de jur. nat. gent. & civ.* ubi ait : parum esse jus nosse , si personæ quarum causa constitutum est, ignorantur.

(b) Personæ dantes feudum vel sunt Ecclesiasticæ vel seculares. Illæ tunc demum feudum dare possunt, si antiquitus consuetudo earum feudum dare fuerit, ut in seqq. traditur : Hæ verò indistinctè. Inter Ecclesiasticas autem personas quædam in summo, quædam in medio, quædam in infimo dignitatis gradu sunt. In summo est pontifex Romanus, de quo quærunť FF. An feudum dare possit? Nonnulli hoc negant, tum propter nostrum textum, in quo nulla fit mentio Pontificis; Tum quia ipse se servum servorum appellat. Verùm hisce non obstantibus, statuendum, Papam omninò aliis feudum conferre posse; si enim inferiores prælati in feudare possunt, multò magis Papa, qui dicitur summus Pontifex, hoc facere poterit. *Schneidew d. feud. p. 3. n. 6.* Facit etiam huc *l. 2. de præbend. in 5. & c. 2. de feud.* Nec obstat, quod hic nulla fiat mentio Pontificis. Quia unius inclusio non est statim alterius exclusio. Sic etiam Imperatoris hic non fit mentio & tamen extra dubium, ut infra ostensuri sumus, quod possit dare feudum. Deinde, quod Papa se servum servorum appellaret, id non seriò sed ex consuetudine quadam & simulatà potius submissione fit. Notat autem hic rectè *Matth. de Afflict. n. 19. & 20.* Quod soleant Pontifices ut in aliis rebus arduis, ita etiam in majoris momenti infeudationibus Cardinalium adhibere consilium. Id quod suadet etiam *c. 17. §. decet. de elect. in. 6. & ex Goldasto ostendit Nob. Dn. Struve disp. feud. 5. tb. 8. †* In Medio gradu sunt 1. Patriarchæ, quorum ordo tempore concilii Nicæni primitus est introductus. Et licet eorum expressa non fiat mentio in nostro textu, & toto jure feudali, tamen absque ratione quis illis feudum dandi licentiam denegat, ut ostendit jam allegatus *Matth. de Afflict. d. l.*
Fue-

Fuerunt autem numero quatuor; Constantinopolitanus, Alexandrinus, Antiochenus & Hierosolymitanus *c. renovantes c. de finibus. dist. 22.* & differunt ab Archiepiscopis in eo 1. Patriarcha episcopus appellari potest, sed non est contra, 2. Archiepiscopus uni provinciae, Patriarcha multis praesidet, & in Archiepiscopos quoque potestatem habet, *vid. c. multi. dist. 29.*

(c.) Qui dicitur archiepiscopus, quod episcopis sit major atque superior *c. clerici. dist. 21.* (d.) Latine Inspector atque speculator dicitur. Nec difficilis ratio. Est enim illustris persona ad inspiciendum vitam & mores aliorum episcoporum constituta, ac respectu suae administrationis Praefidi & Praetori Romano aequiparatur. (e.) Hic ita dicitur, quasi pater Monachorum *Nov. 5.* & habet inspectionem in vitam & mores monachorum. (f.) Quae monialibus quasi mater praest, ad minimum Sexagenaria virgo *c. juvenialis. 22. c. 20. q. 1.* (g.) Qui in Ecclesiis capitulis aliis praefectus, & rerum Ecclesiasticarum dispensationem habet, *c. quamvis 9. 10.* In hisce autem personis Ecclesiasticis duo casus omnimodo sunt distinguendi: Aut enim volunt infeudare propria bona, aut res Ecclesiae. Priori casu dubitatione caret, clericos cujuscunque sint ordinis & conditionis bona sua propria & patrimonialia aliis quocunque modo non secus ac laicos in feudare posse *c. un. 2. feud. 35.* In propriis enim pro Laicis habentur, *Obrecht. dist. feud. 3. lb. 7. & seqq.* Posteriori casu distinctè procedendum. Aut enim antiquitus illius Ecclesiae cujus curam gerunt mos vel consuetudo fuit, ut ejus praelati feuda darent, & insuper res quoq; olim infeudari solitae sunt: Aut non. Priori casu infeudare personae Ecclesiasticae possunt; Cum enim clericis rerum Ecclesiasticarum, & ita quoque rerum & jurium feudalium administratio permessa sit, non immerito feuda ejusmodi ad se reversa aliis concedere possunt. *Obrecht d. dist. 3. lb. 56.* Posteriori verò casu non, *juxta pr. tit. Episcopum vel Abbatem 1. feud. 6.* (h.) Tunc autem dicitur esse consuetudo infeudandi, si consuetudo illa siterationabilis & non damnosa, & res saltem 40. annis in feudata sit. *Zafius in epit. feud. p. 5. n. 52. †* Fallit tamen quod hic dicitur, quando in magna Ecclesia est constituta necessitate, tunc enim

res infeudari non solitas Prælati omninò infeudare possunt *c. ad nostram. d. reb. eccl. non alien.* Necessitas enim non habet legem *c. brev. & ibi Gl. d. jurej.* † Observandum etiam Prælatum rem feudalem in feudum licitè concedentem, non posse mutare antiquæ investituræ tenorem, maximè in causam Ecclesiæ duriorē: ut, cum investitura in masculos tantummodo fieri consuevit, ad feminas protendi non possit. Quæritur occasione horū verborum textus 1. An Prælatus rem ad se vel Ecclesiā reversam & in feudari solitam absque consensu capituli alii, possit in feudum dare? Quod affirmandum 1. *propter c. 1. §. in clericorum. Si de investit. int. dom. & vasa. lis. oriatur. 1. feud. 26. c. 1. qui succ. Ten. 1. feud. 9. 2. per, c. 2. X. de feud. 3.* Quia per hanc infeudationem nullum damnum inferitur Ecclesiæ, cum eodem modo, quo prior vassallus feudum habuit, ad alium transeat. 4. & ult. Quoniam hæc infeudatio non est nova alienatio, sed veteris continuatio sive primæ executio. *c. 1. & ibi Gl. in verb: à minore. per quos. fiat investit. 2. feud. 3.* Tummodo talem eligat, qui Ecclesiæ tempore necessitatis utiliter in servire valeat. *vid. Schneidew. p. 3 n. 28. Zasius d. feud. p. 5. n. 47. & Dn. Struv. p. m. disp. feud. 3. d. 7. Diff. Abbas in c. novit. n. 7. de hi. qua sunt à Pralat. sine cons. cap. Azo in Sum. C. de SS. Eccles. n. fin. pro quibus nihil facit. r. c. 1. & 8. de hi. qua sunt à Pral. &c.* Loquuntur enim de reb^{us} Ecclesiæ infeudari non solitis. 2. *c. quando §. d. tit.* Nam procedit, quando infeudatio rei Ecclesiasticæ magnum aliquod præjudiciū Capituli concernit. Diximus autem antea, quod, si res Ecclesiæ infeudari solita alii in feudum detur, Capitulo nullum fiat præjudiciū † 11. Quæritur: An sede vacante Capitulum possit res infeudari solitas in feudum iterum concedere? Quod itidem affirmandum. Quia capitulum interim representat personam Prælati, totaque rerum administratio est penes illud. Deinde probat hanc sententiam quoque *c. 10. d. feud. Limitat quidē hanc assertionē Zas. de feud. p. 5. n. 48. & Somsb. p. 6. n. 4. Nisi sit Ecclesiā cathedralis per tot. tit. X. n. sede vac. quid inn.* Verum quoniam ex hoc ipso titulo limitatio non potest probari, rectè eam rejicit Nob. Dn. Struv. in *disp. feud. 3. lib. 9.*

Q. III. Controvertitur inter F. F. An Prælatus vel aliæ personæ
 Ecclesiasticæ suis consanguineis feuda ad se reversa conferre
 possint? ad quam quæstionem affirmativè respondendum esse
 puramus, tū per *cap. Linfin. X. d. feud. ca. dilecto. 25 in pr. d. prabend.*
& dignit. tumquod neque civili lege, neque canonica sanctio-
 ne hoc prohibitum reperiatur; tum quod caritas ordinata à se
 ipsa incipiat *arg. l. 6. c. d. serv. & ag.* Modo tamen honestæ sint
 personæ, & talis infeudatio Ecclesiæ onerosa non appareat, o-
 mnisque fraus absit *vid. Rittersb. de feud. lib. 1. c. 5. & Myns. cent.*
9. obs. 47. Nec obstat 1. *Auth. quibuscunque. C. de SS. Eccl.* Loqui-
 tur enim de œconomo, cui non est tanta potestas, quanta Præ-
 latis. 2. *Nov. 120. c. 5.* argum. ab emphytensi ad feudum. Nam
 Resp. hoc argumentum non procedere quando utriusque ad
 est diversa ratio. (i.) Sequuntur Personæ seculares, quæ vel in-
 dignitate sunt constitutæ, vel non. Illæ, quæ gradum vel di-
 gnitatem habent, sunt vel in Summo, vel in Medio, vel in Infimo
 gradu. In summo gradu est Imperator, qui in jure Feuda-
 licum Princeps, item Rex vocatur *c. un. quis dic. Dux. 2. feud.*
10 & n. text. Hic autem Imp. non tantum bona sua patrimo-
 nialia & propria, sed etiam Imperii, nisi in ejusdem vergat de-
 trimentum, licitè in feudare potest. *c. un. 1. in pr. de feudo*
Blarch. 1. feud. 14. c. un. 2. feud. 10. Quamvis enim illorum pro-
 prietas non ad ipsum Imperatorem jure patrimonii pertineant,
 tamen quatenus iis ad suam & imperii maiestatem tuendam &
 augendam utitur, pro dominò habetur *l. 2. & 3. C. de quadr.*
prescript. Schrader. d. feud. c. 1. n. 22. Ludw. d. feud. c. 3. Et hic so-
 lus feuda regalia seu annexam dignitatem habentia, vulgo
Öcepter und Sähnenlehn in Imperio aliis tribuit. Hæ enim
 dignitates ex regali Magnificentiâ & à solo Imp. tanquam fonte
 fluunt. *Schneidew. d. feud. p. 3. n. 51.* Si verò Imp. decesserit,
 hujus vices vacante Imperio sustinent duo illi Electores Palati-
 nus Rheni & Elector Saxonicus, qui de feudis quoque investire
 & juramenta fidelitatis vice & nomine sacri Imp. recipere pos-
 sunt, exceptis duntaxat feudis Principum, & illis quæ vulgò *Säh-*
nenlehn appellantur, quorum investitura & collatio soli Imp.

vel

vel Regi Romanorum est reservata, vigore Aureæ Bullæ Carol.
 IV. Rubr. Von Rechten des Pfalzgraffen und Herzogen zu Sach-
 sen. Quæritur autem hic, an Imperator castrum pagum vel op-
 pidum alicui civitati adimere & alteri infeudare possit? Dis-
 tingueretur. *Rosenth. cap. 3. concl. 21.* hoc modo: Aut civitas
 domina facta est castri vel pagi per modum contractus investi-
 turæ, vel tali privilegio, quod in contractum incidit; vel per nu-
 dum privilegium, aut alium modum. Priori casu putat Imp.
 hoc non posse facere, posteriori verò casu omnino. Verùm
 hæc opinio approbare videtur plenitudinē potestatis, quam, li-
 cet approbant multi, iniquitatem tamen sapere nulli dubitamus;
 cum sit contra jus naturæ & gentium aliquem sine culpa re-
 sua privare, & privilegium semel concessum alicui non potest
 ipsi nullo perpetrato delicto auferri, per vulgata. Imò quæli-
 ber concessio Principis ita interpretanda est, ne ex ea præjudici-
 um tertio inferatur. *l. 2. § Si quis à Principe ff. ne quid in loc. publ.*
 In medio gradu, sunt Electores, Archiduces, Duces, Marchio-
 nes, Comites, quibus hodie etiam adnumerantur Barones.
 De hisce autem in genere traditur, quod tantum possint in suis
 territoriis, quantum Imp. in Imperio, & sic ad instar Imp. fenda
 concedere queant. Quod ipsum tamen sic explicandum vi-
 detur, ut procedat, si de bonis particularibus sui Ducatus, Mar-
 chionatus, Comitatus Baronatus absq; suarum dignitatum da-
 mno aliquem investiant; secus si ipsi totum Ducatum alii in feu-
 dum concedere velint, quod ipsis absque Imp. permissu conces-
 sum non est. *Schult in Synoph. feud. c. 4. 12. 21.* Controverti-
 tur verò ulterius hic inter F. F. 1. An Duces, Marchiones, & Co-
 mites aut alii superiorē recognoscentes aliis regalia in feudum
 concedere valeant? In qua quæstione distinguendum esse pu-
 tamus. Aut regalia feudo annexa una cum feudo titulo feudi
 in vasallum transferuntur. Aut separatim atque per se. Prio-
 ri casu procedit infeudatio, posteriori verò casu non. Quia
 multa per universalem concessionem in alium transferri pos-
 sunt, quæ per se atq; singulariter alii concedere nequeunt. *l. 1.
 ff. d. fund. dot. l. quadam 62. de acq. rer. com. 11.* Si quis Dux, Mar-
 chio

chie vel Comes antequam in Imperatorem eligatur aliquem de bonis quibusdam particularibus imperii investierit, & contingat hunc Ducem, Marchionem vel Comitem postea in Imperatorem eligi, an ipse Impetator hanc investituram omnino confirmare cogatur? Hic iterum erit distinguendum: Aut quis ignorans hanc rem ad dominum feudi non pertinere, de ea investitus fuit, vel etiam sciens, & dominus feudi ei cautionem de evictione præstiterit; Aut quis scienti, nulla ei præstata cautione de evictione rem aliquam Imperii in feudum concessit. Priori casu subsistit infeudatio; posteriori vero casu non. *Schrad. de feud. p. 4. c. 1. n. 18.* In infimo gradu sunt Valvasores Majores *c. un. d. not. feud. 1. feud. 7.* Et hic vocantur valvasores Regni vel Regis & Capitanei, licet minus propriè; Inter illos enim sunt Nobiles eminentiores teste *Schrad. d. p. 4. c. 1. n. 18. & seq. †* Nullius verò superioritatis ratione feuda concedunt Valvasores minimi vel Valvasini, cujus generis sunt in Germania Nobiles, qui non adeò inter reliquos eniment, nec non alii privati & plebei, quorum licet hic nulla fiat mentio, tamen sufficit, quod hoc fiat in alio textu, nimirum *in c. un. feud. 7. c. 1. de Lege Corradi. 2. feud. 34.* ex hoc fundamento, quod omnis ille qui dominus est rerum suarum, & liberam habet bonorum administrationem, feudum dare possit. Unde quaeritur 1. à F. F. an rusticus feudum dare possit? Quod affirmandum 1. **Q.** propter adductum principium. 2. propter generalitatem textus *in c. un. 2. feud. 10.* 3. Quod non sit absurdum, ut major se subiciat jurisdictioni minoris, ut patet *ex l. 14. ff. de jurisd.* Nec facit pro diss. *Niello disp. feud. 2. sb. 1.* quod Dominis feudorum jurisdictio tribuatur, quæ in privatos & plebejos cadere nõ videtur. Dicendum enim de Jure civili quidem plerumque illud obtinere; Jus vero feudale omnib⁹ eo ipso quo, feudi datione concedit, indistinctè etiam Jurisdictionem concedere, earumque non ex ulla dignitate, sed sola feudi lege & pacto promanare. *Lindec. disp. feud. 2. sb. 7.* II. An foemina possit alicui feudum concedere? Videtur quidem hoc negandum 1. Quia Jure Longobar-

gobardorum fœmina liberam suorum bonorum administratio-
 nem non habuit; & ita nec jus infeudandi 2. Quia is, qui feud-
 um dat, jurisdictionem habere intelligitur *c. 1. d. invest. in mar.*
fact. 2. f. 15. & c. 1. an. ap. jud. vel cur. dom. 2. feud. 46. Fœmi-
 næ verò jurisdictione exercere non possunt; Est enim exercitium
 jurisdictionis officium virile, à quo fœminæ prorsus sunt remo-
 tæ *l. 2. ff. de R. d.* Verum affirmativa sententia verior est 1. *propter*
b. n. text. in verb. Abbatisa 2. propter expressum textum in *c. 1.*
f. fœmina, per quos fiat invest. 2. feud. 3. Nec obest prima ratio dubi-
 tandi; Nam quamvis olim dubitatum fuerit hac de re, quod fa-
 cilè largimur, tamen hodie per *d. c. 1.* omnis dubitatio est sub-
 lata. Altera verò ratio dubitandi procedit saltem de jure civi-
 li, imò adhuc in dubio esse videtur an jurisdictionis exercitium
 sit simpliciter officium virile; Jure verò feudali hoc prorsus non
 procedit, secundum quod nulla sexus distinctione Vasallos haben-
 ti Jurisdictio tribuitur *c. 1. §. nam. & illud de eo qui sibi vel hered.*
 suis 2. feud. 17. III. An minor 25. annis possit investire aliquem de
 feudo Quod Negandum 1. Quia minor non habet liberam
 bonorum suorum administrationem *tit. C. de prad. & aliis*
 reb. min. 2. Quia feudi constitutio plerunque est donatio seu
 beneficium *c. 1. d. feud. dat. in vicem leg. comm. 1. feud. 27. c. 1. §. in*
 primis. in quibus causis feud. amitt. 2. feud. 23. Minor verò do-
 nare concessum non est. *l. fin. C. si minor maj. fact. 3.* Feudum
 consistit in re immobili, ut in definitione diximus, Atqui rem im-
 mobilem nec cum consensu curatoris absque detrimento magistra-
 tus minor alienare potest 1. *l. d. prad. min. sine decret. non alien.*
 vid. Duar. d. feud. c. 6. Wesenb. de feud. c. 4. Blanc de feud. c. 4. n.
 6. Hammeton 1. de feud. c. 5. (k) Quoad personas feuda acquiren-
 tes observanda est generalis regula: Quod omnes feuda acci-
 pere possunt, quibus non est interdictum rerum commercium,
 non habità ratione Vel sexus, (siquidè & masculus & fœmina
 ad feudum admittuntur 2. feud. 3. in verb. personam investituram
 accipientis non distinguimus. Videtur etiam Dominus fœminam
 de feudo investiens tacitè admittere, ut servitia, quæ ipsa expe-
 dire nequit, per substitutum præstet *Andr. Kobl. de serv. feud.*)

Vel etatis. Si tamen aliquis est infans aut infantiz proximus non nisi tutoris autoritate feudum accipere potest. *Boet. de invest. feud. c. 3. n. 175.* *Vel dignitatis.* Nam indistinctè tam nobilis quàm ignobilis, imò superior ab inferiore feudum accipere potest; Ut & servus. *2. feud. 3.* Qui si à domino feudum accipit simul sit liber. Quoniam servus quatenus talis militiz non est particeps *l. 6. C. qui milit. poss. lib. 12.* Quid verò dicendum, si quis servo alieno det feudū, an ipse servus illud acquirere possit? Resp. dist. Aut feudum datur ab aliquo seiente eum talem esse, & illud acquiritur ejus domino *d. §. personar. 2. feud. 3.* Aut feudum datur servo alieno ab ignorante eum servum esse, & feudum datum nullum est. Nam si scivisset eum esse servum, verisimiliter eum non investivisset *Hartm. tit. 54. de feud. obs. 1. Rosentb. d. feud. c. 3. c. 6. (1.)* Propterea sic dicti, quod ad valvas dominorum custodiz & reverentiz causā stent. (m.) Impropiè scilicet,

T E X T U S.

ET quia vidimus de personis, videamus qualia priùs habuerunt initia. Antiquissimo (a-) enim tempore sic erat in-
 dominorum (b.) potestate (c.) connexum,
 (d.) ut quando vellent, possent auferre rem
 in feudum à se datam. Postea verò eò ven-
 tum est, ut per annum tantum firmitatem
 haberent. Deinde statutum est, ut usque
 ad vitam fidelis (e.) produceretur. Sed cum
 hoc jure successionis ad filios non pertine-
 ret,

ret, sic progressū est, ut ad filios deveniret, in
quem scilicet Dominus hoc vellet benefici-
um confirmare. Quod hodie ita stabili-
tum est, ut ad omnes æqualiter veniat. (f.)
Cum verò Conradus (g.) Romam profici-
scretur, petitum est à fidelibus, qui in ejus
servitio erant, ut lege ab eo promulgata, hoc
etiam ad nepotes ex filio producere dignare-
tur, & ut frater fratri sine legitimo (h.) here-
de defuncto (vel filius) in beneficio quod eo-
rum patris fuit succedat. Sin autem unus
ex fratribus à Domino feudum acceperit,
eo defuncto sine legitimo herede, frater ejus
in feudum non succedit: quod etsi commu-
niter acceperint, unus alteri non succedit;
nisi hoc nominatim dictum sit, (i.) scilicet,
ut uno defuncto sine legitimo herede, alter
succedat: herede verò relicto, alter frater
removebitur. Hoc autem notandum
est, quod licet filiæ ut masculi patribus suc-
cedant (k.) legibus, [l.] tamen à successione
feudi removeantur; [m.] similiter & earum fi-

lii [In.] nisi specialiter dictum fuerit, ut ad eos pertineat. (o.) Hoc quoque sciendum est, quod beneficium ad venientes ex latere ultra fratres patruales non progreditur successione, secundum usum ab antiquis sapientibus constitutum, licet moderno tempore usque ad septimum geniculum (p.) sit usurpatum: quod in masculis descendantibus novo jure usque in infinitum (q.) extenditur.

ELABORATIO.

(a.) Hinc apparet feudorum usum esse antiquissimum. (b.) scilicet feudi, (c.) id est, arbitrio. (d.) id est, positum. (e.) hoc est, vassallus, qui propterea sic vocatur, quia fidem & juramentum fidelitatis domino præstare debet. (f.) etiam si à patre inæqualibus portionibus heredes essent instituti. Nulla enim ordinatio defuncti in feudo valere potest §. 2. *in pr. d. succ. feud. 1. feud. 8.* Fallit autem quod hic dicitur l. In filio naturali, licet postea fiat legitimus *c. naturalis. Si de feudo def. 2. feud. 26.* 2. In filio adoptivo, qui in feudo non succedit, §. *adoptivus d. 2. feud. 26.* 3. In filio, qui Dominum offendit, nec Satisfacere Domino curat. *c. insuper de prob. feud. alien. per Frider. 2. feud. 55.* 4. Si filius factus fuerit clericus, ac habitum religionis assumpsit. *c. un. de feud. fam. 2. feud. 30.* (g.) Scilicet Secundum, qui Salicus dictus est, quod dux esset Francorum orientalium, qui Salii vocabantur. (h.) In hisce verbis continetur illa distinctio inter feudum antiquum & novum. In feudo enim antiquo seu paterno

paterno frater fratri succedere potest, non verò novo. De Jure
verò Saxonico collaterales non solum in feudo novo, sed etiam
antiquo & paterno abs simultanea investitura non succedunt.
*per text. in Nov. Elect. Aug. p. 2. consil. 45. text. in Sandrecht c. 32.
vers. wou sie sich aber also theilen. vid. Berlich, pr. 2. concl. 53. n. 17.
(1.)* vel nisi frater de communibus bonis domino sciente feu-
dum emisset, quia tunc alteri in alterum recepta est successio c.
1. *de benef. fratr. 1. feud. 10.* Vel nisi fratres domino permitten-
te pacto prospexissent quod alter alteri succederet c. 1. *de fratr.
de nov. benef. invest. 2. feud. 12. in verb. nisi, per pactum.* Vel nisi
feudum tanquam rectum & nobile Titio & Sejo fratribus & cuius
libet in solidum per investituram concederetur, quia tunc alter
alteri succederet excluso domino per jus nō decrescendi. *vid. Za-
fig de feud. p. 8. n. 2. 4. & seq. ubi alias limitationes recenser.* Queritur 2.
An hoc casu etiam ascendentes ex fratre succedere possint? Resp. Q.
dist. aut pacto etiam heredes fratris vel in genere collaterales
continentur, vel feudum novum jure antiquo fuit concessum,
vel feudum à duobus fratribus simul est acquisitum, & tunc af-
firmativè ad quæstionem respondendum: Aut unus fratrum,
feudum acquisivit, & frater admittitur in investitura ad successi-
onem: tunc, cum ea quibus receditur à communi feudi natura,
strictè sint accipienda, & aliàs quoque pacta sint stricti juris, ne-
gativè erit respondendum. Nec obstat contractuum & pa-
ctorū natura, quod nimir. proficiat etiā heredibus, & non censean-
tur ad personam pacto insertam restricta. Hoc enim procedit,
quoad Cus civile, non verò feudale, quoad bona allodialia,
non feudalit. (k.) De Jure nimirum Civili, secundum quod
filiz cum filiis simul succedunt l. 4. *C. de lib. prater. l. per. C. de
leg. hered. & hoc quidem propterea, quia natura tam facit ma-
rem quam feminam; Successionis autem ratio in jure naturæ
maxima ex parte fundata est. (l.)* scilicet feudalibus. Et hoc
procedit ratione effectus; Non minus enim obligant consuetu-
dines feudales, quam leges. (m.) Non enim possunt Domino
feudi præstare servitia, eique fidelitatem in bello exhibere. Va-
lulus autem Dominum suum comitari debet euntem ad præli-

um, eiq; perpetuâ fide ad esse; adeo ut si in acie periclitantē dimiserit, beneficium tanquam indignus amittat §. *item qui Dominum. infr. quæ sūt prim. causa. benef. amitt.* 2. feud. 24. Deinde, vasallus iuramento obstringitur secreta sibi à Domino manifestata nemini pandere absque licentia domini c. *unic. de nova form. fidel.* 2. feud. 7. Nulli autem incognitum est, hoc à fœminis sperari non posse; cum pervetustum habeat proverbium: Mulieres & pueros id celare, quod ignorant. Nec obstat, quod jus naturale sit immutabile. Quando enim jus feudale successione filias removet, non mutatur jus naturale, sed tantum ejus effectus impeditur, id quod omnino salvo jure naturali fieri potest; (u.) Nemo enim plus juris in alium transferre potest, quam ipse habet. Et heres ejusdem potestatis jurisque est, cujus fuit defunctus l. 54. l. 59. de R. J. (o.) scilicet in investitura, quæ tanquam norma & regula est attendenda. Vel nisi loci consuetudo habeat; fœminam in feudo posse succedere. Et talis consuetudo non improbanda, præsertim cum statum fœminarum reducat ad jus commune, & sic earum successio formæ suæ reddatur. vid. *Schenck. Baro à Tantenb. ad b. l. (p.)* Hinc non obstat c. *un. si vassall. feud. priv. cui def.* 2. feud. 31. & c. *un. post pr. de nat. feud.* 2. feud. 30. Loquuntur enim de tali feudo, quod ab acquirente per lineam rectam in descendentes est propagatum; postea vero remotis his descendentes transfertur ad collaterales. c. g. Titius primus acquirens habuit filios; & feudum in eos transmisit; hi filii iterum habent alios filios; postea verò descendentes omnes sine aliis liberis decedunt; & ita feudum ad collaterales transfertur; hi collaterales in infinitum succedunt. Noster verò textus & c. *un. §. 1. in fin. de succ. feud.* 1. feud. 8. loquitur de tali casu, ubi de acquirente immediate transit in collaterales vel agnatos, puta quia unus ex fratribus acquisivit feudum, & peculiari pacto prospexit, ut etiam fratres vel agnati succederent, & hi agnati seu collaterales usque ad septimum gradum succedunt. Alii inter quos est *Harim. Pistor. p. 2. lib. 2. q. 19. n. 31. & Vult. lib. 1. de feud. c. 9. n. 105.* quos sequitur *Berlich. p. 2. concl.*

*concl. 53. n. 13. indistinctè statuunt collaterales usque in infinitum
succedere (q.) Et quidem propterea quod filiorum nomine
non tantum nepotes, sed etiam alii descendentes contineantur
l. 84. l. 104. l. 220. de. v. 5. plura huc spectantia vide infra ad tit.
de succ. feud. 1. feud. 8. & tit. de benef. fratri 1. feud. 20. ut & tit.
de succ. fratrum. 2. feud. 11. tit. de fratribus de novo benef. invest. 2.
feud. 12. tit. de duob. fratr. 2. feud. 18. tit. de natura succ. feud. 2.
feud. 50.*

T E X T U S.

NOtandum est autem, quod illud bene-
ficio, quod à Regis Capitaneis, atque
Regis vel Regni valvasoribus aliis im-
penditur, propriè jure feudi censetur. [a.]
Illud verò quod à minoribus in alios trans-
fertur non jure feudi judicatur (licet aliter in
Curia Mediolanensi observetur) sed quan-
do voluerint, (b) rectè auferre queunt: nisi
Romam cum illis in exercitū perrexerint;
quo casu in jus feudi transit, & adjudicatur:
[c.] vel nisi aliquid propter feudum
acceperint, tunc enim nisi resti-
tuto pretio auferre non
possunt [d.]

(C.)

ELA-

ELABORATIO

(a.) Hoc est pro feudo proprio habetur. *Proprium autem feudum est perpetuum, transiens ad heredes, quod non revocatur pro arbitrio ipsius Domini. c. un. de natur. succ. feud. 2. feud. 50.* (b.) Hoc abrogatum est per *c. ult. quo temp. mil. invest. pet. deb. 1. feud. 22. & c. un. de feud. fin. culp. non amitt. 1. feud. 21. Add. Schenck Baro hic* (c.) Id est pro proprio feudo habetur. (d.) Iniquum enim est aliquem rem & pretium habere, cum contra jus naturæ sit, aliquem cum alterius damno locupletari *l. 41. ff. de cond. indeb.*

DE FEVDO GVAR DIÆ[a.] ET GVASTAL- DIÆ [b.]

T I T : II.

(a.) Feudum Guardiz est, quod arcis tuendæ aut territorii custodiendi causa conceditur gardiano, id est, custodi castri. germ. elnem Burgvogt. Guardiare enim, quod est Lombardicum vocabulum, nihil aliud significat, quàm custodire. (b.) Feudum Guastaldiz est, quod alicui conceditur ratione administrationis bonorum & possessionum dominicarum. Erat enim gastaldus œconomus quidam vel procurator, cui res dominica gubernanda committebatur.

CONTINVATIO.

Duplici hic titulus cum precedenti continuari potest modo: desumi potest à verbo: Item, & erit talis. Postquam in fin tit. proximè præcedentis ostensum est, qualiter minimi val
vatore.

valores non possunt feudum revocare, nisi restituant pretium,
à vassallis quod acceperunt; ideo erit in h. tit. agendum de il-
lis feudis, quæ revocari possunt pretio non restituto. 2. Quo-
niam in tit. præ. actum est de feudo regulari quod ad heredes
est transitorium & perpetuum, agendum nunc est in h. tit. 2.
de feudo irregulari quod est annale & non perpetuum nec ad
heredes transitorium, sed post annum revocatur, ut est feudum
Guardiæ & Guastaldiæ.

TEXTUS.

I Tē illud quod datur, nomine guastaldiæ
vel guardiæ & pro mercede alicujus rei, [a.]
transacto anno pot. jure auferri, [b.] etiam
pretio pro eo dato, non restituto: [c.] nisi ad
certum tempus datum fuerit. [d.] Si verò
guastaldi aliquid nomine proprii feudi pos-
sederint, non valebunt propterea possessio-
nem sibi defendere; [e.] nisi per pares Cur-
tis, vel breve testatum potuerint probare, se
antequam guastaldi essent, vel postquam de-
suerunt esse, investituram accepisse.

ELABORATIO.

(a.) Feudum pro mercede datum est, quo pro opera
prestanda domino merces constituitur; veluti si fiat ratione
advocationis, procurationis alteriusve officii domino prestan-

di. vide ea quae infra traduntur ad §. Quicumque 2. f. 27. (b.) Ob-
stare videtur c. un. in fin. in quib. ea. feud. amit. 2. feud. 23. ubi di-
citur, quod feudum servitii sit perpetuum. Sed resp. feudum
propter servitium principaliter concessum annale, ob gra-
tiam verò primariò concessum, adjuncto ei servitio, perpetuum
esse. vid. Goth. in not. ad h. text. Rationem autem quare feudum
servitii sit annale, hanc posse dari, statuit Baldus & cum eo Schenck
Baro hic, quod integrum fuerit domino rem suam possidendam
concedere ad tempus, cum quilibet sit rerum suarum liber mo-
derator & arbiter l. in re mandata. 21. C. mand. Verum, qui-
quid satis ironice scribit dictus Schenck Baro, nobis bona vide-
tur ratio, quam reddit Alvarotius, quod nimirum officia plerun-
que non tantum apud Romanos, sed & alias gentes fuerint an-
nalia, finito ergo officio, propter quod feudum fuit concessum,
finitur merito etiam feudum ipsum. Cessante quippe causa,
cessare debet effectus, per vulgata. (c.) Andr. de Isernia pu-
tat quidem hunc textum summam sapere iniquitatem, quod
vasallus feudum unà cum pretio sine suo facto vel culpa amit-
tat. Verum sciendum, quod pro introitu talium officiorum
solutum fuerit domino certum pretium, quod erat taxatum se-
cundum qualitatem officii; Finito ergo officio finiebatur feu-
dum tanquam accessorium ad ipsum officium. Nec potest fie-
ri repetitio pretii dati, quoniam feudum pro quo datum est
jam habuerat suam executionem. Et debet aliquis sibi impu-
tare, quod tale revocabile feudum pretio dato acquisiverit. (d.)
Tunc enim id quod cautum est observare debet, nec potest recede-
re à conventionem semel inita (Contractus enim ex conventio,
ne legem accipiunt l. contractus. 23. de R. O.) nec alteri jus su-
um quæsitum auferre. Quod ipsum tamen fallit, si iusta quæ-
piam indignatio, aut legitima causa aliud suadeat. (e.) Feu-
dum enim quod Guastaldus possidet, præsumitur possideri no-
mine guastaldiz, non jure proprii feudi. Et ita ex qualitate
officii, præsumitur qualitas feudi. Nec obstat. 1. c. 2. in fin. si
de invest. int. dom. & vas. lis oriat. 1. feud. 26. ubi vasallus posses-
sor juramento possessionem suam tueri potest. Nam textus il-

le loquitur de possessore veri feudi qui per unum annum sciente domino & non contradicente in possessione permansit. Noster vero textus disponit de vasallo guastaldiz, qui in nulla vera feudi possessione domino sciente existens, prætextu suæ administrationis rem domini inviti occupasse præsumitur, nisi contrarium probaret. Sic quoque non obstat *q. item si vasallus. Si de invest. feud. cont. fuet. 1. feud. 4.* est enim ibi incertum, verum ne feudum an guastaldiz vasallus à domino habuerit. In nostro vero textu pro certo ponitur aliquem feudum guastaldiz acceptasse, seque pro guastaldo gessisse. Huic enim, si rem dominicam postea velut titulo veri feudi possideat, juris resistit præsumtio. Quare evidenter docere debet, se possessionem ejus legitime fuisse assecutum. Sed quid dicendum si guastaldus est consanguineus Domini, & ipsi aliquid detur, an præsumatur datum occasione officii vel sanguinis? Resp. verum esse posterius. Præsumtio enim cedit veritati & veræ probationi *l. fin. ff. quod met. causa. 16.* Controvertitur, hic: An jus Guastaldiz possit 30. ann. præscribi? Resp. quod non. semper enim constat, quod habeat causam à Domino, & sic non potest deficiente bonâ fide habere locum præscriptio. Facit etiam hæc *l. male agitur 2. C. de præscript. 30. vel 40. ann.*

QVI SUCCESSORES FEUDUM DARE TENE- ANTUR.

T I T: III.

CONTINUATIO,

Postquam tit præced. actum de feudo, quod potest auferri à vasallo, etiam ipso vivente. Nunc ergo in h. tit. ostenditur, & declaratur, an liceat Domino vivente adhuc vasallo investire alium

alium de feudo possessio per ipsum vasallum viventem. Necessit
putandum quasi hic tit. sit superfluous propter tit. *9. hujus lib. 1.
feud.* in hoc enim tit. *9.* agitur de filiis quatenus investituram
promissam adimplere tenentur, de quibus in nostro presenti
titulo non agitur. Dividi autem potest in duas partes, qua-
rum prior agit de successore clerici, altera de successore laici.

T E X T U S.

SI vero Archiepiscopus, Episcopus vel
Abbas vel Abbatisa investituram ejus feudi,
quod alius detinebat, eo tenore alicui
dederit, (a.) ut post decessum ejus qui possi-
det, habeat: & ante decesserit archiepiscopus,
quam ille qui feudum possidebat, successores
eorum non coguntur eam investituram
facere vel confirmare, (b.) etiam si pares
ejus curtis adsint testes, vel breve testatum in-
de sit. (c.) Nisi ille, qui investituram acce-
perit, nomine ejus feudi in possessionem
missus sit, eo consentiente, qui detinet. (d.)
Sed si ille qui feudum possidet prius de-
cesserit, quam ille qui investituram fe-
cit, jure cogitur eam ratam habere. (e.)
Laici verò iisdem modis omnibus, quibus
supradiximus, si aliis investituram dede-
rint,

rint, heredes eorum, si rationibus claruerint. (f.) omnimodo eam adimplere coguntur. (g.)

ELABORATIO.

(a.) Quamvis de jure Civili non liceat pacisci de successione & bonis alicujus viventis *l. hereditas c. G. de pact. conv.* cum incivile sit casum & adversam liberi hominis expectare fortunam *l. inter stipulantem. §3. §. sacram. ff. de V.O.* & huiusmodi conventiones, tanquam votum captandæ mortis inducentes, odiosæ esse existimantur *c. 2. d. concess. preb. d. l. fin. C. de pact.* Tamen aliud in hoc nostro tit. dispositum reperitur, quod nimirum de feudo, quod aliquis adhuc possidet, alius investiri possit. Et ratio differentię hæc dari potest, quod Dominus hoc in casu alicui investituram concedat, non de bonis vassalli, sed potius de re sua, quàm tertius possidet, disponat, quod cuivis liberum est *l. in re mandata 21. C. mand.* Sic etiam de jure civili Dominus directus, qui usum fructum fundi sui alicui ad vitam concessit, de eodem jure disponere potest, ut post mortem ejus ad alterum perveniat *l. qui fructus. 25. l. fundi 38. ff. de usu & usufr. 2. leg. l. ut hereditas. §0. ff. de leg. 2.* (b.) Non enim prædecessor rem eam spe alicui conferre potuit, ejus conferendæ facultas à futuro penderet eventu, quæ vita ejus durante non accidit. Præsentium namque rerum, non etiam post mortem suam gerendarum habuit administrationem. Et in huiusmodi dignitate Ecclesiastica antecessor & successor non censentur eadem persona. Nam hic non jure successionis, sed vel electione vel postulatio-
ne proprio jure succedit. *c. consultationibus 19 de juri. patron.* Si tamen prædecessoris investitura eum consensu capituli facta fuerit, ad ejusmodi investituram præstandam recte obligabitur, non tam ex persona sui antecessoris, quàm ex promissione capituli, uti hoc pluribus rationibus confirmat, *Berlich. p. 2. concl.*

94 n. 11. & Hartm. Piff. q. 27. Deinde si prælatus aliquem investierit de feudo vasalli viventis nō simpliciter, sed pro se & suis heredibus, & ipsi successor non tantum in Prælatura, sed etiam in bonis allodialibus successerit, tunc successor tanquam heres antecessoris sui investituram ratam habere tenetur, ut tradit *Schrad. d. feud. p. 3. c. 2 n. 43.* Sic etiam, si necessitate & utilitate Ecclesie exigente, vel in remunerationē meritōrū vel servitiōrū Ecclesie exhibitorū feudū promiserit prælatus, successor ejus investituram adimplere tenetur *arg. c. ult. q. 7. 15. & c. 5. de don.* Quid

Quod verò dicendum, si conditio vivente prælato qui concessit expectativam, extiterit, & fortè ipse abusivè illum, cui feudum promisit, investierit, ante traditionem vero decesserit, anne successor investituram adimplere, & feudum tradere teneatur? Negativè respondet, *Finckelth. disp. feud. 7. con. 12. lib. 8. ex hoc fundamento:* quia, licet conditio extiterit, nullum tamen jus in re consecutus fuit investitus, sed solum jus ad rem, investiens ergo est obligatus ad tradendū, quæ obligatio cum persona Prælati promittentis ac investientis extincta esse censetur. Verum cum conditio promissioni adjecta sit impleta, ac vivo ipso Prælato, jus succedendi verum & purum sit quæsitum, atque insuper per investituram abusivam firmatum, ideò successor recusare nequit, investituram sine detrimento Ecclesie in re investitari solita factam, adimplere: *vid. Andr. de Isernia & Maib. de Affict. ad. c. 1. §. ult. quib. mod. feud. const. pot. 1. feud. 25.* Aliud statuendum est, si conditio vivo eo, qui investivit, non extitit, quia tunc obligatio non est nata, nec jus succedendi quæsitum, successor & sic nullo modo adstringitur. (c.). Quia per possessionis traditionem jam res suam periodum & robur irrevocabilis juris est consecuta, à nullo amplius rei eventu dependens. Aliàs hæc verba à nonnullis ut *Gl. & Alvarotto* hoc modo explicantur: ut nisi ille, qui investitus, in possessionem consensu possessoris ita missus sit, ut, possessor omne jus suum dimiserit, ac in investitum plenum jus feudi transferri passus fuerit, Verum non rectè. Aut enim tunc suberit refu-

tatio

tatio feudi domino facta, & in congrua erit limitatio, & frustra
quereretur, an successor adimplere teneatur id, quod præde-
cessor jam adimplevit: Aut alienatio & translatio feudi à vasal-
lo possessore in noviter investitum, & iidem incongrua esset
limitatio & questio. Rectius ergo interpretantur: Nisi in
communione ipsius juris feudi à vasallo possessore fuerit rece-
ptus, exercitio tamen hujus juris, sub conditione suspenso, sibi
integrali servato. (d) Ad hoc enim investitura abusivà se ob-
ligavit, à qua obligatione non prius liberatur, quàm investito
feudum apertum tradat. Queritur autem: An vasallus tenens
feudum debeat consentire expressè, an sufficiat, quod sit præsens
missioni in possessionem? Et verum est prius, quia tractatur
hic de præjudicio tertii sc. successoris prælati, ut & ipsius posses-
soris vasalli, quo circa tacitus consensus, qui ex sola præsentia
colligitur, hic sufficere nequit. *arg. eorum, que tradit Dyn. in c.*
qui tacet d. R. 7. in. 6. (e.) hoc est, si prædictis modis, nimirum
per pares Curtis vel per breve testatum investitura probata fue-
rit. Aut, ut *Nob. Dn. Tabor. de succ. obl. in offic. c. 1. n. 22.* vult,
verba hæc referenda sunt ad investitos, ita ut respiciant præce-
dens verbum (aliis,) & sensus sit, si qui conveniunt heredes ra-
tionibus claruerint. h. e. rationibus seu probationibus noti sint,
quod investiti à defuncto fuerint. (f.) Et sic textus erit intel-
ligendus de iis successoribus, qui jure hereditario vel potius
jure sanguinis, non jure proprio, vel ex pacto & providentia suc-
cedunt; Hi enim etiam si laici sint, feudum tradere & expectati-
vam ab antecessore concessam servare regulariter haud tenen-
tur. *Matb. d. Affili. b. l. Schrader p. 3. c. 2. n. 25. & Rosenb. c. 6.*
concl. 17. Limitationes autem hinc inde collectas vide a-
pud *Nob. Dn. Struve disp. feud. 7. th. 9. (g.)* Et hoc in tantum
procedit, ut nec præstando interesse, liberentur, sed præcisè
feudum tradere & investituram confirmare teneantur. Si mo-
do facultatem tradendi habeant, *vid. Hartm. Pistor.*

lib. 2. q. 2. Diff. Zasius de feud.

p. 6. n. 12.

D A

SI DE

SI DE INVESTITURA FEUDI CONTROVER- SIA FUERIT.

T I T: IV.

CONTINUATIO.

Postquam supra actum est de concessione & acquisitione feudi, & de hisce ut plurimum solent oriri controversiæ ut v. g. an investitura facta sit, vel non, aut similes; ideo sequitur nunc titulus de controversia investituræ. Differt autem hic tit. à tit. *infr. de contr. feud. ap. par. term. 2. feud. 16.* in eo, quod in n. titulo ostenditur, quis teneatur probare investituram. In tit. verò. 16. declaratur, apud quos iudices debeat talis questio determinari.

T E X T U S.

Si autem controversia inter Dominum & fidelem de feudi investitura fuerit, quid juris sit, videamus: Et si investitura (a.) facta fuerit coram paribus curtis, (b.) aut in brevi testato, (c.) rectè eum qui investitus est, cogitur dominus (d.) mittere in feudi possessionem. (e.) Si verò fuerit in possessione & mo-
ta

ta fuerit ei controversia à Domino, (f.) ei defensio detur propter possessionem. (g.) si autem non fuerit, nec supra dictis modis poterit probare; tunc erit illius defensio, qui investituram dicitur fecisse. (h.) Si verò feudum aliquis habuerit, de quo nulla est controversia, & dixerit, se investituram alterius feudi accepisse ab eodem domino, nec in possessione fuerit, nec prædictis rationibus probare, poterit, licet domini esset defensio ex ordine, tamen, quia aliunde vasallus est, remittitur, Domino ex æquitate defensio. (i.) Cum autem quis dixerit feudum ad se per successionem pertinere, adserendo illud esse paternum, si fuerit in possessione medietatis, vel alicujus partis, (k.) vel Cambium (l.) proprietatis nomine illius feudi habuerit, vel aliis justis rationibus (m.) illud esse paternum, probare potuerit, jure obtinebit; (n.) si verò probare non potuerit prædicto modo, dabitur ei defensio [o.] cum duodecim Sacramentalibus. [p.]

ELABORATIO.

(a.) Intellige abusiva, quæ sit per quandam imaginariam futuræ possessionis repræsentationem, veluti si hastam vel aliud corporum quoddam Dominus alicui porrigat, feudi investituram se facere dicens. Hæc autem investitura quamquam investito nullam tribuat possessionem, tamen jus irrevocabile ad feudum à Domino realiter consequendum præbet. Huc accommo-

Q dari potest illa controversia? An abusiva investitura differat à promissione feudi? Respondendum autem quod sic 1. Quia abusiva investitura facit feudum, non autem promissio de infeudando, per ea quæ tradit *Br. ad l. singularia* 11. ff. si. cert. pet. 2. Abusiva investitura pares Curie testes requirit h. n. text. promissio verò feudi non. 3. Post investituram abusivam dominus præcisè ad rei traditionem tenetur, juxta n. text. Non etiam ex promissione, sed præstando interesse liberatur. *Andr. d. Ifern. in c. si facta, si de feudo defuncti. 2. feud. 26. diff. Harm. Pist. lib. 2. p. 2. q. 30. n. 4. & seqq. (b.)* Vocantur autem pares Curie, qui ab eod. Domino immediato feuda habent, sive in eodem territorio sive in alio. (c.) quod est instrumentum publicum, quod summam rei vel investituræ continet; Et dicitur breve, quia brevibus fiebant verbis; testatum autem, quia testes pares nimirum curie inscribebant sese instrumento, rem testificando 2. *feud. 37. Zasius de feud. p. 6. n. 6.* Hodie sanè instrumenta seu literæ super investituris conscriptæ sufficiunt. etiamsi non adsit subscriptio parium, teste *Schneider p. 4. de feud. n. 2. & Schult de feud. c. 12. n. 52. & 53. (d.)* & quidem ita, ut feudum, abusivà investiturà facta investiente tergiversante, manu militari auferri possit *Myns. cent. 4. obs. Q. 61. n. 8. per l. 68. ff. d. R. V.* Quid verò si investiens velit præstare interesse, an sit audiendus? Rectè hoc negatur, propter *cap. si facta. 2. feud. 26.* Quod ipsum tamen fallit 1. Si vassallus immisionem non petit, sed ad interesse egit. *Rosenth. in synop. feud. c. 6. concl. 8. n. 1. 2.* Si Dominus aliquem primò abusivè, & postea secundum propriè investiat, tradendo ei possessionem; tunc enim Dominus à primo liberatur præstando interesse 2. *feud. 26.* vel feudum

con-

conſimile pariſque æſtimationis. *Hanner. lib. 1. de feud. c. 7. Weſenb. d. feud. c. 7. n. 10. Vult. d. feu. c. 10. n. 11.* ubi hoc quoque jure Saxónico procedere teſtatur. § & ult. ſi forte aliqua juſta exceptio vaſallo objici poteſt, puta quod feloniam ante adeptam poſſeſſionem commiſerit: modo Dominus hoc in continenti probare queat & paratus ſit, alioqui eū ante omnia tradere. & poſtea ſuper feloniam aliave ſimili exceptione diſputare oportet, ut ſcribit *Schneider. p. 5. d. feud. n. 129. (c.)* & quidem vacuam, & liberam, non occupatam ab alio, remoto omni impedimento d. c. ſi facta & ibi *Gl. in verb. Dominum poſſeſſionum. Clarus in §. feudum. q. 26. n. 4.* Quod ſi verò Dominus non faciat hoc, ſed mortuam tradendæ poſſeſſionis neſcit, cogitur etiam vaſallo fructus omnemque eam commoditatem, quam ex re feudali protinus tradita conſequi potuiſſet, reſpondere c. un. de nov. form. ſid. 2. feud. 7. Ut autem hic textus noſter procedat, tria deſiderantur 1. Ut vaſallus investitum ſe à Domino fuiſſe legitime probarit h. n. text. 2. ut vaſallus prius juramentum fidelitatis Domino præſtiterit §. ult. de nov. form. ſid. c. feud. 7. Primò enim Sacramentum fidelitatis præſtandum eſt, priuſquam investitura realis fiat, tam eſſi fidelitatem verbalis & abuſiva investitura præcedat c. un. quid præced. deb. 2. feud. 4. 3. Ut Dominus facultatem rei tradendæ habeat. Si enim aut juris aut facti impedimento illam tradere nequit, præſtando intereſſe liberatur, ut prædictum, & pluribus confirmat *Sonſb. d. feud. p. 9. n. 33. & Schrad. p. 5. c. 2. n. 17. in. fin. (f.)* dicente, hoc feudum ſpectare ad ſe, nec vaſallo eſſe investituram factam. (g.) id eſt, admittendus eſt ad jurandum, ſe nimirum vel antecellorem ſuum fuiſſe de hoc feudo investitum c. ult. quid ſit investitura 2. feud. 2. Et hoc commodum ei præſtat poſſeſſio; modo tamen per annum ſciente & non contradicente Domino in poſſeſſione feudi fuerit. Attamen ſi Dominus probare vellet, investituram non eſſe factam, videtur non obſtante vaſalli annali poſſeſſione admittendus, qui ſi in probatione defecerit, tunc demum locus erit deſenſioni iſtius vaſalli, ita ut ejus juramento cauſa finiatur, & ita textui noſtro non obſtat §. ult. d. conſues. rect. feud. 2. feud. 33. (h.) hoc

(h) hoc est jusjurandum deferatur Domino, licet ejus adversarius vasallus nihil probaverit ; quod est contra regulas juris civilis , secundum quas actore non probante reus absolvitur *l. ult. C. de R. V. l. 4. C. d. edend.* Hoc tamen non est perpetuum, sed ita demum obtinet, si justa ratio & causa iudicis animum ad hoc moveat. §. *Sacramentum de conf. rell. feud. 2. feud. 33.* (i.) Horum verborum sensus est : Licet Dominus mero & stricto jure jusjurandum præstare teneretur, juxta tradita in prox. præced. remittitur tamen Domino ex æquitate defensio, per juramentum perficienda, idque propterea, ut reverentiæ, quam Domino manifestus debet vasallus, ratio aliqua haberetur. Quemadmodum, alioquin ob reverentiam & patrono & parentibus juramentum remitti consuevit *l. 34. §. 4. ff. d. iurej.* (k.) Hinc patet, partis feudi possessorem se esse qui plenè probavit, idem & alterius partis indubio præsumi possessorem ; quòd si semiplenè tantum se partis possessorem probaverit, jurare cum duodecim Sacramentalibus cogitur, partem illam controversam feudi, suam esse. (l.) Id est, pro dicta parte sua proprietatis nomine recompensam habeat, vel partem suam feudi quam habuerit cum Domino commutaverit. Siquidem satis est ; si vasallum jus in ea parte feudi habuisse ante commutationem constiterit. (m.) Vel per Curiam pares, vel per breve testatum, per pares curiæ ad minimum duos subscriptione confirmatum. Queritur autem hic : An etiam extranei testes possint admitti ? Resp. distinguendo. Aut controversia ea de tali feudo, quod pater vasalli primus acquisivit, & paternum in nostro textu vocatur : Aut de feudo paterno antiquo. Priori casu extranei tanquam minus idonei testes non sunt admittendi juxta *c. un. de cont. int. dom. & vas. de invest. 1. feud. 10.* Posteriori verò casu extranei testes omnino admitti possunt, *c. un. qui. test. sint nec ad nov. invest. prob. 2. feud. 32.* (n.) Nam ille qui probavit jus se habere in parte, etiam præsumitur jus habere in toto, juxta proximè dicta. Et non debet una ac eadem res diverso jure censeri *l. cum ades. ff. de usu cap.* Nisi Dominus magis luculenter probando

po praz valeret. Et enim hæc præsumtio non est Juris & de Jure, sed Juris
 tantum, quæ omnino per contrariam probationem elidi potest. Ut au-
 tem quæ jam dicta sunt, procedant, secundum *Schenck Baroem hic. n. 4.*
 hæc duo requiruntur 1. Quod annali spatio sciente & non contradi-
 cente Domino fuerit in possessione illius feudi partis, quam habet, ut
 supra etiam diximus, ac ostendit *Andr. d. Isernia per S. ult. si de invest.*
int. dom. & vas. lis oriat. 1. feud. 27. 2. Ut jurejurando affirmet, par-
 tem eam quam non possidet iusta ratione ad se pertinere. Sed poste-
 rius verum esse non putamus: Nam huic verba sequentia in n. text.
 reclamant. Si enim tunc demum vassallus ad juramentum est admit-
 tendus, ipsique hoc imponendum, quando non potuit probare feudi
 partem, quam possidet, ad se jure successionis pertinere; utique ei
 iusjurandum non erit imponendum, quando probavit partem quam
 possidet ad se per successionem pertinere. Atqui verum prius, juxta
 verba nostri textus: si *verò non probare potueris* &c. E. & posterius.
 (6) Modo vassallus in possessione feudi totius vel partis sit, alioquin si
 dominus esset in possessione, tunc Domini jurejurando lis dirimenda
 foret. *ca. un. in fin. d. cons. int. me & Dom. de port. feud. frat. mei 1. feud.*
12. (9) Hoc est, cum 12. Viris, qui simul jurant vassallum conventum
 vel ascendentes eius de feudo litigioso fuisse investitos. *Vid. c. un. si cons.*
int. dom. & c. fid. de invest. feud. 1. feud. 10. Et hi jurant cum principa-
 li de sua tantum credulitate *c. un. in pr. vers. & cum datur. de consue.*
reli. feud. 2. feud. 23. Neque verò indistinctè quilibet adhiberi possunt,
 sed necesse est, ut lex desumatur è parentibus, id est, agnatis vel cognatis
 jurantis: *ca. un. vers. & cum 2. feud. 33.* Cuius rei ratio forsitan esse
 potest, quod cognati facilius scire credantur res cognatorum, quam
 extranei *l. 9. in fin. ff. unde cogn.* Hodie tamen hoc juramentum cum
 XII. Sacramentalibus ab aula recessit, nostrisque moribus usu forensi
 non amplius, teste experientia, usurpatur.

T E X T U S.

Item si vassallus possederit castrum, quod
E
dixe-

dixerit se pro feudo tenere, & è contra Dominus per guardiam dixerit se ei dedisse, Domini est probatio: (a) Et si poterit probare, tunc ille qui tenet Domino debet restituere: (b) vel probare per partes curtis, (c) vel per breve testatum, postquam in guardiam suscepisset, se à Domino pro feudo investituram accepisse; Domino verò in probatione deficiente, tunc illius erit defensio, qui possidet. (d)

ELABORATIO.

(a) 1. Quia Dominus hic actor est. Actor autem regulariter probare debet. 2. Quia in dubio feudum potius rectum seu proprium, quàm non rectum vel improprium præsumitur. Nisi aliqua è diverso præsumtio pugnet, quâ adversarius adjuvetur vel certe sublevetur *c. 1. in pr. si de feud. defunct. contr. sit int. Dom. & agn. vas. 2. feud. 25.* 3. Quia qui allegat qualitatem super quam suum jus fundat, qualitatem probare tenetur, teste *Zasio de feud. p. 11. n. 32.* (b) Imò potest Dominus transacto anno feudum guardiæ jure auferre *tit. 2. feud. 1.* (c) Non enim obstat Domini probatio, quo minus adversarius suam quoque intentionem probare possit. Quanquam enim juris sit per vulgati, post probationem factam, & testimoniis publicatis jam confirmatam, non posse super eodem negotio ex diametro contrariam instaurari probationem, nec testes esse aliquos eius rei gratia recipiendos, idque ad evitandum subornationis discrimen. *Clem. ult. de testib.* Tamen nihil vetat à parte adversa novam fieri probationem, si non super eodem negotio, nec super iisdem articulis, sed super novis suâque di-

versâ

versâ exceptione, probationem inducere vellet. *Schenck Baro. hic. n. 5.* Et fallit prædicta regula alias in multis casibus. 1. Quando iudex procederet per inquisitionē 2. Quando restitutio in integrum est petita. *cap. ex luteris X. de in integr. restit.* 3. Quando publicatio attestationum non est ritè facta *gl. in clem. testibus. 2. de testib.* 4. Si innocentia esset conservanda & non punienda *l. 1. §. si quis ultro 27. ff. de questionib.* 5. Quando partes consentiunt *arg. l. fin. C. de testib.* 6. & ult. si ceteres attestations sint perditæ *l. veluti 7. ff. de edendo.* Obstat autem nihilominus videtur i. tale argumentum: Aut vassallus, de quo in nostro textu agitur, non negabat feudum esse sibi datum per guardiā, & tunc non esset necesse, ut Dominus ipse probaret, sed Vassallus. *c. un. de feudo guardia & guastald. 1. feud. 2.* Aut negabat, & tunc si Dominus probat contra ipsum, non debet ipse vassallus amplius admitti ad probandum contrarium. *Auth. contra qui propriam C. de non num. pec.* Sed respondetur *1. ad d. cap. un.* Quod idē in nostro textu dominus probet, quoniam non constabat, quod iste vassallus unquam fuisset Guardiator ipsius Domini, sed Dominus sine omni fundamento hoc asserbat. Et idcirco habuit dominus necesse probare, si vassallus hoc neget. *In d. verò. c. un.* constabat quod erat vel fuerat guardiator seu officialis Domini, ac proinde, quia præsumitur contra ipsum, vassallus ipse necesse habet probare, & non Dominus. *Auth. contra qui propriam C. d. non num. pec.* verò quod attinet resp. ad illam, quod ibi agatur de eo qui semel mentitus fuit in iudicio; hic enim ad probandum amplius non admittitur. 2. Obst. Quod actore non probante, Reus sit absolvendus *l. qui accusate 4. C. d. edend. Resp. dist. inter ius civile & Feudale.* Feudale jus admittit, ut, licet in probatione Actor defecerit, Reo maioris securitatis ergo imponatur iuramentū, propter suspicionem, quæ militabat pro domino contra vassallum ratione officii, quod allegat ipsum vassallum habuisse. 3. Obst. si per mendacium evacuuntur beneficia ac tolluntur, sequitur quod, si Dominus probaverit, feudum quod possidet vassallus, esse Guardiaz, vassallus ad ulteriorem probationem non sit admittendus *l. si dubitetur. 10. §. 1. ff. d. fidei.* Verum respond. in nostro textu mendacium, & veritatem bene posse simul stare, consideratâ diversitate temporis: Nam licet olim feudum quæstionis fuerit guardiaz, & hoc dominus

etiam probaverit ; tamen potest vassallus probare feudum tempore controversie mortis esse rectum seu proprium. (d) Id est iurejurando affirmabit vel se vel patrem suum de eo feudo fuisse investitum. Quod ipsum tamen procedit, si forte nulla prorsus rei evidentia constiterit, per Guardiamne, an veri titulo feudi possessionem sit consecutus. Alioquin si manifestum esset feudum eiper Guardiam contigisse, per pares curie vel per breve testatum investituram probare deberet, secundum *c. m. de feud. guard.* & *Guald. 1. feud. 2.*

T E X T U S.

Similiter si aliquis possederit castrum vel aliam rem, & dominus dixerit: se pro pignore dedisse ; è contrario ille dixerit, se accepisse pro feudo , si potuerit Dominus probare ; quod ei pro pignore dedisset, tunc ille qui tenet Domino restituet, vel probet supra dicto modo, se, postquam à Domino pro pignore accepit, feudi nomine accepisse, & si Dominus non poterit probare, se nomine pignoris dedisse, erit defensio illius, qui possidet. (a) Si quis de manso uno (b) feudi nomine investituram accepit, & dixerit, quod omne incrementum pertineat ad eum per investituram : si Dominus reservaverit sibi aliquid (c) in ipsa

ipsa curte. [d.] Sed si Dominus in ipsa curte nil sibi retinuit, tunc omne incrementum jure feudi fidelis obtinebit; [e] si verò fidelis in possessione incrementi fuerit, non oportebit eius investituram probare, sed jurare. [f]

ELABORATIO

(a) Hicce primà fronte obstarè videtur. *c. un. de pign. dat. feud. quid juris sit. l. feud. 11.* ubi dicitur: si quis voluerit dicere, de pignore sibi dato se investitum esse, non credatur suo juramento. Sed conciliationem dabimus ad illum titulum. (b) Mansus, vox est vernacula Italarum, & significat agrum, qui duobus bobus arari & coli quotannis potest, secundum *Gl. in verb. mansus c. 1. X. de censibus*. Aliter sentit *Gorhofr. in not. hic l. r.* nimirum mansum esse hereditatem, unde quis se & familiam tueri satis commodè potest. Cæterum plura de manso tradit *Cujac. hic in not.* (c) Hic notandum; quod si non naturaliter aliquid feudo accesserit, sed opera & diligentia vassalli, id procul dubio feudo non accrescit, præsertim, si à feudo separari potest. Quod si verò, quod vassallus acquisivit separationem non recipiat, vel si servitutem prædio feudali acquisiverit, vel si ædificium posuerit in solo feudali, feudo accrescit. Dominus tamen feudo aperto pretii repetitio vassallo competit. *Cujac. de feud. hic.* (d) Hoc est, in re ad curtem pertinente, Est verò vocabulum curtis vel cortis juxta *Vossium lib. 3. c. 7. voce Curisannus*, derivatum, & deductum ab antiqua voce latina Cors; significante propriè locum conclusum sub dio ante aedes, ac peculiariter ante aedes virorum principum. Unde quoque dividitur Feudum, in Feudum in Curte & extra curtem; Illud est tale, quod in re ad ipsam curiam Domini pertinente constituitur; Hoc verò, quod in re quæ est extra curiam Domini, sive ad curiam Domini non pertinet, conceditur. Errat ergò *Bocernus diff. feud. c. 4. n. 43.* feudum in curte dicens, quod est intra

territorium Domini feudi; extra curtem, quod est extra ejus territorium. Non enim quoad feuda territorii diversitas attenditur, sed omnia ejusdem Domini feuda ubicunque sita, eandem curtem seu curiam & eundem Dominum, qui curiam tenet, recognoscunt.

(c) Sive illud incrementum cohærens sit, sive separatum. Textus enim noster indistinctè loquitur, quocirca indistinctè quoque intelligendus *l. pretio. 8. ff. d. publ. in rem act.* Et sic in eodem conditionis est vasallus, quàm usufructuarius, qui solum incrementum cohærens suum facit, non etiam separatū *l. si item fundi. ff. de usufr.* Nec distinguendum 1. Inter incrementum latens, & discretum seu separatim apparens. Cum vis atque effectus translati in vasallum utilis Domini eam distinctionem non admittat. *Vide. Somb. p. 15. n. 65.* 2. Inter incrementum solitum seu consuetum, ac insolitum, uti distinguit cum *Baldo Rosenthal. c. 10. concl. 44. n. 30.* Cum utile dominium in genere concessum, & solitum & insolitum incrementum comprehendat. Quæritur autem hic 1. An ratione incrementi vasallus novâ investiturâ indigeat?

Quod negandum sive incrementum fuerit cohærens sive separatum, quia utile Dominium, quod per investituram concessum est vasallo, omne continet incrementum; hoc nostro textu: in verb: quod omne incrementum &c. vid. *Bocer. d. feud. c. 3. & seqq.* II. An vasallus possessionem incrementi, ad se jure feudi pertinentis, acquirat sine peculiari apprehensione? In qua quæstione distinguendum esse putamus inter incrementum cohærens fundo, & separatum. Illud cum connexum & unitum sit fundo, quem possidet vasallus, non opus habet singulari apprehensione. *arg. l. 3. §. 1. ff. de acquir. vel amitt. poss.* Huius verò v. g. insulæ, cum separatim subsistat, nec fundo cohæreat *l. 9. §. 4. ff. de usufr.* cuius possessionem jam olim apprehendimus, possessio non nisi peculiari acquiratur apprehensione *arg. l. 3. §. 1. junct. l. 12. pr. ff. de acq. vel am. poss.* Ideoque si antequam apprehenderit vasallus, alius sive Dominus feudi sive extraneus occupet, remediis possessorii uti nequit, sed rei vindicationem instituere debet. *Gryphian. tr. elegantiæ de Insulis. c. 21. n. 11. 12. & Rosenthal. d. c. 10. concl. 44. n. 34.* (f)

Hic versiculus cum *Somb. p. 15. n. 66.* ita est interpretandus: si uterque Dominus & vasallus aliquid in curte habuerit, jam si separatum

paratum incrementum accessit, ut insula, & vasallus in possessione insulae seu incrementi separati vel coherentis fuit toto anno, Domino sciente, certe jam sufficit solam jurare vasallum juxta c. 1. §. Si quis. vers. hac a. si de invest. int. dom. & vasall. lis oriat. 1. fend. 26.

T E X T U S.

Rursus si aliquis acceperit investituram feudi cum omni incremento, quod ei obvenerit, & aliquid increverit vivente eo, à quo acceperit, ipsius erit. [a] Et si ille qui investituram fecit, sine herede decesserit, & feudum reversum fuerit ad eum, à quo ipse tenuerit, vel ad alium; quicquid post mortem eius qui dedit, acceverit, ad eum pertinebit, ad quem regressum fuerit. [b]

ELABORATIO.

(a) Et hoc indifferenter, etiamsi de novo feudo investitus sit & sine liberis decesserit, & què ad suos heredes quoslibet transmittere posset, ut allodium, vel etiam in vita inrequisito domino vendere vel donare, ut & quibuslibet subinfeudare. (b) Ex hisce fluere habentem à vasallo primo infeudationem feudi cum omni incremento, tamdiu frui incremento, quamdiu in humanis fuerit vasallus, qui infeudationem concessit: sed eo è vi vis excedente, nullisque ab eo successoribus relictis, feudum ad Dominum remeare cum incremento. Nam per mortem primi vasalli infeudantis, à quo feudum cum incremento obtinuerat secundus vasallus, jus omne suum amittit. Cuius ratio, quod resoluto jure datoris, etiam resolvatur jus acceptoris l. 31. ff. d. pigm. Quod tamen obijcet, cum jus acceptoris de pen-

dependet successive atque continuo à jure datoris. Diversum igitur si mox à datore profectum numeris omnibus perficiatur & absolvatur, adeoque à dante separetur, ut eò amplius dependere non possit. Quæritur autem hic 1. Si feudum magna aliqua accessione augeatur, an etiam servitia augeantur? Resp. distinguendo inter augmentum naturale & artificiale, seu quod factio Domini sive vasalli accedit. 2. Subdistinguendum inter servitia determinata & indeterminata. Propter augmentum naturale indeterminata servitia possunt augeri *arg. 2. f. 54. verb. pro quantitate feudi*. Non verò determinata; Rationem vide apud *Nob. Dn. Struv. disp. feud. 11. tit. 5.* ubi insimul Andr. Kohl. dissentientem eruditè refutat. Quoad augmentum artificiale, accedit feudo res vel allodialis, & tunc indeterminata servitia pro quantitate feudi augeri possunt; determinata verò non: Vel feudalis, & tunc conventio vel literæ investituræ inspicienda, juxta nostrum textum. In dubio verò servitia augeri nequeunt. 2. Quæritur: An propter insigne decrementum feudi, servitia minuantur? Et iterum distinguendum 1. inter servitia indeterminata & determinata; Illa possunt decrescere propter decrementum casu eveniens. Hæc verò non. Nisi tamen accidat feudo damnum, ut nequeat inde servitia præstare vasallus. 2. Aut factio domini feudum minuitur, & merito indistinctè servitia minuantur. Sin verò vasalli culpa damnum venerit, remissionem exigere haud poterit *Andr. Kohl. de servit. feud. p. 4. n. 101. 3.* Disceptatur 3. Inter FF. An Thesaurus inventus tanquam accessio fortuita ad vasallum spectet? At quamquisitionem, cum jure civili, quod reperitur in §. 40. *j. d. Rer. div.* respondemus distinguendo: Aut thesaurus est inventus in fundo feudali ab ipso vasallo datâ operâ, vel casu fortuito; Aut ab alio extraneo casu fortuito. Priori casu totò est vasalli, ita ut nihil perveniat ad Dominum feudi. Posteriori verò casu dividendus est thesaurus inter inventorem & vasallum. Nec obstat, quod thesaurus in fundo feudali repertus non pertineat ad maritum, nec ad alium usufructuarium *l. 7. §. 12. ff. sol. matrim. l. 63. §. fin. ff. de acq. rer. dom.* Alia enim ratio est vasalli, qui vi utilis dominii, perinde ut alias dominus, emolumenta, & sic etiam hanc fortuitam thesauri accessionem, percipit, *vid. Rosenth. c. 5. concl. 93.*

QVIBVS MODIS FEVD- DUM AMITTA- TUR.

T I T: V.

CONTINVATIO.

HX principio & initialibus hujus Tit. verbis sat clarè patet, quomodo præsens titulus cum præcedentibus continuari queat; Postquam nimirum supra dictum est, quibus modis feudum acquiratur & retineatur, videndum nunc erit qualiter amittatur. Sicuti enim aliàs fundi allodialis usufructus certo modo constitutus certis iterum modis extinguitur *juxta §. finitur autem. 4. Inst. de usufr.* Sic etiam feudum, quod usufructus est specialis, certis modis finitur. Non autem putandum est, quasi omnes modi & causas finiendi feudum in hoc proponantur titulo, sed quidam tantum traduntur, reliqui verò *in tit. 23. & 24. lib. 2. feud. exhibentur.* Et sic hi duo tituli sunt nostri tituli supplementum.

T E X T U S.

Quia suprà dictum est, quibus modis feudum acquiritur & retinetur: nunc videamus qualiter amittatur. Si enim

F. Domi-

Dominus prælium campestre habuerit, &
 vassallus eum morantem in ipso prælio dimi-
 serit, (a) non mortuum nec ad mortem
 vulneratum, feudum amittere debet. (b)
 Item si fidelis cucurbitaverit dominum, id
 est, cum uxore ejus concubuerit, (c) vel
 concumbere se exercuerit, (d) aut cum
 eaturpiter luserit, (e.) vel si cum filia, aut
 cum nepte ex filio, (f) aut cum nupta filio
 aut cum sorore Domini concubuerit. (g)
 Hæc ita obtinēt, si in domo Domini maneat,
 (h) jure feudum amittere censetur. Simi-
 liter si Dominum assilierit, (i) vel castrum
 Domini, sciens dominum vel dominam
 ibi esse. (k) Item si fratrem suum occiderit,
 (l.) vel nepotem, id est, filium fratris. Aut
 si libellario nomine (m.) amplius medietate
 (n.) in feudum dederit; aut pro pigno-
 re plus medietate obligaverit, ita ut trans-
 actum permittat; (o.) vel dolo hocegerit,
 amissione feudi mulctabitur. His omni-
 bus casibus (p.) feudum ad Dominum re-
 ver-

vertitur. Rursus si fidelis minus in medietate libellario nomine feudum dedecit, & sine herede decesserit, & feudum ad Dominum redierit, vel postquam ad libellum dederit, vel pignori obligaverit, & Domino refutaverit, (q.) tunc ille qui ab eo acceperit, nullo jure adversus Dominum setueri potest. (r.)

ELABORATIO.

(a.) Hic sciendum 1. vasallum Dominum suum in prælium euntem comitari debere. *c. item qui Dominū, infr. que fuit summa ca. benef. amitt. 2. feud. 24.* 2. Vasallum Domino non tantum in prælio adesse, sed etiam cum eo strenuè in prælio laborare debere, ipsumque à morte, si hoc possit, liberare. Si itaque vasallus hoc non fecerit, feudo privabitur juxta *b. n. text. & c. ult. de feud. sine culpa non amitt. 1. feud. 21.* Quod ipsum tamen procedit, si Dominus justam habuit belligerandi causam, vel tantum in ambiguo fuit, justane an injusta causa Dominus ad bellum suscipiendum sit impulsus. E contra fallit, si Dominus nullam vel aperte injustam habuerit bellum gerendi causam, tunc enim vasallus cogi nequit, ut fiat injustæ expeditionis comes *c. 1. infr. Hic finitur lex. 2. feud. 28.* Queritur hic 1. An vasallus teneatur opem ferre Domino contra superiorem *c. g. Imperatorem?* Quod negandum. Nam licet feuda ob servitia in bello præstanda plerumque concedi soleant *c. 1. in pr. 2. feud. 5.* & vasallus ad hæc præstanda juramento fidelitatis se adstringat; tamen vulgata est è contrario & certissima juris regula: In omni juramento exceptam videri supremi Magistratus auctoritatem *c. venientes 19. X. de jurej. c. Imperialem. §. 1. in fin. 2. feud. 7.* Et quamvis hæc exceptio non nominatim juramento expressa

- pressa inveniatur, tamen semper sub intelligitur & tacite ei inest
 Q. c. 1. in pr. Hic finitur lex. 2. feud. 28. 2. An vassallus etiam opem,
 ferre teneatur Domino extra ejus territorium? Resp. quod sic:
 quoniam enim textus noster, ut & c. un. de nov. form. fid. circa me-
 dium vers. & si scivero. 2. feud. 7. quoad locum non distinguit,
 nec nostrum erit distinguere, præsertim cum à vasallo jurato
 promissa fidelitas exigere videatur, ut Domino ubi sit, auxilium
 opemque præster. arg. c. 1. §. licet vassallus. si de feud. cont. sit Et
 rectè scribit Bald. ad b. text. quod in quocunque loco sit Domi-
 nus cum exercitu, ibi intelligatur esse territorium & jurisdictio
 Q. ipsius Domini. 3. Controvertitur; Si duo sunt fratres feudum
 commune habentes, quorum unus Dominum deserat, alter ve-
 rò strenuè eura defendat, an ambo feudum amittant? Nonnul-
 li statuunt, inter quos est Gothofred. ad b. text. quod unus frater
 propter alterum ex conjunctione personarum & feudi sit excu-
 sandus. arg. l. si is, qui duos; 29. ff. de lib. leg. l. si ita. ff. ad se-
 tum Maced; Alii opinantur, quod frater etiam non delin-
 ens omnino sua parte feudi sit privandus, quoniam rerum com-
 munio socium à delicti pœna liberare non debet. l. rei communis.
 45. l. 52. in fin. ff. pro socio. nec delicta decet manere impunita l.
 ita vulneratus 51 ff. ad L. Aquil. l. sancimus. 22. C. de pœn. Et in hac
 opinione videtur esse Vult. de feud. lib. 1. §. 11. n. 29. ar. Borcb. d. feud.
 c. 8. n. 87. Sed neutra opinio nobis tuta esse videtur. Disting-
 guendum potius ducimus, cum Mozzio. ex quib. causis feud. amitt.
 n. 96. inter feudum dividuum & individuum, ut si feudum sit di-
 viduum, frater fugiens portionem suam amittat, si individuum,
 Q. non amittat 4. Disceptatur; An in tantum vassallus Domino
 ad juvandum sit obligatus, ut salutem Domini sui præponere
 salutis propriæ teneatur? Respondendum autem quod non. In-
 juramento enim fidelitatis semper subintelligitur clausula: Si
 vassallus potest. c. 1. in pr. in verbis: Si potuerit. de feud. fin. culp. non
 amitt. 1. feud. 21. c. 1. §. fin. d. alien. feud. part. 2. feud. 39. c. 1. §. ad
 hæc. Hic fuit lex. 2. feud. 28. l. 6. §. pen. & ult. ff. de re milit. Et no-
 tissimum aliàs est juris naturæ & civilis principium; quod cha-
 ritas à seipsa incipiat l. præf. 6. C. d. aqu. plur. arc. Unde, cum

non

non potuerit Dominum juvare, aut nihil Domini interfuerit, eo videlicet lethaliter vulnerato aut aliâs omnino perituro; aut Dominum perisse vel mortiferè vulneratum probabili ex causa, existimans, aut ipso gravibus vulneribus affectus vasallus, prelio se subdlexerit, feudo privari nequit. Satius enim est, cum uterque in eolumis evadere nequeat, evadere potius vasallum, quàm sine Domini commodo perire utrumque *Andr. de Isernia ad h. c. 1. Zaf. part. 7. n. 37. & Sonsb. p. 11. n. 33. & part. 12. n. 12. Urgent quidem Diff. l. 1. §. juxta 28 ff. de Sol. syllan.* ubi dispositum, reperitur, quod servus suam salutem Domini salutem post ponere debeat. Verùm magna est differentia inter servum & vasallum, Hic est liber & non servilis conditionis, nec Dominus feudi in eum tantum juris habet, quantum Dominus in servum. (b.) Nec excusatur, quod Dominus in periculo non fuerit constitutus; vel quod post fugam è prelio ad id statim redierit, vel quod Dominus victoria potiatur, aut quod illæsus evaserit; ex forma enim fidelitatis Domino à vasallo præstandæ vasallus non tantum consilium, sed etiam auxilium domino præstare debet *cap. 1. §. quia non sufficit. de non form. fd. 2. feud. 7.* Sed quæstionis est: An idem sit statuendum, si Dominus extra prælium sive aciem constitutus est? Resp. autè quod sic; In forma n. fidelitatis exprimitur, quod ubivis gentiùm Domino auxilium exhibere, si poterit, velit. *cap. 1. §. licet vasallus, si de feud. def. cont. Sonsb. p. 12. n. 12. Mozz. ex quib. ca. feud. amitt. n. 85.* Excipitur tamen Duellum cui sponte se submittit Dominus; Nam quoniam periculo nulla ex necessitate se subjicit, & quidem contra manifesta jura, quæ omnia duellum prohibent, vasallus non est ad strictus in opere illicito ipsi opem ferre. (c.) Vocabulum cucurbitare derivatur rectè ab *Hottom. in lexic. feud.* à voce barbara corbita, quæ in LL. Longobardicis usurpatur pro stupro, indeque cucurbitam dicebant uxoris adulterio infamem. *Add Vossius lib. 4. de vit. ferm. c. 4.* (d.) hoc est concumbere conatus fuerit, vel attentaverit. Attentatio autem illa variis fieri potest modis, ut videre est ex *l. apud Labeonem. 25. §. si quis virginis. ff. de injur.* Siceriam si uxorem Domini vasallus missis literis amatorii de adulterio

sollicitaverit; vel si munusculorum attentamentis, aliisve stup-
phis pudicitia ejus expugnare. attentarit feudo, privati. *l. ut. d.*
feud. cap. 11. n. 35. Rittersh. in parit. feud. lib. 2. cap. 5. q. 10. Quæ-

Q. quoad uxorem Domini legitimam quam illegitimam? Puta-
mus autem distinguendam esse. Aut Dominus dedit uxorem
aliquam contra juris civilis prohibitionem, & quoniam in talem
etiam committitur adulterium *l. si uxor. ff. ad l. jul. d. adul.* di-
cendum erit, quod vasallus rem habens cum ea feudo privari
possit: Aut nuptias contraxit cum aliqua contra jus naturale
& divinum, ut sunt nuptiæ incestuæ, & tunc cum nulla sit con-
junctio, nulla uxor, nullum etiam adulterium, nulla poena, nulla
etiam feudi amissio esse poterit. *vid. Vulg. d. feud. lib. 1. cap. 11.*

Q. 31. 2. Controvertitur à FF. An vasallus in concubina Domi-
ni sui Dominum cucurbitans feudo sit privandus? Et hic di-
stinguendum erit inter tempora & jura. Si concubinatum æ-
stimamus ex jure civili, & secundum tempora Romanorum,
quibus erat permissus, dicendum est, quod sic. Si autem cum
æstimamus ex jure Pontificio & Novo atque secundum mores
nostros, rectè aliquis negat vasallum esse privandum feudo.
Cum enim hodie inter concubinatum & stuprum nulla sit diffe-
rentia; in stupro autem nulla honestas, quomodo dicetur hone-
statem Domini ladi, si ipse concubinæ pudicitia, si qua adest, vio-
letur. *Laud. ad b. n. text.* Sic etiam vasallus feudo non priva-
tur quando prælati concubinam stupravit. Cum enim præla-
tus poenam & beneficiorum exclusionem mereatur propter con-
cubinam, lucrum ex eo expectare non debet, quod tamen ei ex
vasalli privatione eveniret; plura huc spectantia vide apud. *Zafu*

Q. *d. feud. p. 10. n. 31.* 3. Disceptatur inter FF. An textus noster
quoque procedat quoad sponsam Domini? Nonnulli distingu-
unt inter sponsam de futuro, & sponsam de præfenti. Verum
quoniam distinctio illa aliàs est sine fundamento, & a Cano-
nistis saltem conficta (ut in dispu. posteriori de Divisionibus
juris, propediem Deo volente demonstrabo) ideò rectius indi-
stinctè statuitur, quod sic. Est enim sponsa Domini uxor.

non

non sit l. 12. ff. de rit. nupt. uxor tamen esse intelligitur, in his
 que ad ipsius honestatem pertinent. Atque constat ex jure ci-
 vili & quidem ex l. fluxor. 13. §. Divi severus & Antoninus. 3. ff. ad
 L. Jul. d. Adult. quod nec spem matrimonii violare liceat.
 4. Quæritur, An propter concubitum cum vidua Domini vasa-
 lus sit privandus feudo? Et quia textus noster, cum quo con-
 cordat c. un. §. 1. de feud. sine culp. non amitt. l. feud. 21. expresse
 dicit: Domino vivente, erit hoc, quicquid scribat Zasius p. 10. n.
 27. & Samsb. p. 12. n. 6. negandum. Nisi fiat concubitus intra
 tempora luctus, tunc enim maximè in injuriam Domini videtur
 veigere uti cum Rosentb. c. 10. concl. 27. n. 51. limitat Nob. Dn. Siru-
 ye in disp. feud. 15. tb. 9. (c.) Huc referunt quoque Menoch. in
 arbitr. jud. lib. 2. cas. 267. Rorch. de feud. c. 8. n. 98. & seq. oscula-
 tionem: Sed hic juxta Georg Schult. in synops. feud. cap. 11. n. 19.
 Tum quid mos fert attendendum, tum osculorum genera discernen-
 da sunt; De impudicis enim istis suaviatationibus & libidinosis o-
 sculis id probabiliter admitti potest, prout docet Schrad. de feud.
 p. 9. c. 2. n. 84. & Rosentb. in synops. feud. d. c. 10. concl. 28. n. 1. Alia
 rumpium ludorum genera tradit Hottom. & Cujac. hic, quæ tamen
 pudico calamo mandare nolui. Quæritur autem, An si vasa-
 lus turpiter & inhonestè locutus est, cum uxore Domini, non ta-
 men tetigit ejus personam, feudo sit privandus? Quod negan-
 dum esse putamus; Cum enim turpis lusus sit facti non simplicis,
 sed qui contingat personam & quodammodo corpus uxoris Do-
 mini, sola locutio sufficiens causa amittendi feudi esse non po-
 terit, teste Mozz. ex quib. cau. feud. amitt. n. 55. Aliàs Zasius d. feud.
 p. 10. n. 27. distinguere videtur hoc modo: Aut Vassallus aliàs
 suspitione est gravatus: Aut non. Priori casu putat impudi-
 cam & licentiosam locutionem facere, ut vassallus feudo priva-
 ri possit; nisi per evidentem probationem sese purgare queat.
 Posteriori verò casu nequaquam. (f.) Non verò ex filia. Ra-
 tio autem differentie est, quia neptis ex filio in familia est avi
 paterni, quinimò si filius est in, potestate patris etiam nepos ex fi-
 lio in eius est potestate; quod non est in nepte nata ex filia, quæ
 familiam & nomen patris non matris sequitur, avi sui paterni,
 non.

non materni; atque adeo in hac, nimirum nata ex filia, non tam
censetur magnum dedecus in familia ejusmodi, à qua vassallus
feudum habet, quam in illa nepte, quæ nata est ex filio. Non-
ergo opus est Cujacii textus emendatione, vel restitutione quæ
hæc est: aut nuru id est, cum nupta filio. (g.) Obstare videtur,
quod vassallus interficiens fratrem Domini feudo non privetur,
pr. An ille qui interf. frat. Dom. 2. feud. 37. cum tamen hoc majus
delictum esse videatur, quàm cum sorore concumbere. Verum
sciendum hoc fieri ob duplicem causam. 1. Quod atrox injuria,
Domino irrogetur, cum soror in domo ejus manens, stupratur,
à vassallo, qui nec præsentiam Domini reveretur, nec pudoris
puellæ, quam Dominus domi suæ tuendam susceperit, ratio-
nem ullam habet. 2. Quod ipsa morte gravior censetur stu-
pri illatio. Metus enim stupri bonorum virorum judicio, ma-
jor, quàm mortis esse debet, teste *Paulo I Cro in l. 3. §. 2. ff. quod
met. cas. (h.)* Facit huc quoque *§. rursus quæ prim. caa. benef.
amitt. 2. feud. 24.* ubi soror, quæ in domo Domini, adhuc est in-
capillo esse dicitur. Deinde fuit ex hac textu, quod vassallus
sororem Domini extra domum Domini stuprans feudo non
possit privari. Id quod hanc habet rationem, quia gravior est
delictum quod in domo illius, quàm revereri decuit, perpetra-
tur. Nam & *ICrus Ulp. in l. 23. §. 2. ff. ad. L. jul. de Adult.* ait, ma-
jorem injuriam putavit Legislator, quod aliqua in domum pa-
tris aut mariti ausa fuerit adulterum inducere: Et aliàs criminis
qualitatem adauguet locus. Errare igitur videtur *Vult. de feud.
lib. 1. c. 11. n. 31.* ita explicans verba textus nostri; si soror Domi-
ni in domo, id est, in familia Domini, qui frater ipsius est, manet,
quasi hæc duo simul stare nequeant in domo Domini manere,
& in ejus familia manere, cum tamen hæc in *d. §. rursus. 2. feud.
24.* conjungantur. Non autem inter est ad hoc, ut vassallus feudo
privetur, utrum soror vel uxor Domini volentes an nolentes
vassallum admiserint; Utroque enim casu Domini est injuria..
*arg. l. 1. §. iug. ff. d. injur. vid. Blanc. 2. feud. 1. n. 66. Curs. jun. part. 4. n.
20.* Hoc tamen bene attendendum an ignoraverit vassallus
feminam quam cognovit, esse uxorem vel sororem Domini

an sciverit. Nam priori demum casu feudum amittit vassallus
 quando cum Domini voluntate compressio facta est. Volenti
 enim non fit injuria per vulgata. Quæritur insuper hic An si va-
 sallus cum ancilla vel pedissequa Domini rem habuisset, feudo Q.
 sit privandus? Quod negandum esse putamus, licet enim talis
 stuprator Domini honoris temerator sit, imò etiam cum *An dr.*
d. Isrn. perjuru crimen incurrat, feudo tamen ob id privandus
 non est. Quoniam pedisse qua non est inter eas personas, cum
 quibus stuprum commissum feudi amissione punitur *vid. Schenk.*
Baro ad b. l. n. 9. (i.) Assilire verò vel assultare est aggredi,
 adoltri, infestare, vim intentare vel quoquo modo invadere, si-
 ve illud fiat vi, sive ex insidiis, vel veneno; sive fiat terra sive mari.
 Nec excusatur, si ab eo proposito postea desistat; Licet enim
 regulariter sola voluntas vim inferendi non sufficiat ad feudi
 privationem *c. 2. in pr. vers. cap. qui cur. vend. 2. feud. § 1.* cum &
 hic cogitationis poena nulla sit *arg. l. cogitationis 18. ff. de pen.*
 attamen ob conatum sive voluntatem cum exteriori quodam
 actu conjunctam, feudum merito amittitur *d. § c. 2. feud. § 1.*
Schrad. de feud. p. 9. c. 4. n. 47. Alias distinguit quoad hanc
 rem *Sonsb. p. 12. n. 38.* ita: Aut telo vel alio instrumento semel ite-
 rumque Dominum ex pectavit vassallus, & postea poenitentia
 ductus destitit; aut non. Priori casu putat eum feudum amit-
 tere, quia jam cœpit insidiari, altero vero in casu non. Quod
 si vero vassallus defendendi causa Dominum assilierit, id quod
 tamdiu præsumitur, quamdiu à domino contrarium non pro-
 batur *d. c. r. in fin. 2. feud. § 1.* siquidem omni, jure & ita etiam feu-
 dali, concessum est vim vi repellere. *l. ut vim. 3. ff. de J. & J. l. 1. C.*
unde. vi l. 4. ff. ad L. Aquil. excusandus erit. (k.) Idem juris
 obtinet, si id ignoret, modò arcem Domini assiliat; quia perju-
 rium & infidelitatis notam ac feloniam erga Dominum incur-
 rit, damnum possessionibus Domini inferens. Jurat enim se,
 Domino in suis possessionibus damno non futurum. *c. 1. ibi uti-*
le de form. fidel. 2. feud. 6. Imò res Domini se conservaturum &
 recuperaturum omni tempore *c. 1. vers. §. & si contigerit. de nov.*
form. fidel. 2. feud. 7. Nec obstat textus noster in verbis: Sciens

Dominum. Subintelligendum enim est verbum: *Maximè Et*
 sic sensus erit: Quod, si vassallus castrum Domini assilierit, maxi-
 mè si sciverit Dominum in eo esse, feudum amittatur. 2. non
 resistit c. 2. §. porro si Dominum, in verbis: vel vicum, in quo est Do-
 minus quæ fuit prim. ca. benef. amitt. 2. feud. 24. intelligendus
 enim est de eo casu, ubi Dominus non est in suo castro, sed in a-
 lieno. Nam nec tunc vassallus, sciens Dominum ibi esse, illud
 assilire poterit. *vid. Alvarott. adh. n. Text. Diss. l'aud. lib. 1. q. 46.*
 qui quidam multas pro stabilienda sua sententia adducit ratio-
 nes, quarum tamen quædam prorsus sunt impertinentes, quæ-
 dam verò refutatione indignæ. (l.) Licet aliàs in l. 1. ff. ad L.
 Pomp. de Parricid. enumeratæ sint personæ, in quibus parrici-
 dium committitur, in textibus tamen feudalibus potissimum,
 & in specie ejus parricidii fit mentio, quod committitur à vasa-
 llo in fratrem suum, ut & ex fratre nepotem, non verò fratrem
 Domini; vel gladio interficiendo, vel fame necando. Cum
 parricidium homicidio sit longè gravius, & vassallus à fratre
 Domini feudum non recognoscat. *Sonsbec. p. 12 n. 54.* Neque in-
 terest 1. Utrum consummatum sit parricidium, nec ne. Sceleris
 enim hujus atrocitas facit, ut non minus is, qui attentavit, pu-
 niatur, quàm is, qui illud perfecit. *Rosentb. c. 10. concl. 65. 2.*
 Utrum interfectus fuerit vassalli interficientis convassallus; nec
 ne. Nam quamvis in cap. un. an ille qui interfec. frat. dom. sui
 feud. amitt. 2. feud. 37. hæc verba legantur: *ad hoc, ut totam he-
 reditatem habeat.* tamen illa verba non sunt restrictiva, sed ex-
 empticativa, uti patet ex text. n. qui absolute loquitur, & §.
 denique vers. si verò. 2. feud. 24. *vid. Rittersb. d. feud. lib. 2. c. 5. q. 13.*
 Quæritur hic 1. An vassallus qui crimen perduellionis commi-
 sit, perdat beneficium suum? Quod affirmandum, tum quod &
 hic, qui in patriam seu reip. ac Principis salutem, perinde ac is,
 qui in parentes, delinquat, meritò feudo indignus habeatur; tum
 quod ob illud crimen etiam alia bona confiscantur *Nov. 134. c. 6.*
ult. adeoque non meritò ut allodialia superiori seu fisco; ita
 feuda Domino obveniant. *Schrader. p. 9. c. 8. n. 18.* Cum quibus
 convenit Capitulatio Imp. nostri Augustissimi *Ferdin. III. art. 28.*

in verbis: Wir gereden &c. Wan derselben vassallen und An-
 theerthanen solche ex crimine laesæ majestatis oder sonst ver-
 wirtet / nach ihren Willen halten unnd walten lassen. Plura
 de hac controversia vide apud *Dn. Struv. diff. feud. 15. th. 10.* 11.
 quæritur An vassallus ob commissū incestum feudo sit privandus? *Q.*
 In qua quæstione distinguendū esse putamus inter incestū Juris
 Gentium, & incestū Juris Civilis. Propter illum feudum meritō
 amittitur. *Æq;* enim atrox, nefarium, contra humanitatem &
 sanguinis cōmunionē videtur esse incestus ac patricidium ; Si-
 quidem utroque peccatur contra personas maximè conjunctas.
 Sicut igitur indignus censetur feudo, qui in patrem, fratrem si-
 milemve personam deliquit occidendo; ita videtur etiam indi-
 gnus esse, qui in matrem, sororem similemve personam deliquit
 stuprando. *vid. Wesenb. de feud. c. 16. n. 5. & alleg. Dn. Struv. d. diff.*
& thesi. Diff. Rittersh. part. feud. lib. 2. cap. 5. q. 10. (m. Libel-
 larius autem contractus est venditio, quæ fit scripturâ interve-
 niente certo pretio certâque pensione constituta in annos singu-
 los, ac plerunque hac lege, ut statō conditōque tempore contra-
 ctus renovetur rursus, numerato certo vel etiam arbitrario pre-
 tio. Ex quibus patet hunc contractum magnam cum contra-
 ctu emphyteutico habere convenientiam. Uti enim 1. emphy-
 teusis fit interveniente scriptura *l. 1. in verbis: Scriptura interveni-*
ente; Sic quoque hic contractus libellarius, qui à libello vel à
 scriptura nomen accepit. 2. Ut emphyteuta annuatim pensio-
 nem vel canonem Domino proprietatis in recognitionem di-
 recti domini solvere tenetur *l. 2. in verbis: neque pecunias solve-*
rit; ita qui contractum libellarium cum vasallo iniit. 1. offerunt
 tamen hi duo contractus inter se 1. in eo, quod non soleat emphy-
 teusis renovari non mutato possessore; libellaria renovatur cer-
 tis statisque temporibus etiam non mutato possessore data pecu-
 nia; (quam pecuniam *Leo Imp. in Nov. 13. τὸ δextικὸν* appellat.)
 2. emphyteusis nonnunquam ad tempus contrahitur; Libella-
 ria in perpetuum. 3. In libellaria est commissio locus post bien-
 nium; in emphyteusi triennii cessatio exigitur. 4. Is qui per li-
 bellum

bellum à Domino possidet, vendere potest sine consensu Domini; emphyteuticarius non item. Ult. emphyteusis contrahitur sub lege meliorandæ rei, puta agri excolendi & recreandi; libellaria hanc legem non habet. (n.) Hoc ipsum postmodum correctum est per Lotharium in c. unic. q. de probib. feud. alien. per Lotb. 2. feud. 52. in quo cautum est, ut nulli liceat feudum totum, vel partem aliquam vendere, vel pignorate vel quocunque titulo distrahere seu alienare sine permissione Domini. Dubius tamen in casibus etiam hodie permittitur vasallo, feudum suum libellario, seu emphyteuticario contractu tenendum concedere. Primus est, si vasallus sit de aliquo feudo ea conditione investitus, ut ipse & sui heredes, cui ipse dederit, habeant. Nam iste, qui sic accepit, poterit id in libellum dare, vel aliter; uti placuerit, etiam sine voluntate Domini alienare c. un. de feud. non hab. propr. feud. nat. 2. feud. 48. Secundus, si vasallus in proximum agnatum, qui alioqui ei succederet, feudum contra suum libellario transferret. Absq; enim Domini voluntate hoc fieri posset. §. si verb. de alien. feud. 1. feud. 13. pr. de alien. patern. feud. 2. feud. 39. (o.) Legendum erit hic omnino cum Cujac. de feud. b. tit. pro transactum, aut distractionem, aliàs prorsus incongruus adesset sensus; aut consultum arg. c. 2. in fin. de invest. de re alien. fact. 2. feud. 8. (p.) Necessario tamen hic distinguendum est, inter feudum novum & vetus seu antiquum. Quantum feudum est novum & sine consensu Domini est alienatum, revertitur illud ad Dominum, juxta h. n. text. & c. un. inf. de vas. qui contr. constit. Lotb. Reg. benef. alien. 2. feud. 38. Si verò feudum fuerit antiquum, tunc revertitur ad proximiorē agnatum §. hoc quoque de succ. feud. 1. feud. 8. Deinde etiam excipiendus est hic ille casus, quando nimirum vasallus fratrem suum vel fratris filium interfecit, tunc enim si feudum est antiquum ad agnatos proximos venit; non ad dominum. §. denique qua fuit prim. caa. benef. amitt. 2. feud. 24. & ca. un. an ille qui interf. fratr. Dom. 2. feud. 37. (q.) Resoluto enim jure datoris etiam resoluitur jus acceptoris l. 3. d. pign. Post constitutiones verò Friderici & Lotharii, quibus omnis alienatio & oppignoratio feudi est, adem.

adempta vasallo, nullum omnino jus acceptor ex traditione
consequitur, & sic propter alienationem feudum multo magis &
citius ad Dominum revertitur. Quod ipsum tamen procedit
quoad feudum novum, non verò antiquum, ut jam diximus, Quæ-
ritur autem hic: An acceptor contra vasallum possit de evictio-
ne agere? Respondet *Sonsb. p. 12. & Schenck Baro hic n. 9. quod sic*,
ex hac ratione, quod non id videatur actum, ut temere & impor-
tune mutato concedentis arbitrio facta investitura feudi per re-
futationem concedentis adimeretur. Nam si hoc futurum sci-
visset subinfeudatus, forsan non suscepisset, & prætermisso hoc
feudo alia fortassis utiliora aggressus fuisset; Adjuvari quippe
nos non decipi beneficio oportet *L. 17. §. 3. ff. comm.* Verum me-
lius videtur nobis distinguere *Zafus*: Aut scivit subinfeudatus
Dominum suum à quo accepit, alterius vasallum esse, & tunc de
evictione agere non potest: Cum enim scivit vel scire debuit,
jus datoris refutatione feudi resolvi, & ejus esse naturæ feudum,
ut ex vi & potentia suæ naturæ ad libitum refutari possit, sibi
imputare, quare cum tali, ejus conditionis non ignarus con-
traxit, & damnum postea secutum sibi adscribere debet. *pr. de
invest. de re alien. fact. 2. feud. 8. c. damnum. de R. J. in 6.* Aut igno-
ravit, putans à vero domino sibi feudum fuisse collatum, & tunc
omnino ipsi evictio est præstanda. *d. pr. de invest. de re alien. fact.
à feud. 8.*

T E X T U S.

PRæterea si ille ad quem feudum per suc-
cessionem jure obvenire debet, con-
senserit, (a.) eos investire ad quos se-
cundum rectum morem non pertinet, nullo
modo (b.) ad eum (c.) repetendum.

G 3

re-

regressum habet. Item si fuerint duo fratres, & unus investituram feudi acceperit; si postea feudum cum fratre dividerit, (d.) & ille qui feudi partem accepit, postea plus medietate vendiderit, & sine herede legitimo (e.) decesserit, feudum ad Dominum re-vertitur [f.]

ELABORATIO.

(a.) Sive expressè sive tacitè : Modo de tacito consensu evidenter constare possit. Et sic quando is ad quem feudum per successionem obvenire debet, præsens est, & non contradicit, sed vel subscribit, aut sigillum suum adponit, investituram infringere postea nequit. Cum aliàs præsens præsumentur consentire, si contradicendo actum non impedit *l. pen. ff. de re jud.* (b.) Huc facit quoque *g. ult. infr. si de feud. def. cont. sit int. dom. & vas. 2. feud. 26. & c. un. infr. de eo qui su. fec. agn. de feudo pater. 2. feud. 47.* Et ratio est, quia quilibet iis, quæ pro se introducta sunt, renunciare potest. *l. 29. C. de pat.* (c.) Id est, ad id, feudum scilicet. Et ita masculinum positum hic est pro neutro; uti etiam factum in *l. pronuntiatio 195. §. familia 2. de V. S. in verbis*: quotquot capita ei subiecta fuerint, singulas familias incipiunt habere, singuli enim patrum familias nomen subeunt. (d.) Quod fieri potest sine consensu Domini *c. 1. §. omnes filii. de feud. def. cont. 2. feud. 26. & cap. 1. §. praterea Ducatus. de prob. feud. alien. per Frid. 2. feud. 55.* Nam etsi divisio vicem emtionis obtinere dicatur in *l. 1. C. comm. utriusque jud.* tamen extra familiam cui feudum concessum est, illa nihil alienat, ideoque Domino non prejudicat. Et hoc in tantum procedit, ut non solum illi, qui
à prin-

à principio simultaneè investiti sunt eam divisionem (æqualiter tamen, quia feudum novum est, de quo quilibet pro rata investitus censetur, ut rectè concludit *Rosentb. l. 9. concl. 80.*) facere possint, *juxta b. n. text.* Sed etiam plures coheredes in successione ejusdem feudi concutientes eam rectè, etiam inæqualiter, faciant; *d. 9. omnes filii c. 1. si de feud. def. cont. 2. feud. 26.* Modò hæc inæqualis divisio non fiat in fraudem Domini, veluti, si forte pacto aut aliâ ratione unò heredum sine filiis mortuo feudum ad Dominum rediret, & unus ex vassallis senex, aut alias sine spe filiorum totum cederet alteri juniore. *Vult. d. feud. lib. 1. cap. 10. n. 88.* Imò uno etiam de illis ad divisionem provocante, cæteri admittere eam necesse habent; nemo enim invitus in communione manere cogitur, per vulgata. *vid. alleg. Rosentb. concl. 30. & cap. 9. concl. 79. & Blanc. d. feud. lib. 2. c. 1. n. 97.* (e.) Imò etsi frater ille alienans filios habuerit. Nunquam enim filii succedunt patri in feudo novo, quando ob culpam suam eo privatur, *& si vassallus. infr. si de feud. def. cont. sit int. dom. & vass. 2. feud. 26.* (f.) Ut autem hic textus procedat, intelligendus est 1. de feudo novo, non antiquo. Hoc enim si alienaretur non ad Dominum, sed ad proximiorum agnatem venit, juxta *5. ant. si libellario h. t.* 2. De eo casu ubi specialiter cautum est investitura, ut frater fratri succedere debeat; aliâ enim nullam haberet dubitandi rationem.

T E X T U S.

Item si quis feudum habuerit in Curte Domini sui, (a.) non poterit ipsum feudum in aliqua parte libellario nomine alicui sine consensu Domini sui dare, vel pignori obligare. (b.) Similiter, si extra curtem detinuerit, & Dominus districtum habuerit [c.] vel alium honorem, [d.] si alienaverit

rit sine voluntate, [e.] jure ad Dominum
revertitur.

ELABORATIO.

(a.) Quod supra dictum, nimirum vasallum posse seu-
dum per libellarium contractum usque ad medietatem alienare
sine consensu Domini, illud fallit in feudo, quod est in curte,
Domini; Feudum autem aliquis in curte habere dicitur hic,
quando alicui prædium aliquod seu quæpiam bonorum portio
eo loci fuerit in feudata, quo Dominus prædiorum omnium ge-
nerale dominium obtinet, simul & dominicalem domum seu
curtem vel curiam habet, ad quam omnes agricolæ & coloni
Domini fructus & proventus Domino obvenientes conferre,
consueverunt. Aut ut putat *Schenk Baro* hic, si officium quis-
piam in Domini curia adsequatur, quod feudum habet anne-
xum; veluti si quis dapifer, pincerna, curiæ præfectus, seu archi-
trielinus fiat, eo quoque nomine feudum obtinens, (b) id est,
jurisdictionem. Uti alias in §. 4. *Inst. de Artil. sui*, è contrario
jurisdictio pro districtu seu territorio accipitur. (c) hoc est re-
tinuerit & sibi reservaverit. Et sic patet ex hoc textu, quod re-
tentio seu reservatio alicujus partis, vel juris in re infeudata per
dominum, profit ipsi Domino; si enim Dominus hic nihil sibi re-
tinuisset, vasallus omnino posset alienare feudum suum usque
ad medietatē. *Add. Alvarott. hic n. 3.* (d.) Intellige feudi Domini. (e)
Ratio hujus à FF. quamplurimis nulla redditur, quippe qui præ-
tendunt, non omnium, quæ injure feudali constituta sunt, rati-
onem reddi posse. Verum non improbabilis videtur ea, quæ à
Schenk Barone hic affertur. Quia Dominus non omnibus pas-
sim hujusmodi feudum concedebat, sed illis duntaxat, quorum
spectata fides, virtus & industria id promerebatur, ut ipsi posse-
rique eorum Domino propius juncti essent, & præcipuum quid
ultra alijs haberent, vel in ipsa curia, vel in ipso loco districtus

dominici, honoratius feudi genus consecuti. Quare indecens erat, hoc in aliam transferre personam absque Domini voluntate.

**EPISCOPUM VEL ABBA-
TEM VEL ABBATISSAM, VEL
DOMINUM PLEBIS FEUDUM
DARE NON POSSE.**

T I T: VI.

CONTINUATIO.

Postquam in tit. jam explicato, incepta est tractatio de modis amittendi feudi, & simul ostensum, in quibus casibus feudum revertatur ad Dominum, voluerunt compilatores juris nostri Feudalis illam hoc in tit. continuare, & adhuc alios indicare casus, in quibus feudum ad Dominum revertitur. Quod pater ex particula (item) quæ est distinctio continuativa, & verbis hujus tit. finalibus: Et his omnibus casibus &c. Unde etiam veteres Glossatores ex hoc & præcedenti titulo unum fecerunt. Errare itaq; videntur illi, inter quos est *Jacob. de Bely & Nic. de Neap.* qui ad continuationem perficiendam recurrunt ad tit. 1. hujus libri primi feud. quoniam ibi facta est mentio Abbatis, Abbatissæ. Nam in tit. 1. agitur de Abbate, Abbatissa quatenus feudum dare possunt, in hoc n. vero tit. quatenus feudum constituere nequeunt, ut ipsa Rubr. ostendit. Et deinde hic in n. tit. fit mentio etiam aliarum personarum, quæ in tit. 1. expressæ non reperiuntur.

T E X T U S.

Item si Episcopus, vel Abbas, vel Abbatissa,
vel Dominus plebis (a) feudum dederit

H

de

de rebus Ecclesiarum (b.) quæ eis subjectæ sunt, (c.) & tituli vocantur, (d.) nullum habet vigorem, (e.) secundum hoc, quod constitutum est à Papa urbano in sancta synodo, hoc est illud, quod post ejus decretum fuerit datum: (f.) quod autem ante datum fuerit, firmiter manere debet. (g.) Idem juris est, si sit Præpositus (vel Abbatissa) vel alia Ecclesiastica persona, quæ antiquitus non sit solita in feudum dare, scilicet, ut quod dederit, de jure non valeat. (h.)

ELABORATIO.

(a.) Quid sit Dominus plebis variæ sunt opinionis FF. Quidam putant illum esse Oeconomum; Alii vice Dominum, ut *Cujac. sentit.* Alii præpositum redditibus colligendis à plebeis seu rusticis. Quæ posterior opinio nobis præ reliquis arridet. (b.) Notabiliter dicitur: de rebus Ecclesiarum. Nam res proprias vi dominii quas habent, non minus ac Laici in feudum dare possunt. Res verò Ecclesiasticæ quoad dominium ad Ecclesiam spectant, & prælati tantum administrationem, & quidem non prorsus liberam, sed quatenus alienationem non infert, habent. (c.) ratione scilicet administrationis. (d.) Tituli ergo sunt nihil aliud quam prædia clericis ecclesiæ ad alimenta destinata. Ubi insuper sciendum, nullum olim in clerum admissum, nisi in certa ecclesia esset adscriptus, totque tantum in ecclesia fuisse institutos, quot nutriri poterant *c. 14. de instit. c. fin.*

fin. . *der. f.* inde ab ecclesia, in cujus albo erant descripti clerici,
 ejus Ecclesiæ & tituli esse dicebantur. Et hoc est, quod legimus
 in Sacris canonibus, neminem sine titulo de quo vitæ necessaria
 percipiat, ordinandum *c. 4. 16. 23. de prabend. c. 1. 12. dist. 70.*
 Quæritur autem: An decimæ laicis in feudum dari possunt? Et Q.
 Resp. post Concilium Lateranense, habito sub Alexandro III. hoc
 prohibitum fuisse: ante verò concilium illud concessas rectè re-
 tinere laicos, & licet istæ Ecclesiæ aperiantur, ita tamen jam an-
 te affectas esse, ut iterum in feudum dari possint. *vid. c. 2. 8. sanct.*
de decim. 60. c. 7. circ. fin. de his que fiant à prel. c. 17. de decim. &
Rosentb. c. 4. conch. 27. Nostri tamen prælati qui Pontificem
 non agnoscunt, poterunt ex justa causa ad utilitatem Ecclesiæ
 decimas laicis conferre, præsertim cum decimæ, quatenus de-
 cimæ non debeantur Ecclesiis jure Naturali, vel etiam divino
 N. T. sed salarium ministris Ecclesiæ debetur, quod sive deci-
 marium præstatione, sive alio modo suppeditetur, nihil interest.
Magnif. Dn. Carpz. Jurispr. Conslt. lib. 1. def. 126. & seq. (c) Res enim
 Ecclesiatarum divino cultui mancipatæ non debent prophanis
 usibus applicari. Nam omne quod Domino conferratur, sanctum
 Sanctorum efficitur Domino, & ad jus pertinet sacerdotum *c.*
nulli. liceat. 12. q. 2. Et quod semel Deo dicatum est, ad humanos
 usus transferri non poterit. *c. semel dicatum. de R. 7. in 6. (f.)* Intei-
 lige Secundo, qui pontificatum Romanum iniit Anno à nato
 Christo mo. Quæstio autem hic occurrit talis: An consuetudo Q.
 induci possit, ut res olim prohibitæ in feudum dari hodie legi-
 timè in feudum dicendum, quod non 1.
 propter nostrum text. qui palam decernit jure non valere, si quid
 in feudum detur ab ecclesiasticis personis, quæ antiquitus solitæ
 non sunt in feudum. 2. Quia consuetudo hæc habet radicem vi-
 tiosam, & Ecclesiis gravamen infert. Talis autem mala consue-
 tudo tractu temporis non potest confirmari. *c. mala. dist. 8.* nec
 juramento convalidari *c. 1. de his. que fuerint à maj. part. cap.* non
 enim juramenta, sed potius perjurya sunt dicenda, quæ contra
 utilitatem Ecclesiæ & sanctorum Patrum veniunt instituta. Ve-
 rum hisce non obstantibus affirmativam sententiam putamus

esse veriores. 1. Quia illa ratio, quæ ante constitutionem Urbani locum habuit, etiam post illam locum invenire potest; verò simile autē est antiquā illā dandi ab Ecclesiasticis feudi consuetudinem iusta primum ratione fuisse introductam, ut videlicet vasallorum præsidio ac protectione munita Ecclesia acrius sævienti improborum rapacitati & injuriis minus esset exposita *secundum Gl. ad c. quamvis X. de decim* 2. Quia magna aliās vis est consuetudinis, in tantum, ut & legem vincat *l. 32. & l. seqq. ff. de leg. 3.* Quod post constitutionem Urbani potest esse alius status Ecclesiæ, & mutato statu potest etiam aliud jus per consuetudinem introduci. *arg. l. 30. ff. mand. & ibi Dd. Add. Vult. de feud. lib. 1. c. 7. n. 11.* Ad primam autem dubitandi rationem respondemus, quod textus noster non versetur in illis terminis, ubi consuetudine facultas infeudandi res Ecclesiasticas est introducta, sed tantum in se regulam continet, quod tituli & res Ecclesiasticæ non sint in feudum dandæ. Secundam vero quod attinet rationem, quā utitur *Disf. Baro. htc.* dicimus quod non præsupponamus consuetudinem vitiosam, & in præjudicium Ecclesiæ vergentem, sed talem quæ ex Ecclesiæ utilitate & necessitate fluit, ut ex supradictis patet. Quantum autem tempus ad talem consuetudinem introducendam requiratur, patet ex iis, quæ prolixè tradit *Rüdinger. in contr. feud. lib. 1. c. 80.* quem vide. (g.) Leges enim & constitutiones futuris certum est dare formam negotiis, non ad facta præterita revocari: Nisi nominatim & de præterito tempore & adhuc pendentibus negotiis cautum sit *l. 7. C. de L. L. vel aliquid declarent Nov. 19. pr. vel annullent fin. C. de pact. l. pen. C. de incest. nupt. vid. Dn. Schnobel. disp. ad c. 1. th. 18. (h) vide quæ supra ad tit. 1. hujus libri 1. feud. hac de re scripta sunt.*

T E X T U S.

QUin etiam si quis eo tenore feudum acceperit, ut ejus descendentes masculi & fœ-

foeminae (a.) illud habere possint , relicto
masculo ulterius (b.) foeminae non admit-
tuntur. [c.]

ELABORATIO.

(a.) Vocula hæc Et non conjungit hic sensum, ut aliis
regulariter facit, sed magis ordinem insinuat ; sicque magis in
vim ordinis, quam in vim copulæ posita censetur. Cum enim
hæc sit natura feudi, ut existente masculo foemina non succe-
dat *d. c. 2. infr. de success. feud. 1. feud. 8.* non videtur concedens
investituram per dictionem aliquam copulativam personam in
feudi successionem conjungere voluisse, quâ feudi naturam con-
stat disjunctisse. *arg. l. si in quis 66. ff. de hered. instit. in verbis* : quia
non tam conjunxisse, quam celerius dixisse videatur. (b.) Huc
pertinet illa controversia intricata ; An foemina semel per ma-
sculum exclusa in perpetuum exclusa maneat, adeo ut etiam
masculo, qui illam excluserat, defuncto, nunquam admittatur ?
Videtur quidem dicendum quod sic. 1. per. n. text. in verb. : *ul-
terius non admittuntur*. 2. Quia jus semel extinctum reviviscere
nequit *l. 3. §. si capite ff. de oper. liberr.* Jus autem succedendi in
foemina per existentiam masculi semel extinctum est. E. 3. Si mas-
culus, qui tamen feudi regulariter est capax à successionem feudi se-
mel exclusus perpetuo exclusus censetur ; multo magis idem de
foemina erit dicendū, quæ regulariter à feudis est aliena. 4. Quia
quævis res ad naturam propriam solet reverti ; propria autem
feudi natura est, ut foemina ab eo arceatur. 5. ult. Quod si foemi-
na per statutum à successionem bonorum allodialium extantibus
masculis semel remota, etiamsi masculus postea moriatur, ad
successionem tamen amplius venire nequit, multo magis à suc-
cessionem feudi semel remota, perpetuo inde remota censi de-
bet ; siquidem foemina ad successionem allodialium regulariter
admittitur, à successionem autem feudalium regulariter arceatur.

H 3

Et

Et in hac sententia sunt *Andr. de Isern. Maib. d. Afflict. ad b. n. text. ut & Gail. lib. 2. obs. 148.* Sed hisce non obstantibus contrariam, negativam tanquam æquiorē arripimus sententiam, moti. 1. propter c. 2. de success. feud. 1. feud. 3. qui textus generaliter vult filiam admitti, quādoq; masculus non existit, sive filii statim post mortem patris, sive postquam feudum ab iisdem obtentum sit, decesserint. 2. propter c. un. de eo qui sibi 2. feud. 18. ubi dicitur quod foemina locus non pateat in feudi successione, donec masculus super est. Ergo masculo non extante amplius foemina erit admittenda. 3. quia eo tempore, quo masculus existit & successit, foemina non fuerit successio delata, quippe quæ demum, foeminis defertur, quando masculi non extant, ut jam dictum, ideo non potest dici, foeminam per masculum succedentem à jure succedendi planè esse exclusam; sed masculi existentia solum in causa fuit, quod casus, quo foemina successio defertur, non extiterit, quā causa deficiente, necesse est, deferatur foemina successio 4. Quia jus succedendi foemina in investitura tributum, ipsi sine legitima causa nullā quippe præcedente, culpā denegari vel auferri non potest absq; læsione æquitatis naturalis, vid. *Don. Struv. in Exerc. feud. 9. th. 8. 5. & ult.* Quoniam hæc opinio æquior est & benignior, ideo in dubio arripienda. Nec movere aliquem debet hic noster textus in verb: ulterius. Hæc enim vox in n. textu non de tempore, sed numero sive ordine intelligenda est, ita ut ultra masculum foemina ad successionem feudi non admittatur. Et sic verba hujus §. secundū quid accipienda sunt, videlicet de non ulterius admittendo, quamdiu masculus supererit, ita ut sensus sit: Existente masculo non succedit foemina; mortuo autem masculo foemina succedit. Reliquæ verò diffinitiones supra adductæ, suis in terminis quidem procedunt, sed ad præsentem casum ac quæstionem commodè non possunt accommodari. vid. *Vult. lib. 1. de feud. c. 9. n. 5. & seqq. Harim. Piñor. jib. 2. q. 36. & Arum. p. m. disp. feud. 6. th. 13. (c) Nisi 1. feudum sit conditionatum, hoc est ad certum servitium datum, & quidem tale, quod per foeminam præstari, aut per alium ejus nomine explicari potest; in illo enim foemina cum masculo ad feudi*

feudi successiorem, admittenda est, secundum *Alvaron. & Bald. hic. 2.* Nisi masculus natus confestim moriatur. Qui enim mox natus de vita decessit, non aliter existimatur, quam si nunquam natus fuisset. *c. nam §. ego 3. X. d. V. S.*

T E X T U S.

Mutus feudum retinere non potest, (a) scilicet qui nullo modo loquitur: (b) sed si feudum fuerit magnum, quo ei ablato se exhibere (c) non potest, tantum ei relinqui debet, unde se sustinere possit. (d.) Et his omnibus casibus feudum amittitur, & ad dominum revertitur.

ELABORATIO.

(a.) Ratio dubitandi esse potest, quod videatur contra naturalem & civilem esse rationem, ut aliquis propter morbum, quem non causavit, feudum suum amittat. Ratio autem decidendi est, quia mutus, nec servitia vassallitica, nec iuramentum fidelitatis, quod verba requirit, prestare potest. Quare causa cessante, ipse quoque cessat effectus *c. cum cessante X. de ap. pell.* Cum in omnibus causis id observetur, ut ubi personæ conditio locum facit beneficio, ibi deficiente ea, beneficium quoque deficiat *l. in omnibus. 68. de R. j.* Nec obstat *pr. tit. infr. an. mutus vel aliis imperfectus. 2. feud. 36.* Quia verba illius tituli initialia non sunt decisiva, sed tantum relativa. Intelligendus autem est hic versiculus *l. de feudo paterno*, non novo, ut Zasius opinatur. Nam *l. si de feudo novo hic vers.* acciperetur, præsup-

po.

ponendum esset, mutum, de quo loquitur, ex accidenti mutum factum esse, quod est divinatorium. 2. Quia textus loquitur de eo, qui nullo modo fari potest, id quod propriè convenit illi qui naturà mutus est. 3. Huc facit verbum retinere; quod enim retinetur, id præsupponendum est jam haberi, & auferri non potest, nisi quod possideretur, siquidem privatio præsupponit habitum. II. accipiendus est hic vers. de eo, qui à natura talis est. Nam feudum paternum mutus ex accidenti factus omninò retinere potest, juxta Zasium. Quamvis enim is, qui ex accidenti factus est mutus actu servire non possit, speratur tamen aliquando sanus futurus, ut serviat. Notandum insuper & hoc est, quod licet mutus parens non succedat, filii tamen ejus, si extent admittantur: si verò ad agnatos semel feudum pervenerit, non potest, licet postea imperfecto, ut muto, nascantur liberi, agnatis auferri. Generaliter enim proditum est, ut scribit *Andr. Knichen de vestit. p. 3. c. 3. n. 41.* scitis feudariis, ut sicubi semel feudum ingreditur lineam, nemo admittatur nisi possessoris ultimi defuncto. *vid. Michalor. tr. de Cac. surd. & mut. c. 66. n. 18.* Fallit autem quod hinc dicitur 1. Si feudum sit liberum à servitiis; aut aliàs ipse mutus, aut alius imperfectus ita sit comparatus, ut non obstante ista imperfectione possit ea, quæ ratione feudi alicujus exiguntur, præstare. *Rosenth. c. 7. concl. 28. n. 20.* 2. Si sciens prudens mutum investierit Dominus, tunc enim gratiam ei beneficii seu feudi fecisse intelligitur. *Gothof. in not. ad b. text. lit. 1.* Ex quaeritur in super an propter hoc vitium naturæ feudum ipso jure ad Dominum revertatur, an mediante actione aliqua ab ipso sit revocandum? posterius verum esse videtur; quoniam enim feudum ob causam datum est, & illa sequi non potest, merito Dominus per conditionem ob causam, vel conditionē causā datā causa non secuta illud condicere potest *arg. l. si militi. C. de cond. ob causam. l. 1. in fin. & l. 3. ff. de cond. sine caus.* Nam tacitè hoc inerat in datione ipsius feudi, si in eodem statu vasallus permaneret. (b.) Excluditur igitur hisce verbis balbutiens, qui feudum sibi retinere potest, cum quodammodo loquatur. (c.) Id est

su-

sustentare & vitam ducere nequeat. (d.) Exinde sequitur, 1. ex feudo tunc demum muto alimenta præbenda, si nulla bona allodialia habet. Quod tunc fecus est de Jure Saxonico, ut patet ex *mediæ Berlicb. ad p. 7. Nov. Elect. Aug. 2.* Si feudum est magnum; non verò si exiguum. Præstabuntur autem alimenta ex feudo pro modo facultatis feudi, & secundum dignitatem vassalli. *Schenck Baro ad b. tit. in fin.*

DE NATURA FEUDI.

T I T : VII.

CONTINUATIO.

POSTquam in explicato titulo aliquot sunt traditi casus, in quibus non possunt feuda retinere vassalli, sed illa ad Dominum revertuntur, in hoc præsentis titulo igitur Compilatores Juris nostri feudalis ostendere volunt, quod secundum naturam feudorum vassalli possint feuda retinere, etiam contra voluntatem Dominorum, qui feuda ab ipsis sine causa auferre conantur.

T E X T U S.

Natura feudi hæc est, ut si princeps investierit Capitaneos suos de aliquo feudo, non potest eos devestire sine culpa, [a.] id est marchiones & comites, & ipsos qui propriè hodie appellantur capitanei. Idem est, si investitura sit facta à Capitaneis & majoribus, qui propriè hodie capitanei appellantur. Si vero facta fuerit à minoribus vel minimis valvasoribus, aliud est. Tunc enim possunt devestiri non habita ra-

tione culpæ: [b.] nisi fecerint hostem Romæ;
 [c.] Tunc enim idem est in minimis, quod
 in majoribus valvasoribus: Vel nisi emerint
 feudum; [d.] Tunc enim pretium restitu-
 endum est secundum antiquum & rationa-
 bilem usum. Moderni autem, non ita
 subtiliter cernentes, [e.] dicunt, idem obser-
 vandum in minimis, quod dictum est in
 majoribus valvasoribus.

ELABORATIO

(a.) Beneficium enim semel datum & concessum ali-
 cui non potest illi sine sua culpa iterum auferri absque laesione
 juris naturalis l. 11. l. 75. ff. d. R. I. he quidem à Principe l. referipra
 7. & l. quoties. 2. C. de Precib. Imp. offer. Licet enim LL. Civilibus
 sit solutus, præsertim quoad vim coactivam, non tamen LL. natu-
 ræ. Deinde non decet, nec potest Imp. vel princeps immuta-
 re feudi naturam, non magis quam vasallus fidelitatis obsequia
 Imperatori denegare. Videtur enim quidam quasi contractus re-
 ciprocus inter Dominum feudi & vasallum initus, juxta natu-
 ram feudi, quæ non alterum solum, sed utrumq; concernere de-
 bet. Contractus autem, quoniam ferè omnes juris gentium sunt
 §. Sed jur. 2. Inst. de j. N. G. & C. æquè principem ac subditum
 obligant. teste Bald. ad tit. 1. lib. 1. feud. ubi inquit: Deus subjecit
 Imperatori Leges, sed non subjecit contractus. (b.) vide ea quæ
 infra dicentur ad tit. 16. feud. 1. (c.) Id est, nisi vasallus minimus
 eum Domino Romam in expeditionem perrexerit. vid. tit. 20.
 infr. hoc lib. & 2. feud. 28 Origo verò illius expeditionis Roma-
 næ inde venit: Cum Carolus magnus Rex Francorum & Longo-
 bardorum eligeretur ac constitueretur Imp. Romanus, atq; à
 Pontifice, tanquam primario cive Romano, ipsis feriis natali-
 tūs Anno 1300. pretiosissima coronâ coronaretur, (De qua coro-
 natione)

natione videri potest inter alios famigeratissimus *Dn. Conring.*
de Germ. imper. Rom. c. 7. & seqq.) atque inde Romanum imperi-
um occidentale primum ad Carolinam progeniem, & postea ad
successores Reges Germaniz deferretur: ritus quoque ille so-
lemnis coronationis in seqq. *Imp. Romanis* est observatus; atq;
hinc porro factum, ut vasalli regni, horumq; subvasalli, creatum
à Germanis regem, atq; ita simul electum Imperatorem Roma-
num, tenerentur ad suscipiendam imperii Romani coronam &
solemnem consecrationem Romam comitari. Qua de re extat
constitutio Caroli III. *Imp.* cujus verba tradit *Goldast. consist. Im-*
per. vol. 1. p. m. 28. & horum explicationem habet *Dn. D. Struve.*
disq. feud. 11. th. 5. (d.) Iniquum enim esset, si Dominus vellet
feudum, pro quo pecuniam seu pretium accepit, vasallo sine sua
culpa auferre, & tamen pretium non restituere: Et eò collim-
ant verba textus nostri: *Rationabilem usum. adde ea que in-*
fra traduntur ad tit. 16. feud. 1. (c) Subtilitatem enim nimiam &
captiosam rejiciunt Legislatores. Legibus quippe amica est
simplicitas §. *ceterum. vers. & hoc Inst. de leg. agn. success.* Unde et-
jam *Imp. Justin.* in legibus magis simplicitas, quam difficultas
placet §. *sed quia stipulatio. Inst. de fideic. hered.* Et eleganter
scribit ad *n. text. Alvarott.* quod subtilitas scrupulosa sit pern-
tiosa, & quæ caret æquitate & ratione, sit reprobanda *arg. l. Sanci-*
mus. C. ad Sclum Treb. l. 1. in fin. C. ut alic. ab hered. Laudanda verò
est è contra subtilitas ingeniosa & fructuosa, qua uti nos deceat
ad intelligendos legum intellectus, & ad eligendam ex opinio-
num varietate sententiam veriolem. Variantibus liqui-
dem opinionibus illam amplecti debemus sententiam, quæ me-
liori & subtiliori nititur ratione. Unde etiam à Justiniano
commendatus fuit Papinianus, dum ab ipso vir accuratissimi in-
genii, & merito ante alios excellens appellatur. *l. cum accuratissimi.*
in pr. C. de fideic.

DE SUCCESSIONE FEUDI.

T I T. VIII.

CONTINUATIO.

Connexio hujus tit. cum præcedenti i. talis esse potest: In tit. 7. actum est de natura feudi; ad naturalia autem feudi pertinet successio. Ergo de illa merito hic tractatur. Et hanc continuandi rationem indicat verbum hujus tit. primum: Sequitur. 2. In tit. præcedenti traditum est, quod vassallus feudum retinere possit, Dominus verò sine ipsius culpa illud revocare nequeat; per successionem autem etiam feudum retinetur. E. de illa hic agitur.

T E X T U S.

Sequitur de successione feudi videre. Si quis igitur decesserit filiis & filiabus superstitibus, succedunt tantum filii [a] æqualiter, (b) vel nepotes ex filio loco sui patris: [c] Nulla ordinatione defuncti in feudo manente, vel valente. [c]

ELABORATIO.

(a) Hi enim soli censentur habiles ad servitia Domino exhibenda. Et licet aliàs de jure civili appellatione suorum veniant illi, qui sunt in potestate patris vel avi, tam masculi, quam feminae §. *sui autem*. 1. *Inst. de hered. qual. & diff. l. in suis*, 11. ff. *de lib. & post. l. 1. §. suos*. 2. ff. *de suis, & legit. hered.* tamen secundum communes juris feudalis regulas appellatione suorum veniunt saltem masculi illi, qui de natura feudi succedere possunt. c. 1. §. *filiusculus. de alien. feud. 1. feud. 13. §. Titius. si de feud. def. cont. su int. dom. & agnat. def. 2. feud. 26. c. 1. §. similiter. de Lege Corradi 2. feud. 34.* (b) Omnes enim æquale jus ex prima investitura sunt adepti; Et est aliàs indubio æqualitas inter liberos servanda; imò parens contrahendo non plus uni filio quam alteri prospicere

cere voluisse censetur. Unde quoq; rectè scribit *Andr. d. Ifern.* hic: quod non possit vasallus disponere, ut unus filiorum suorum habeat duas partes in feudo; alter verò tertiam; sed quod non obstante hac dispositione filii æqualiter succedant: Quia legis providentia præstat hoc privilegium ipsis filiis; unde id quod lex tribuit, non potest alter quàm lex auferre. Excipiuntur tamen feuda regalia annexam dignitatem habentia, quæ cum sint indivisa & integra relinqui debeant. *un. §. firmiter. 1. vers. præterea. de prob. feud. alien. per Frider. 2. feud. 55.* ad primogenitum, exclusis cæteris, pertinent, ne scilicet in plures Regno diviso, familiæ claritas obsolescat. *Borch de feud. c. 7. Rubr. de success. n. 41. & Mozz de substant. feud. n. 68. (c.)* Jure scilicet repræsentationis; Quod non tantum de jure feudali communi in linea descendenti obtinet locum in infinitum. *2. feud. 50.* sed etiam. Saxonico teste *Jacob. Schulz. in syn. feud. c. Hartm. Piff. lib. 2. q. 19. n. 94. (d)* Hujus Regulæ duæ possunt rationes: 1. Quia voluntatem istam constituentium primorum, nimirum ut masculini sexus descendentes tantum, & quidem æqualiter succedant, alià dispositione, nec vasallus successor primi acquirentis testando, nec Dominus, sive primus constituens, sive successor ejus fuerit, consentiendo in testamentum, evertere queunt in præjudicium eorum, qui ex prima investitura jus quæsitum habent. 2. Ratio est. Quoniam alienatio feudi per constitutionem Friderici & Lotharii I. app. prohibita est. *cap. un. de probib. feud. alien. per Lothar. 2. feud. 51. c. un. de probib. feud. alien. per Frider. 2. feud. 55.* Per dispositionem autem & ordinationem testamentariam res, super qua disponitur, alienatur. *l. dotalem 16. ff. de testam. milit. l. siquid. 1. §. si alienatio. 1. ff. siquid. in fraudem patron.* Procedit autem Reg. in feudo etiam hereditario simpliciter sic dicto, pro se nimirum & heredibus accepto. *Rosentb. in synops. feud. c. 7. concl. 2.* 2. In feudo ex pacto & providentia concessio. *Vult. lib. 1. feud. c. 9. n. 77. & seqq. 3.* Quoad dispositionem inter liberos. *Schneidew. q. feud. p. 6. c. 1.* ita ut rectè describat *Hortom. ad h. tit.* Patrem unum filiorum totum feudum prælegare, vel uni testamento plus quàm alteri relinquere non posse, quia lex feudalitatis resistit, quæ vult feudum ad omnes filios æqualiter pertinere. Errant ergo *Wurm.*

tit. 51. obs. 32. Duar. de feud. 12. n. 17. & Borch. de feud. c. 7. n. 4. putantes, vasallum omnino uni ex filiis feudum assignare posse, propter tot. tit. Inst. & ff. de assign. libert. & l. ult. C. de fam. heres. l. parentibus 8. C. d. inoffic. testam. Hi enim textus iure feudorum non obstant, quo alienatio sine Domini, & eorum quorum interest, consensu interdicta est, ut jam probatum. Fallit autem Reg. hæc 1. Quando Dominus in dispositionem vasalli consentit, aut eam rata habet, Ita tamen, ut consensus Domini non cedat in filiorum vel agnatorum præjudicium. Sansb. p. 13. n. 161. Schrad. intr. feud. p. 7. c. 2. n. 2. vult. 1. c. 9. n. 79. 2. Si feudum ea lege sit concessum, ut ipse, & ejus heredes, aut cui ipse dederit, habeant c. 1. de feud. non hab. propr. nat. 2. feud. 48. c. 1. §. feudum. ea lege. 2. feud. 26. 3. Si feudum fuerit merè & absolute hereditarium. Nam id non solum expressa vasalli dispositioni, sed & tacite subjacet. d. c. 1. de feud. non hab. prop. nat. 2. feud. 48. c. feudum si de feud. fuer. com. int. dom. & agnat. 2. feud. 26. 4. Si filii vel gnati in dispositione vasalli consentiunt, vel expressè vel tacite. Nā hujusmodi consensu interveniente illa in eorum præjudiciū firma ac rata est. Consensus autem eorum plerumq; ex eo colligitur, quod filii secundum testamenti dispositionem feudum, inter se dividerint, & feudorum sibi inæqualiter distributorum investituras sic acceperint. 5. In feudo novo arg. d. c. 1. de alien. feud. 1. feud. 3. & c. 1. in fin. si. de feud. def. com. sit. int. dom. & agn. vas. 2. feud. 26. Haud in concinnè quæritur nunc 1. An feudi legati, aut alio modo per ultimam voluntatem relictī, æstimatio debeatur, per heredem testatoris ex bonis allodialibus solvenda? In qua quæstione variaz Feudistarum sunt opiniones. Nonnulli ut Schneidew. Wesenb. in §. donare. infr. qualiter olim feud. pol. alien. 2. feud. 9. Sansb. p. 12. n. 88. hoc simpliciter negant, propterea quod feudorum liberum commercium non sit; Legati autem possunt tantum illæ res, quæ in commercium cadunt liberum. Quidam statuunt, quod feudi legati æstimatio præstanda sit per heredem omnibus his casibus, quibus rei alienæ legatæ, quæ commodè redimi non potest, præstari solet æstimatio. Rectius verò distinguit Rosenb. in synopf. feud. cap. 7. concl. 1. n. 19. Aut testator de feudo licitè disponit, puta quod id legavit.

Titio extraneo cum consensu Domini & agnatorum, vel Ma-
 vio, qui vigore investituræ in isto feudo succedere, ac in quem-
 sine consensu Domini alienari potest feudum. Et hoc u-
 troq; casu, cum cesset alienationis prohibitio, vel ipsa res lega-
 ta debetur, vel ejus æstimatio. Aut feudi alienatio est prohibi-
 ta & illicita, quia forte Dominus non consensit in hanc vasalli
 ordinationem, aut agnati, & tunc nec æstimatio rei legata debetur.
 Quia feudum tunc est extra commercium *c. Imperialem. de*
prohib. feud. alien. per Frider. 2. feud. 55. Et deinde quod non valet ac
 inutile reputatur, non potest producere effectum *Everb. in op. loc.*
à feud. ad empby. n. 16. Gail. lib. 2. obs. 154. n. 14. Rüding. lib. 1. contr.
feud. cap. 31. 2. queritur: Utrum Vasallo de bonis feudalibus &
 allodialibus simul testante, testamentum etiam quo ad bona
 allodialia invalidum sit? Et quamvis de jure communi nemo
 pro parte testatus & pro parte intestatus decedere possit, *l. ius*
nostrum. 7. ff. de R. J. Attamen cum secundum Dd hoc tantum
 procedat in bonis, quæ ejusdem sunt naturæ, verius est, quod tes-
 tamentum in totum non corruat, sed quo ad allodialia nihilo-
 minus subsistat. Atq; ita etiam *Maurb. Berlich. decif. 45. n.*
6. Scabinos Lipsienses mense Aug. Anno 1612. ad consultatio-
 nem H. von W. respondisse refert. Ob nun gleich nach Verord-
 nung der Rechte niemand pro parte testatus & pro parte intesta-
 tus versterben mag/ Diewell man aber dennoch von den Lehengü-
 tern dieser Natur noch nicht testiren kan/ so bleibet das Testament
 so viel die Erbgüter betrifft nicht unbillig in seinen Kräfften
 W. N. W.

T E X T U S.

HOC quoq; observatur, ut si frater meus
 alienaverit partem suam feudi, (a) vel
 fecerit investire filiam suam, (b) si mo-
 riatur sine herede masculino, nihilominus re-
 vertitur ad me, (c) & olim observabatur usq;
 ad quartū gradum tantum, secundum quos-

dam;

dam. Hoc ideo, quia postea non vocatur feudum paternum. (d) Alii autem dicunt usque ad septimum gradum.

ELABORATIO.

(a) Hæc verba *Cujac de feud. hic* intelligit de eo casu, ubi Dominus feudi in alienationem consensit. Alii verò interpretantur ex §. *aut si libellario. §. quib. mod. feud. amut. 1. feud. §. ita*, ut sint accipienda de usu antiquo, secundum quem licuit vasallo usque ad dimidiam partem feudi alienare, etiam sine consensu Domini. Utraque opinio sano insensu stare potest, uti datâ occasione in discursu demonstrabo. (b) Hinc colligendum, quod si vassallus à Domino filiam suam de feudo investiri curet, id quod gestum est, donec super sit vassallus, nempe filii pater, jure quidem subsistat; sed patre ab humanis migrante, proximi agnati, ad quos ejus successio pertinet, talem investituram possint revocare. Feudum siquidem paternum etiam Domini voluntate adimi non potest agnatis, nec in vassalli filiam confirmari, non consentientibus iisdem *c. 1. in pr. inf. de alien. feud. patern. 2. feud. 39. [r]* Et hoc procedit in feudo antiquo, non verò novo. Novi enim feudi, & ad Dominum morte possessoris relapsuri, libera filii concessio fieri potest. *c. un. inf. quemad. feud. ad filiam. pertin. 1. feud. 24 [d]* Hisce verbis Feudistæ cōm. inter quos etiā est *Sebenck Baro bte*, probare conantur divisionē feudi in paternum & antiquum; Verūm divisio hæc non est toleranda, tum quod feudum paternum & antiquum promiscuē usurpantur in Jure feudali *c. un. §. 2. de investit. feud. 1. feud. 4. c. un. de cont. int. me & dom. 1. feud. 12. c. un. de succ. feud. 2. feud. 11. c. un. de vassall. decrep. atar. 2. feud. 14. c. un. de invest. in marit. fact. 2. feud. 15.* tum quod in effectu feudum paternum & antiquum convenient, & ejusdem potentie sint, teste *Curt. jun. part. 1. de feud. q. 8 n. 7.* tum quod claris & expressis verbis *cap. un. de nat. succ. feud. 2. feud. 50.* refutari possit. Nec aliquem ad dissentendum moveri debent verba nostri textus. Indicant enim ac recensent saltem veterum errorem qui per *alleg. cap. un. 2. feud. 50.* postmodum est correctus.

Et

Et cō collimant etiam verba ipsius textus: secundum quosdam;
 Item. Alii autem dicunt &c. Spectat huc 1. quæstio: Utrum seu- Q
 dum novum jure antiqui feudi concedi possit, nam Art und El-
 genschaften eines rechten Erbmitlehnguths? Multi, quos allegat
Anton. Gabr. lib. 3. concl. com. tit. de feud. concl. 1. hoc negant,
 moti 1. Quod verba & denominatio hominum veritatem & sub-
 stantiam rerum immutare nequeant. *l. si forte 8. ff. de cast. pec. l.*
non nudis. 14. C. de prob. quodque falsa demonstratio mutare
 substantiam veritatis minimè possit. *l. cum falsa 9. C. de jur. &*
fact. ign. 2. Quod contrariorum eadem sit disciplina eademque
 potentia *l. 1. ff. d. his qui sunt sui vel alien. jur. l. illud questum. 32.*
ff. ad L. Aquil. Ex verb. in top. loc. contr. n. 1. Acqui si feudum anti-
 quum jure feudi novi non consentientibus agnatis concedatur;
 propterea feudum novum non efficitur, teste *Gail. lib. 2. obs. 14.*
 ubi etiam præjudicium aliquod Camerae, hoc confirmans, ad-
 ducit. Ergo eodem modo, si feudum novum concedatur jure
 feudi antiqui, non debet effici antiquum. Alii ut *Cl. in 6. frua-*
rum. q. 8. n. 2. & Rosenb. de feud. cap. 2. concl. 13. affirmativam fo-
 rent sententiam. 1. Quia quilibet, qui rerum suarum mode-
 rator ac arbiter est, de novo facere antiquum, sibi que præjudi-
 care, & legem quam velit suis rebus imponere potest *arg. l. in re*
mand. 21. C. mand. Ex tali autem concessione, ex qua feudum
 novum efficitur antiquum, resultat solum præjudicium conce-
 denti, quo feudum Domino minus aperiatur. E. 2. Quod
 indubitati juris sit, ex pacto naturam feudi alterari, & pactum
 apponi posse, ut succedant illi, qui aliis non erant successuri.
c. 1. §. fin. de feudo March. 1. feud. 14. c. 2. b. tit. n. c. 1. de fratr. de
nov. benef. invest. 2. feud. 12. c. 1. de duob. fratr. à Cap. invest. 2. feud.
18. Et respondent ad Negantium rationes, ac quidem ad pri-
 mam quod, quamvis ejusmodi feudum à vasallo de novo ac-
 quisitum in rei veritate revera sit novum, tamen cum effectus
 veteris feudi illi insint, fictione juris pro antiquo feudo reputa-
 tur, & feudi antiqui naturam assumit. Quæ fictio idem opere-
 tur in casu ficto, quod veritas in casu vero *l. filio. 23. ff. de lib. &*
postb. l. 6. ff. de adop. Ad secundam verò rationem dicunt, quod

imo diversa hic adfit ratio. Nam si feudum antiquum fieret novum, hoc præjudicaret agnatis, quibus invitis jus succedendi, ex pacto & providentia primi acquirentis quæsitum, auferretur, contra *c. 1. an agn. vel. fil. 2. feud. 54. & c. 1. de vassall. decreta. atal. 2. feud. 14.* Et hanc posteriorem adhibita hac distinctione arripimus sententiam. Distinguiamus autem inter feudum seculare & Ecclesiasticum. Siquidem feudum, à Prælato vel Episcopo tanquam antiquum concessum, non sortitur qualitates feudi antiqui, sed novum manet. Prælatus enim vel Episcopus Ecclesiæ conditionem deteriore facere, & res Ecclesiæ non solitas infeudari, in feudum dare prohibetur, per ea quæ supra ad tit. 1. tradita sunt,

T E X T U S.

Filia vero non succedit in feudo, (a) nisi investitura fuerit facta in patre, ut filii & filiæ succedant in feudum; (b) tunc enim succedit filia filiis non extantibus; (c) vel nisi investitæ fuerint. (d) Hæc de hoc feudo paterno. In alio verò feudo quod habuit in utero tantum à fratribus, non succedit unus alteri, sive una investitura, sive duabus: nisi hoc fuerit dictum expressim, ut alter alteri succedat (e)

ELABORATIO.

[a] Quoniam hujus regulæ ratio in præcedentibus tradita, ideo hic in ejus validitatem ac fundamentum non amplius inquirendum, sed potius quærendum est: An nihilominus filia ex feudo legitima debeat? Præmonendum autem erit, quæstionem non esse de feudo ex pacto & providentia, sed de feudo

feudo novo. Et opinantur multi, inter quos etiam est *Harum.*
Pistor. q. 88 n. 52. Et seq. filia legitimam debere, non quidem
 ex ipsa substantia feudi, neque secundum veram ejus aestima-
 tionem, sed saltem habitâ ratione pecuniæ, in emtionem feudi
 collocatæ, quam habitura fuisset, si ea in feudi novæ em-
 tionem non fuisset collocata. Rationes autem eorum sunt seqq.
 1. Quoniam si aliter diceremus, licitum esset patribus omnem
 præsentem pecuniam, vel saltem potissimam ejus partem in feu-
 dalia bona erogare, & hac ratione filiis multa, contra autem fi-
 liabus perpauca, aut penitus nihil relinquere, siq; eas debito bo-
 norum subsidio, defraudare liceret. Id quod naturæ & æquitati
 vehementissimè repugnare videtur. 2. Quia cum pater emit feu-
 dum filiis suis, ad quos vult illud post mortem suam pervenire,
 est perinde, ac si pecuniam, quam exposuit in emtione feudi,
 donaret ipsi filiis. Donatio autem ejusmodi tanquam inoffi-
 ciosa rescinditur usque ad legitimam portionem filiarum *l. s. pro-*
tas. §. 6. si mater 7. ff. de inoffic. don. E. dicendum erit, ex feudi
 aestimatione legitimam portionem pro filiabus esse deducen-
 dam. Et hæc opinio [3.] eò magis videtur accipienda, quoni-
 am inter liberos æqualitatem inducit, præsertim cum legitimam
 filiabus æquè ac filiis jure naturæ debeat *l. cum ratio. 7. ff. d. bono-*
rum. Alii in negativam transcendunt sententiam. 1. Quia, si
 ex feudo emto legitima deberetur, fieret hoc ex hac ratione, quod
 pretium succederet in locum feudi. Sed hoc fieri non
 potest nisi in universalibus judiciis, juxta *l. si rem. 22. ff. de petit.*
hered. l. sent. 8. C. de rei. vendic. 2. Quia legitima debetur illis tan-
 tum personis, quæ ab intestato succedere possunt. Fœmina au-
 tem in feudo, etiam pecunia acquisita, non succedunt. E. Sed
 hæc duæ diversæ opiniones conciliari possunt, si distinguimus:
 Aut omnia bona patris consistunt in feudo, aut quædam saltem
 priori casu procedit affirmativa sententia; posteriori verò casu
 negativa. [b] Hanc & sequentem exceptionem paucis quidem,
 sed elegantibus comprehendit *Gothof. in not. ad b. rexi. verbi:* Quod
 fœmina in feudis succedat vel ex pacto, vel ex gratia Domini.
 Quæritur autem insuper, si investitura facta alicui & heredibus

ejus [für sich und seine selbst und Lebens Erben.] an etiam filii
 comprehensæ censentur? Videtur hoc dicendum 1. Quia
 et investiturarum verba strictè interpretanda sint, & pro
 sonant, intelligenda. *Harim. Pistor. p. 2. q. 1. n. 3. & 4. Herm.
 Vul. de feud. lib. 3. c. 7. n. 56.* nil tamen repugnat, quin ex æquo
 & bono interpretatio pro vasallo potius contra Dominum sit
 facienda, qui legem ab initio apertiore[m] dicere potuerit *l. 2. c.
 scribis 39. ibique Dd. ff. de pact. l. in contrahenda. 172. ff. de. R. J.*
 præsertim cum feudum sit species beneficii, quod late contra
 concedentem explicari solet. *l. 3. & ibi Dd. ff. de constit. primæ.
 Matb. Wesenb. de feud. cap. 1. n. 9. 2.* Quod in casu præsentis particu-
 lula [&] pro particula [vel] posita esse videatur. Nam & aliis
 infrequens non est, ut pro ratione subjectæ materiæ copulativa
 oratio in disjunctivam vel alternativam resolvatur. I. sæpe ita
 comparatum 53. *ff. de. V. 8.* Sed hisce non obstantibus negati-
 vam arripimus sententiam, cum prior affirmativa sit contra vo-
 strum textum & naturam feudorum, qua regulariter solum
 à successione excluduntur. Verbo autem investiturarum
 sunt explicanda, quo minus juri feudorum repugnent. *Herr.
 Garzon. de sam. ad feud. recip. col. 8. & seqq.* Ac potior semper
 est interpretatio, quæ reditur ad jus commune, ut multis confir-
 mat *Rosentb. de feud. c. 7. concl. 42. n. 47. & seq.* Ex quibus patet,
 quid ad primam dubitandi rationem sit respondendū, nimirum
 quod illa procedat, si natura & ratio subjectæ materiæ hoc ad-
 mittit. Altero verò dubitandi ratione quod attinet, respondemus
 quod regulari & nativæ alicujus vocis significationi sit standum
 tam diu, quamdiu irregularis non est necessaria. Regulariter
 verò, vocula *Et* conjunctivæ est significationis, non disjunctivæ.
 [c] Et hoc feudum vocatur fraterneum, de quo agitur in *specu-
 li tit. de fundo sam. 2. feud. 30. [d]* Ut de hoc feudo fraterno agi-
 mus, prohibet chartæ angustia, quoniam autem de eo agit sin-
 gularis titulus, inscriptus de beneficio fratris, & qualiter frater
 in beneficium fratris succedat 1. *feud. 20. i deo perusta-*
 tionem ejus usque eò merito
 differimus.

QVI SVCCESORES TENEANTUR.

T I T : IX.

Rubrica hæc variè legitur apud Feudistas. Primò enim ita legitur : Quidam Juris, si quis investitus sit de alieno feudo. Verùm si hæc lectio retinèda, paululù propter sens^u congruitatē esset inmutanda, hoc nimirum modo. Quidam juris &c. Deinde legit Gl. quam sequitur *Alvarott. hic Rubr. hoc modo.* Hic potest esse titulus qui successores teneantur. Sed nec hac appositione opus, quoniam in ipsa *Rubr.* non solum esse expressa continuatio, imò esset hoc modo imperfecta, deficeret enim ratio quare hic possit esse titulus, qui successores teneantur. Ergo non tantum potest, sed debet hic esse titulus noster. propter ea quæ paulo post tradentur. Aliter tertio *Rubr. legit Cuiac.* videlicet. Qualiter heres investitoris teneatur. Quæ lectio quidem prioribus melior esse videtur. Nos tamen, ab ea, quæ vulgaris est, non putamus recedendum, modo hæc ex Nigro desumpta subintelligantur ; Adimplere promissionem, de caducitate feudi alicui factam.

CONTINUATIO.

Postquam in titulo præcedenti actum est de successoribus vassallorum, quatenus nimirum ad successionem feudi admittuntur vel non: Ideò merito nunc in hoc præsentī titulo agitur de successoribus Dominorum, qui feudum alienum alicui promiserunt, quatenus promissionem illam adimplere teneantur. Ac potest dispesci hic titulus non in duas, ut *Alvarot-*

mi facit, sed in tres partes principales, quarū 1. agit de successorib.
vel heredib⁹ Laicis; & cōprehendit in se 1. themā vel casum 2. casus
decisionem. 3. Dissidentium opinionem 4. Decisionis recti-
tationem. Secunda pars verō tractat de successoribus clerico-
rum. 3. denique pars continet in se tituli totius declarationem,
hisce verbis: Et hoc intelligendum est in vasa/lis, qui feudi suc-
cessionem non habent.

T E X T U S.

SI quis investitus fuerit de alieno feudo
post mortem ejus; (a) vel si quis fuerit
investitus sub conditione aliqua; (b) Vel
tempore, quo nullus erat investitus; (c) sive
præmoriatur tenens feudum, sive investitor,
sive investitus, (d) investitor & investitoris
heredes tenentur (e) investito vel heredi
ejus (f) veniente tempore vel conditione:
licet alii dicant, si moriatur investitus ante-
quam tenens feudum, vel ante conditionem
existentem, vel ante tempus, quod heredes
ejus non debeant investiri: (g) nam si quis
fuerit investitus purē de alieno feudo non
valet habita investitura. (h) Hoc ita est, nisi
fuerit facta ab aliqua ecclesiastica persona;
tunc enim si præmoriatur investitor ante-
quam

quam feudū tenens, vel conditio, vel tempus
existat, non obligatur successor illius ; (i)
Hoc probatur per legem Lotharii de preca-
riis. (K) Et hoc intelligendum est in vassallis,
qui feudi successionem (l) non habent.

ELABORATIO.

(a) Agitur igitur in hoc titulo de investitura super Caducitate feudi, Superinfundatione, vel expectativa, quæ est Jus succedendi in feudum à Domino sub conditione, si ad ipsum redierit, etiam sine consensu vassalli possidentis, promissum. *Germ.* dicitur ein Erbding / Anfechtung / Anwartsung / item ein gnaden oder aufgebeten lichen. Et licet hæc expectativa etiam investitura verbalis appelletur à FF. tamen potius est promissio de investiendo, quam investitura, ac licet forte aliqua interveniat, tamen respicit futurum casum, & nihil aliud est, quàm conditionalis juris succedendi concessio 2. feud. 26. §. 2. Notandum autem de ea in genere, quod 1. non desideret presentiam parium curiæ, sed sufficiat, si Dominus in aliquo instrumento, vel alia scriptura sua manu subscripta fateatur, vel aliter probari possit, quod quis de feudo alieno in casum mortis fuerit investitus. Tam de Jure communi feud. quàm Saxonicæ *Carpz. p. 2. consl. 45. def. 10. Hartm. Pisl. p. 2. §. 30. 2.* Quod renovatio quæ alias semper est necessaria, quando vel Dominus feudi, vel vassallus investitus de edictis, hæc non sit necessaria, sed solennis investitura tum de morte peti debeat, quando possessor feudi, vel ejus heredes penitus sunt commoti, & ita illud feudum ad taliter investitum vel ejus heredes devolvitur. *vid. Matth. Berlich. p. 2. concl. §. 4. n. 55.* Aliàs multo ille *Ces. consl. in addit. ad Matth. de Afflict. decis. 292. n. 2. Jacob. de S. G. rog. 17. feud. n. 12. Card. Tusch. tom. 3. præf. concl. tit. 8. verb. feudum. consl. ut. m. 24.* adhuc dubitant, an hæc concessio exipe-

Expectativæ vel **superinfœdatio** in se considerata sit iuri & æquitari consentanea? *¶* 1. quod sit contra bonos mores & verè vorum captandæ mortis inducat eum de feudo alieno . . & ut plurimum absque consensu possessoris feudi fiat. Deinde urgente *c. 2. ex. de concess. præb. & c. 2. 3. eod. in 6.* Verum prius quod attinet dubium, eleganter respondet *Dn. D. Struve disp. feud. 7. th. 5.* concessionem expectativæ per se non præbere occasionem captandæ mortis, sed tantum per accidens; ideoque cum per accidens id eveniat, istam *Diss.* rationem rem ipsam in se consideratam non facere illicitam, *adde ea quæ supra tradita sunt ad tit. 3.* Et hoc pactum non est de futura successione viventis, nec mortui, sed est quoddam pactum collatum in defectum juris tertii, quod quidem in se juris ordinem habet, & est de jure validum. Sic etiam donatio. *m. c. in mortis eventum confertur*, & tamen non est illicita. Imò huiusmodi expectativa conferri solet ut plurimum viris illustribus & Nobilibus, in quos non cadit suspicio aliqua sitæstra vitæ alicujus insidiandi, teste *Jacob. Menoch. lib. 5. præsumt. 4. incipit: quemadmodum à natura bonus n. 6. & seqq.* Ad textus verò Juris canonici respondemus, eos loqui de personis Ecclesiasticis, quibus non potest concedi expectativa, ex speciali hac ratione, quam *Berlich. d. consl. n. 7.* adducit, quia nimirum de clericis major est suspicio de insidiis aliorum vitæ struendis, quod Diabolus illis, qui Deo sunt propinquiore, & magis devoti, semper sit plus infensus, & ad scelera perpetranda eos cò instantius urgeat & alliciat. In tantum autem licita est hæc investitura, ut & Imperator de majoribus quoque feudis eam alicui absque consensu & voluntate Electorum ac aliorum statuum imperii conferre queat, latè hoc demonstrante. *Nic. Everb. jun. consl. 1. q. 1. n. 9.* Diximus autem in definitione, quod ad concessionem expectativæ consensus vasalli possidentis non sit necessarius, id quod probari potest *ex §. moribus in fin. 2. feud. 26. & 1. feud. 27. Lehn-Recht. c. 10.* & habet hanc rationem, quia promissio ista in eum casum, quo feudum aperietur Domino, concipitur, & nullahic subest præsumptio maligni consilii, ut jam demonstratum, quæ adhibendo consensum possessoris esset excludenda. Nec ullum jus in re ita conditionaliter investito tribuitur. Aliter
se res

se res habet in simultanea investitura, quæ, cum jus succedendi singulare purè tribuat, non nisi consensu possessoris vasalli fieri potest. *Vult. de feud. lib. 1. c. 7. n. 54. Carpz. p. 2. c. 45. def. 16.* (b) *Conditio* verò sub qua expectativa conceditur variat, tum quoad feudum promissum, quod scilicet concedatur respectu feudi certi & nominati, & vocatur *Jure Sax. feud. c. 7. ein beuante Geding.* Vel incerti, quod nimirum inter plura quæ Dominus habet feuda, primum ipsi aperietur, & appellatur *ein Zerkeln / ein unawill Geding*; Tum quoad formulas & distinctos conditionis existitæ casus, qui si generali locutione comprehendantur omnes, quolibet eorum existente effectum sortitur promissio. *2. feud. 35. Schrader. de feud. p. 3. c. 1.* Si verò certus casus exprimitur v. g. si vasallus possessor decesserit sine liberis; alio autem modo feudum revertatur ad Dominum, sorte propter feloniam commissam, tunc quaeritur: An conditio possit dici extitisse. *Q.* ita ut Dominus obligatus sit ad feudum tradendum? Putat quidam *Cöler. vol. 1. conf. 26 & Herm. vult. lib. 1. feud. c. 7. n. 52.* quod sic 1. Quod vasallo non relictis heredibus feudalibus moriente, impleatur illa conditio, licet is antea propter delictum e. g. feudum amiserit. Licet enim vasallus tempore mortis feudum non possederit, tamen sufficit quod Dominus, in cujus arbitrio positum est vasallum feudo private, possideat: Et Quemadmodum si vasallus tempore mortis sine liberis decedat, feudum sub conditione ista cedit investito, etiam si alius eo tempore illud feudum possideat siue detinet, ita investito multo magis cedere videtur, cum eo tempore ipse Dominus, qui investituram facit, in possessione feudi reperiatur. Imò quoniam stat per Dominum, quominus conditio illa specificè adimpleatur, idè idem est ac si specificè adimpleta fuisset. 2. Quod nemo ex facto alterius prægavari debeat. Id quod tamè fieret, si investitus feudum propter delictum vasalli non acciperet. 3. Quod casus specialiter expressus alias dicatur continere etiam eum casum, qui simili modo se habet ut expressus. Verum negativa sententia, quæ etiam in praxi valet, & teste ipso Voltejo in judicando observanda, verior est, Non tantum, quod conditio specialis adjecta debeat in forma specifica adimpleri; Nunc autem non impleatur in forma

specifica, seu ex alia, quàm mortis causa, domino aperto, sed
 potius deficit conditio; verum etiam, quod hæc investitura
 quodammodo contra rationem & leges sit introducta ulu &
 consuetudine; quocirca de casu ad casum similem non exten-
 denda. *arg. l. quod non ratione: 39. ff. de LL.* Nisi tamen ex liti-
 ris investituræ vel aliunde appareat, concedentis feudum
 mentem fuisse eam, ut sub casu expresso voluerit alium compre-
 hensum *arg. c. 6. vers. nisi de intentione. de rescript. in 6.* Et hanc ne-
 gativam opinionem approbant etiam Jus Saxon. *cap. 5. Lehn-
 recbt. vid. Masb. d. Afflict. n. 3. Harem. Piss. p. 2. q. 25. n. 37. Schrader.
 de feud. p. 3. c. 2. n. 50. Masb. Berlich. concl. 54. p. 2. & Carpz.
 p. 2. consl. 45. def. 3.* ubi tale habet præjudicium: Do aber dennoch
 wegen einer sonderbaren feloniz und Begünstigung des Besizers
 ehe und zuvor derselbe ohne Kinder verstürbe / und also die Con-
 ditio erfüllt würde / das Lehngut dem Domino an / ihm si-le und
 apert würde &c. So möchte gedachter Lehnherr auch mit dem-
 selben würcklichen zu belehen nicht gedrungen werden. *B. N. W.*
 Ad Vultejia. rationes respondemus, & quidē ad primam. Quod
 non tam in considerationē veniat hic an Dominus in pōte-
 ne feudi sit, an verò alius, sed an conditio promissioni adjecta sit
 adimpleta, quod simpliciter negamus, siquidem hoc modo non
 per mortem vasalli, qui liberos masculini sexus non reliquit,
 feudum sit apertum, quod tamen secundum mentem investien-
 tis fieri debuisset, sed alio modo. Ad secundam verò resp. quod
 conditione non eveniente nullum jus radicatum vasallus sit
 consecutus, quocirca etiam facto vasalli possessoris non poterit
 gravari. Tertiam seu ultimam quod attinet Vultejirationem,
 respondemus, quod ad præsentem quæstionem nequeat appli-
 cari, cum hic non sit similis ratio casus expressi & non expressi.
 Nam si dominus concedens feudum sub conditione si vasallus
 possessor, herede feudali non relicto, decesserit, non simpliciter
 in casum cujuslibet aperturæ feudum concessisse, sed potius jus,
 ex feloniam commissam sibi competens, integrum reservasse intelli-
 gitur. Quid verò dicendum, si vasallus sine heredibus quidem
 feudalibus decessit, uxore tamen relicta prægnante, an tunc sub
 conditione investitus, quasi extiterit conditio, in possessionem
 sit

sit inducendus? Etsi verò conditio hic impleta esse videatur,
 quia tamen jure receptum est, ut is, qui in utero est, pro nato
 habeatur, si de commodò ejus quæzatur, & incertum sit, an na-
 sciturus sit ex uxore illa prægnante feudi capax, eo usq; hoc o-
 mne differendum fuerit, quousque femina pepererit, atque ita
 jungatur tempus mortis vasalli & tempus partus, & perinde
 habeatur, atq; si intermedium illud in rerum natura nunquam
 fuisset. *diff. Matth. Berlich. p. 2. concl. 54. n. 47. ubi*
Vultejum tanquam asseclam malè allegat. Si ergò nascatur
 feudi non capax, tum intelligitur conditio vasalli mortis tem-
 pore extitisse. Si verò nascatur feudi capax, conditionem tem-
 pore mortis vasalli defecisse dicendum. *Vult. lib. 1. feud. c. 7. n. 53.*
 3 Controvertitur hic à FF. An si vasallus possessor, posteaquam
 alius in casum mortis sine liberis de feudo ipsius erat investitus,
 liberos procreet, investitura illa protinus evanescat? Quod
 ipsum lanè asserendum esse videtur? Deficiente enim dispositio-
 nis conditione, etiam ipsa dispositio deficit. *l. necessarij. 8. ff. de*
per. & com. rei vend. Quæ ipsa tamen sententia procedit, si liberi
 patri superstites fuerint. Siquidem si filii illi ante patrem iterum
 decesserint, tunc perinde habetur, ac si nunquam nati essent, &
 hoc modo investitura reconvalescet ac rata erit. Fallit autem
 quando investitura facta est simpliciter in calum mortis vasalli,
 sub conditione, si sine liberis decesserit, tunc enim investitura
 propter liberorum supervenientiam non infirmatur,
 eò quod nihilominus fieri queat, ut vasallus sine liberis moria-
 tur. Et hæc opinio nostra convenit etiam cum jure Saxonico,
 uti textus est expressus in *Lehnrecht cap. 20. ibi.* Wan der Sohn nach
 des Waters Todt lebet also lang, daß man seine Stimme gehören
 mag in den vier Wenden des Hauses / so ist er beerbet mit seines
 Waters Lehen / und hatt es enisüßet allen denen, die Bedinge da-
 von haben. Idem probatur in *cap. 72. in med. vers.* stirbet ein Mann.
vid. Herm Vult. lib. 1. de feud. c. 7. n. 30. Schmid. de feud. part. 3. c. 2.
n. 20. vers. sit ameneo tempore. Hartm. Piss. d. q. 15. n. 15. & n. seq.
lib. 2. part. 2. Cöler. de c. 88. n. 5. Matth. Berlich. d. concl. 54. n. 46.
& 3. seqq. [c] Contractus enim vel aliz conventiones tempus &
 conditionem recipiunt; Et prius nobis non accipiunt, vel obli-
 gatio.

gationem efficacem producant, quam tempus venerit, vel conditio extiterit. *l. un. in fin. ff. qn. dies usu fr. l. 2. §. 6. ff. quod certo loc.* [d] Et hoc quoad Jus commune videtur sine omnidubio esse; Obligat enim promissio Domini heredes; nam ex qua persona quis lucrum capit, eius factum quoque præstare tenetur *l. ex quo persona 149. ff. d. J. l. cum matre. 14. C. d. R. v.* Et cur secularis heres, quod retractare non potuit is, cujus bona suscepit, ut inquit [C]rus in *l. postulante, 44 ff. ad SCtum Treb. Zas. de feud. part. 6. n. 19. Schrad. de feud. p. 3. c. 2. n. 33.* Jus v. Saxonicum, præsertim vetus, hoc non admittit; in *cap. enim 59. Lehnrecht* dicitur: *Alle Lehen ohne Gewehr darben der folge.* Et in *cap. 5. ibi:* *An dem Bedinge, daß fürder keine folge* Nec non in *cap. 11. in verb.* *dem mag er nicht gefolgen an einen andern Herrn ob der erste stirbet &c.* Quod ipsum tamen jus hodie non amplius observatur, quasi abrogatum per *Nov. Constit. Elect. Aug. 45 part. 2.* secundum quam etiam teste *Hartm. Pisl. p. 2. lib. 2. q. 26. n. 17.* jam dudum responsum ac Q. judicatum fuit. Quæritur autem. Anne tunc etiam heres investitoris teneatur adimplere investituram, quando in literis concessionis seu expectativæ hæc reperiuntur verba: *Mihi vel nobis Wann sich das Lehn/an uns erledigen wirdt?* Quod rectè affirmandum, propter *l. si pactum. 9. ff. d. probat. l. sinecessarias. 8. §. de vendendo 4. ff. de pign. act. putat Berlieb. c. concl. 54. n. 5.* Quia idè videm⁹ in stipulatione fieri, quæ licet sit stricti juris, tamè non ita videtur coarctata ad personam stipulatoris & promissoris, ut non etiam heredes comprehendat, licet illorum non fuerit facta mentio *l. stipulatio ista 38. §. sicut autem. 5. in fin. ff. de V. O. Diff. Matth. de Affiliis. in c. 1. tit. succ. feud. sen. n. 49. Cöler. d. dec. 88. n. 3.* Imò etiam si in investitura dictio taxativa tantum fuerit adjecta, puta, investimus te de illo feudo pro nobis tantum, vel si illud feudum nobis tantum fuerit apertum, tamen persona heredis exclusa non censetur. Dictio enim hæc taxativa [tantum] excludit solum personas extraneas. *Jason. ad d. l. 38. in pr. ff. de V. O. & Bald. ad l. ult. in fin. C. de aut. emp.* Nisi Dominus in investitura dixerit, dabo teudum, si me vivo, vel nobis vivis aperiatur, wann es bey uns/irun Lehen erlediget wirdt. *Rosenb. tr. de feud. cap. 6. concl. 15. n. 2. in fin. ver. nisi forte* Agnati tamè ex investitura Domini de caducitate feudi

feudi non obligantur; Etenim hi, quia ex pacto antecessorum,
 proptio jure feudum consequuntur, neque à defuncto causam
 habent, utique nec ejus factum præstare tenentur, neque inve-
 stituram ab antecessore factam ratam habere coguntur. Textus
 namque noster loquitur de heredibus. Certum autem est, quod
 nomine tantum filios, agnatos verò neutiquam comprehendit:
 quippe cùm textus feudales filios tanquam heredes semper ab a-
 gnatis distinguere, & eorum separatam soleant habere ratio-
 nem, *vid. Hartm. Piff. q. 26. p. 2. lib. 2. Carpz. p. 2. consl. 45. def. 6* u-
 bi tale præjudicium habet: So viel aber des Lehenherren agna-
 ten und Lehenfolger anlanget, dieselbe seindt auch durch die beider-
 heue Verstreibung des Besahzungsstücks verobligt. *W. R. W.*
Diff. Matth. Cölerp. 1. decis. 93. n. 7. [c] In tantum, ut nec præ-
 stando in eresse liberentur: modo facultatem feudi præstandi
 habeant *ca. si facta. si. feud. def. content. sit. 2. feud. 26. c. 1. post præst.*
si de invest. feud. contr. fuerit. Licet diff: Matth: Berlieb. d.
concl. 53. n. 60. cum Andr. de Isern. in c. 1. §. si facta. tit.
si de feudo def. n. 1. Z. si d. feud. p. 6. n. 12. S. Myz. sig. cent. 4. obs.
n. 14. pro quib^{us} nihil facit, quod Dominus investituram tantum
 promissit, non vero realiter investivit. Nam illud ipsum quod
 promissum, & in obligatione est, si præstari potest, omninò præ-
 standum. Ad reliquas autem rationes ejus in conflictu, data
 occasio respondebimus. Quæritur autem hic 1. Anne is, qui
 de caducitate feudi est investitus, possit eveniente conditione,
 & possessore feudi sine heredibus masculis decedente, propria
 auctoritate occupare possessionem feudi? Et respondendum esse
 ducimus distinguendo: Aut possessio Feudi est vacans, & non
 dumò Domino apprehensa. Aut jam Dominus in feudi pos-
 sessione est constitutus, Priori casu potest investitus propria au-
 thoritate feudi apprehendere possessionem, tàm de jure feudali
 Communi, quàm Saxonico, ut patet *ex cap. 7. & 10. Lehnrecht*,
 ubi hæc leguntur verba: das Gut das den erst ledig wird, daß soll
 sich der Mann unterwinden / es sey gleich mehr oder minder;
 Wenn aber der Herr sich wegete solch Gut anzuweisen / als er es
 ihm gelihen hat / der Mann unterwindet sich anders wo solches
 Guts / wo es seinem Herrn ledig sey / ohne Anweisung. Sie etiam
 in cap. 57. dicitur. Unterwindet sich auch jener / dem eine Erwar-

rung oder Bedinge geliehen ist eher denn der Herr/ er missethuts da-
 ran nicht. Cum enim Dominus jus succedendi tribuerit, videtur
 etiam concessisse, ut possessionem feudi, perinde ut alius succes-
 sor feudalis, propriâ autoritate apprehendere liceat. *Dn. Struv.*
diff. feud. 7. lib. 7. in exeg. Posteriori verò casu non, sed si hoc fe-
 cisset feudum amitteret. *c. 1. §. si duo. de pac. tenend. 2. feud. 27.*
vid. Marti. de Affict. adh. text. n. 28. Gail. lib. 2. obs. 152. n. 1. &
Q. Schrad. de feud. part. 5. c. 2. n. 16. 2. Controvertitur: Si duo vel
 plures de feudo vasalli adhuc viventis in casum mortis sint in-
 vestiti, uter alteri sit præferend⁹? Ad quâ quæstionē iterū putat
 esse respondendum distinguendo: Aut neuter investitorum nil
 in possessione constitutus feudi, & tunc regulariter est habes-
 dus potior is, qui primus investituram impetravit, ad exemplum
 venditionis, in qua re duobus venditâ, is præfertur, cum quo
 primò fuit contractum *l. in operis 26. ff. locat. ita tamen, ut Do-*
minus teneatur secundo ad interessē, quo vel pecuniam feudo
æquivalentem solvat, vel aliud feudum consimile partisque es-
timationis præstet c. 1. in fin. nbi FF. de nov. form. fidel. 2. feud. 2. &
in fin. Lehnrecht. Aut unus ex iis possessionem nactus est, & hic
 procul dubio potior debet esse illo, qui simplici investitura donat⁹
 tur, etiam si posterior sit. *arg. l. quoties. 15. C. d. rei vind. c. 37. Lehn-*
recht ibi: Wer die rechte Gewehr an einem Guse hat / der soll ad
mit mehrren Rechte behalten denn jener / dñr rechten Gewehr dar-
bet. quia habens jus in re potior est eo, qui solum jus ad rem & a-
 ctionem personalem habet *vid. Schrad. c. feud. d. part. 5. c. 2. n. 19.*
& Hartm. Pistor. d. part. 2. q. 26. ubi utriusque membri limitatio-
nes adhuc tradit. n. 3. & n. 28. cum seqq. Ulterius disceptatur inter
 Q. F. F. An si mortuo vasallo quis, qui prætendit jus successionis, fe-
 du possideat, Domin⁹ teneatur expellere eū, & suis sumtib⁹ illi
 agere, an verò hoc casu cedendò actionem liberetur? Quod po-
 steriùs cum *Hartm. Pistor. d. lib. 2. q. 25. n. 25.* rectè approbat *Em-*
lib. d. c. 54. n. 61. Promissio enim facta est à Domino in casum
 caducitatis feudi; quando igitur quis adest, qui jus succedendi
 prætendit, in dubio adhuc est, an Domino sit apertum feudum,
 quocirca controversia hæc, ut decidatur, ille curare debet, qui
 vi expectativæ in istum casum concessæ vult succedere, & ut
 Domin⁹

Domin⁹

Dominus ad nihil aliud tenetur, quam ad cedendam actionem,
 qua possit agere contra possessorem is, cui promissio facta est.
 4. Quæritur, quid juris, si possessor feudum alienet? Resp. di-
 stinguendo: Aut alienavit cum consensu Domini; Aut sine
 illo. Priori casu alienatio quidem subsistit, sed Dominus ad in-
 teresse tenetur. Posteriori vero casu feudum propter alienatio-
 nem illicitè factam Domino aperitur, qui propter suam genera-
 lem promissionem illud postmodum vasallo dare tenetur. [f]
 Quamvis enim hoc proprium sit legatorum, ut ea sub condi-
 tione, vel in diem incertum relicta, legatario ante conditio-
 nem vel diem mortuo, in heredes non transeant *l. 1. §. cum au-*
tem. C. de cad. toll. l. 1. l. 12. ff. qu. dic. leg. Tamen in contractibus
 regulariter obligatio ex conventionione proveniens, quæ compe-
 tebat defunctore vel spe, transit ad heredes, licet dies & con-
 ditio non extiterit. *§. sub conditione. 4. Inst. de V. O. l. Veteris C. de*
contr. & comm. stip. l. si quis. §. Titius. d. V. O. Nunc autem promissio
 ex speculativa, de qua hic sermo est, propius accedit ad con-
 tractus, quædam ad ultimas voluntates. Et hoc in tantum verum, ut
 etiam si in promissione heredum non fuerit facta mentio, nihilo-
 minus procedat; *arg. l. 13 & ult. C. de contr. stip.* Ubi Justin. veteris
 iuris alterationes decidens, generaliter sanxit, omnem pro-
 missionem, sive in dando, sive in faciendo, sive mixta in dando
 & faciendo inventatur, & ad heredes, & contra heredes trans-
 mitti, sive specialis heredum fiat mentio, sive non. Curenim.,
 quod in principalibus personis iustum est, non ad heredes & ad-
 versus eos transmittatur; eum una & eadem persona reputetur
 esse heredis & defuncti; *id. Schenck Baro ad n. text.* Et licet ius
 Saxonicum ab hoc jure divortium facere videtur in *c. 11. Lehn-*
rechts in verb: Welch Gut ein Mann in seinem Gewehr nicht hat
und hne nicht angeworfen ist. dem mag er nicht gefolgen an einen
andern Herrn / ob der erste stirbt / noch auch geerben an seinen
Sohn. Et in cap. 26. vers. an Angefell / ibi: Das ist keine Folge
an / man erbet auch nicht an die Söhne. Alios textus juris Saxon.
 adducit *Harim P. d. q. 11. n. 33. & seqq.* Tamen illud usu non
 esse receptum testatur *Möller. add. const. 45. Matth. Berlich. d.*
loc. n. 43. & Carpzov. d. c. 4. c. d. fin. g. n. 5. Ex jam dictis autem sub
 M 2 nasci-

Q. nascitur Quæstio: An si expectativa ultimâ voluntate per legatum alicui fuerit relicta, etiam transeat ad ejus heredes? Resp. verò quod sic. Cum enim feudum vivente possessore altâ ratione legari nequeat, quam sub conditione si aperiatur, ideo legans, qui non potuit purè relinquere, videtur solum propter naturam rei legatæ conditionem adjecisse. Nunc autem tradunt Dd. quod, si conditio proveniat ex ipsa rei legatæ natura, aut ita sit comparata, ut legatum sine ea non possit valere, suspendatur quidem obligatio, non tamen impediatur legati transmissio. *vid. Dn. D. Struve d. disp. feud. 7. th. 8. ubi Fr. de Barry Oper. de succ. test. ac intest. lib. 20. tit. 11. § 12. allegat. [g]* Et hanc sententiam, tanquam veriolem, licet falsò ac erroneè, approbat etiam GL hic, mota duplici ratione 1. Quoniam tale feudum debuit amplecti per authorem primum, quòd hic minimè factum est. Igitur nec per heredem debet amplecti, per regulam, quæ vult, quod id, quod non licuit defuncto, non debet heredi licere *l. cum heres ff. d. div. temp. præscript. 2.* Quod hæc opinio ultimo loco in textu nostro sit posita, & per consequens pro vitiori habenda, Sed resp. ad 1. Regulam illam procedere in iis, quæ ratione vitii vel turpitudinis non licent defuncto, vel etiam propter factum proprium, ea enim nec heredi debent licere: Fallit verò in iis, quæ non licent defuncto ratione temporis vel conditionis, tum namque licitum est heredi, quod non licuit defuncto *arg. l. reperitur ff. ad L. Falc.* Ad 2. rationem GL respondemus. Hoc in more positum esse autoribus Juris feudalis, ut opinionem reprobata[m] ultimo loco collocare soleant, ut patet ex cap. 1. de eo qui sibi & heredi, *snia. 2. feud. 17. § c. 1. §.* Similiter de Cap. Conrad. 2. feud. 40. Nisi vel ipse textus, vel subjecta materia, aliud suadeat. *Rosenb. c. 7. concl. 35. [h]* Quia feudum, quòd a fallus habet, non potest ipsi auferri, & alteri concedi, quapropter necesse est concipiatur promissio in eum casum, quo valet illud ejusve heredes desinunt feudum habere. *Berlich. d. p. 2. concl. 54. n. 44.* Et hoc adeo verum, ut etiam si possessor sine fibris decesserit, non tamen investitura purè facta accipiat robur, nec Dominus inde obligetur, quia quod initio non valet, illud etiam temporis non potest convalescere *l. quod ab initio 29. ff. de R. J.*

Scienc.

Sciendum tamen est, non tam verba, quam mentem inspiciendam, & sic licet verba videantur purè concepta, appareat tamen mens promittentis Domini, ut & acceptantis promissionem, in futurum casum directa, effectum tunc ista capiet investitura *arg. 2. feud. 26. §. 2. & §. si quis 2. feud. 27. (1)* Et Ratio est, quod Episcopi & præfules Ecclesiarum præsentium tantum rerum, non etiam post mortem suam gerendorum habent administrationem *c. fin. 12. q. 1. & c. 2. d. donat.* Et qui in ipsorum loca substituuntur, non successionis jure, sed vel postulationis, vel electionis, & sic novo titulo & novo jure ad illam dignitatem sive officium adscendunt. *cap. ad decorem. de Insist. & cap. 1. de prebend.* Nisi 1. is, qui investituram accepit, nomine ejus feudi in possessionem missus sit, eo consentiente, qui detinet. Nam tunc successor Prælati hanc investituram ratam habere tenetur, ut patet ex *d. cap. 1. 1. feud. 3. 2.* Nisi in investituram consentiat Capitulum. Tunc enim contractus ab Episcopo celebratus realis quasi sit, atque adeò successorem etiam obligat. *Vid. quæ supra tradita sunt ad tit. 3.* Quæritur autem insuper: Utrum necesse sit consensum Capituli mox ab initio intervenisse, an verò sufficiat ex intervallo accessisse? Prius videtur asserendum, quoniam regulariter, ubicunque consensus alicujus ad solennitatem negotii requiritur, præsertim quando alioqui sine consensu isto actus nullus foret, tum necesse est, ut consensus eo tempore, quo actus geritur, interveniat. neque sufficit eum postea ex intervallo accedere. Nunc autem ista investitura, ab Episcopo facta, nulla est, nisi accedat Capituli consensus. Verùm contraria sententia verior est. Cæcum enim est, investituram hanc, de bonis infeudari solitis factam, etiam sine Capituli consensu fieri posse, juxta *cap. 1. qui success. teneant. 1. feud. 3.* Non igitur hoc casu consensus Capituli solennitatis gratia requiritur, sed imò tantum adhibetur, ut non solum Prælati, sed etiam capitulum, cujus maximè intererat, obligetur, atque hac ratione investitura, quæ morte Prælati alioqui expiraret, ex obligatione Capituli, cui Prælati præjudicare non potuisset, etiamnum subsistat, id quod cum ipsa substantia actus à Prælato gesti ejusdemque solennitate, nihil habet commune. Ex quibus simul

patet, quid ad fundamentum contrariæ opinionis sit respondendum, nimirum illud huc non posse recte accommodari, sed potius invertendum esse hoc modis; quotiescunque consensus alicujus non auctoritatis vel solei unitatis gratia, sed idcirco requiritur, ut ejus, cujus etiam intererat voluntas accedat, nève ei invito præjudicium inferatur, toties nihil refert, quo tempore voluntas sive consensus adhibitus fuerit. Atqui verum præter E & posterius. *Vid. Harim. Pist. lib. 2. q. 27. n. 37. & a. seqq. (k)* Precaria, teste *Vossio d. vir. Serm. lib. 3. c. 37.* dicitur etiam præstaria. Utrumque rectè & quidem præstaria respectu Episcopi vel Abbatis, qui præstabat hoc & concedebat jus utendi fruendi, ex positis legibus, quibus daret. Precaria autem dicitur respectu ejus, cui ad preces ipsius hoc jus concedebatur & consummaturum promittebat. Alias inter precariam, & precarias sunt constituunt differentiam. Quod hæc sint usus fructus quidam ad preces concessus illi, qui Ecclesie rem suam donavit, vel in illa sola, vel etiam in aliis rebus Ecclesie, sive mobili sive immobili, de quinquennio in quinquenarium renovandus, & ad heredes transiens. Illa verò concessio usus vel ususfructus eâ lege, ut si qui rogavit tamdiu utatur fruaturve, quamdiu vivit, qui concessit, quæ facta ab Ecclesiastica persona de bonis Ecclesie non potest obstringere successores in beneficio, *Hostiensis in sum. ad tit. d. precar. col. 1. & Petr. Gregor. Tholos. lib. 23. Syntag. c. 2. n. 4. & seqq.* qui tamen n. 4. aliam videtur fovere sententiam. Non Q. a. conveniunt inter se Qd. Cuinam tempori origo & introductio precariarum sit adscribenda? *Beatus Rhenanus lib. 2. rer. Germ. ad tempora Clodovei Francorum Regis refert.* Alii ad tempora Urbani Episcopi Romani, qui anno Christi supra ducentissimum vigesimo septimo Pontificatum laur, originem harum, referunt. Unde quoque *Polyd. Virgil. lib. 6. de invent. rer. c. ult. circ. fin. Scribit:* Hunc decessisse primum, ut sacerdotibus res immobiles à religionis amatoribus donatas traditasque accipere, non verò jure proprietas habere; sed potius ad communem omnium utilitatem tenere licet. Rectius tamen origo precariarum ad Leonem & Anthemium Imp. qui quatuordecim annos ante Clodovei tempora ad gubernacula sedere, teste *Helipico in thes. hist. 1* adscit.

QUoniam eo tempore, quo de feudi successione agitur, sæpè solet esse contentio inter Dominum feudi, & eum, qui jure succedendi [de quo in *tit. 8. actum est*] juxta investituram abusu-
vam uti vult, ideo ostenditur nunc in nostro *tit.* quomodo illa
contentio ac controversia sit dirimenda. Qua ratione autem
hic *tit.* discrepet à *tit. 4. supra* ostensum est.

T E X T U S.

SI contentio fuerit inter Dominum & fi-
delem de investitura feudi (a) per pares
Curie (b) dirimatur. (c) Alii enim testes
et si idonei sint, (d) admittendi non sunt, (e)
inopia tamen probationum dirimatur per
religionem clientuli possessoris feudi, (f) vel
cum duodecim Sacramentalibus secundum
quosdam; (g) Cæterū si, Dominus possideat,
(h) etiam per suum jusjurandum cum 12. Sa-
cramentalibus dirimatur: (i) Hoc ita nisi cli-
entulus sit gastaldus vel actor Domini, tunc
enim tantum suæ, id est, Domini religioni
statutur: nisi habeat testes pares idoneos (k)
Nam aliquando malignando multa bona
auferuntur Domino hoc modo. (l) Et hoc
colligitur per legem, quæ est in titulo de ac-
quisitione actorum Regis in Lombarda (m)
Idem dicendum est de Guardia.

ELABO-

ELABORATIO.

(a) Scilicet novi. Nam antiqua investitura, hoc est, quæ de veteri beneficio fit à Domini successore, vel quæ sit vasallo successori, per extraneos exceptis fœminis probari potest *c. 11. in fin. j. qui testes sint neceff. ad nov. invest. prob. 2. feud. 32.* (b) Et quidem ad minimum duos, qui investituræ interfuerunt *1. feud. 2. & 2. feud. 32.* In tantum, ut si absentes fuerint, sint expectandi *c. 1. vers. ne dicatur. de consuet. rell. feud. 2. feud. 33.* Nec obstat *c. 1. §. 1. verb. etiam. si de investit. int. dom. & vnf. lis oriat. 1. feud. 26.* Quia ille textus est accipiendus de eo casu, quando pares curiæ planè absunt, hoc est, non sunt, vel sunt quidem, sed compelli nequeunt, ut deponant. Hodierne tamen usu, quoniam subscriptio parium in literis seu instrumeto super investitura confecto non amplius desideratur, teste *Schneider. p. 4. epit. feud. n. 29. Schulz. in synops. feud. c. 12. n. 53.* ad probationem investituræ pares curiæ præcisè non sunt adhibendi, sed literæ investituræ sufficiunt. (d) Tanquam per testes: Nec obstat 1. Quod pares curiæ inter Dominum & vasallum mota de feudo controversiâ judices esse debeant, *c. 1. §. præterea si sint. de prob. feud. alien. per Frider. 2. feud. 55 c. 1. de contr. feud. appar. term. 2. feud. 16. c. 1. §. 1. de alienat. feud. patern. 2. feud. 39.* & per consequens Testes esse non possint. Siquidem nemo potest & testis & judex esse *l. ille à quo. 13. §. intempestivum. 4. ff. ad Scl. Treb. l. illicitas. 6. §. veritas. 1. ff. de offic. præs. Verum sciendum, illud, quod hîc dicitur, esse accipiendum de eo casu, quando tantus suppetit parium numerus, ut ex illis & gestæ rei testes & controversiæ etiam judices haberi possunt. Si verò tam pauci essent pares, ut numerus illos, quos testes esse convenit, non egrediatur, necessario testimonio se integros reservabunt, judicis officium aliis relicturi. *vid. Alvarotti. hic. n. 3.* (c) Quoad sexum videlicet, famam & existimationem, ætatem vel alias qualitates, quæ à testibus, ut pro idoneis haberi queant, à Jure desiderantur. (d) Fallit tamen hoc 1. In feudis Ecclesiasticis *c. 1. §. in clericorum. si de invest. int. dom. & vasall. 1. feud. 1, 26,* ubi simul hujus exceptionis ratio redditur, 2. In*

N

terra

terra Mediolanensi, ubi probat breve testatum, super feudi novi investitura factum, duobus vel tribus etiam extraneis testibus subscriptum c. 1. *qui testes sunt necess. ad nov. investit. prob. 2. feud. 32. 3.* Quando pares testimonium ferre nolent, nec Dominus eos cogeret, tunc etiam per extraneos probatio fieri posset 4. Si pares coram quibus investitura facta est, mortui essent, Alias limitationes vide apud *Sensb. p. 15. n. 2. & aliquot. segg.* (e) Propter inopiam enim probationum etiam de jure civili recurrimus ad aliud consilium, ita ut si testes adfuerint, debeat fieri probatio per eos, si autem deficiunt, recurramus ad subsidium juramenti. l. *admonendi. 31. ff. de jurej. & c. cum de electis. X. d. elect.* (f) Hoc procedit tunc, quando per annum clientulus seu vassallus in possessione, sciente & non contradicente Domino fuit. Possessio enim hęc corporalis præsumptionem pro vassallo parit, cum alias jura dicent, meliorem esse conditionem possidentis l. 1. *ff. de Salu. interdict.* (g) Horum opinio tunc vera est, quando vassallus annali spatio in feudi possessione non fuisset §. *sin. de consuet. rell. feud. 2. feud. 33. §. ult. si de investit. int. dom. & vassall. lis orat. 1. feud. 26.* Q. (h) Occasione horum verborum queritur à FF. An etiam eo casu, quo vassallus investitus possidet, & de investitura nulla est controversia, Dominus quoque feudum possideat? statuunt quidem nonnulli, inter quos est *Conan. lib. 3. comm. cap. 5. Valasceus de jure Emphyt. tit. d. div. quæst. 9. 18. n. 6.* Dominum non possidere ipsam rem feudalem, alteri jure feudi traditam, sed tantum rem incorporalem, sive jus ratione feudi ipsi competens. Atque utuntur hoc fundamento, quod duo unam & eandem rem in solidum possidere nequeant l. *possideri. 3. §. ex contrario §. ff. de acquir. vel amitt. poss.* Verum erronea est hæc opinio; Si enim Dominus uti potest interdicto uti possidetis, & mediante eo possessionem suam civilem defendere, utique rem ipsam feudalem revera possidet, & non tantum jus in re. Atqui verum prius, juxta ipsum diss. *Valasceus d. q. 18. n. 8.* & ea quæ habet *Rosenb. d. feud. cap. 12. §. 1. m. & Ludov. Possius de manuten. sive summa possess. observ. 16. n. 41.* E. etiam verum erit posterius. Ratio connexionis est, quia interdicto Uti possidetis de fundi vel ædium possessione contenditur; §. *retinenda 4. Inst. de interd. vers. sed*

inter-

interdicto. Deinde negari nequit, quod Dominus rem suam alteri in feudum concedens retineat animum rem sibi habendi; non enim in ea est intentione, quod re sua se ipsum quasi privare velit. Nunc autem possidet civiliter qui habet affectionem, & animum rem sibi habendi *l. 17. §. 1. ff. d. acq. vel amitt. poss.* Statuimus ergo Dominum feudi non tantum habere dominium directum rei feudalis, quod ipsum est sine dubio, sed etiam possessionem civilem. Quemadmodum enim is qui alteri usufructum in re sua constituit, rem illam adhuc civiliter possidet *l. 12. pr. l. 49. l. acq. vel amitt. poss. fin. ff. uti poss. junct. l. 20. §. fin. de acq. rer. dom.* ita etiam Dominus rem suam alteri in feudum concedens. Nec obstat huic sententiae quod supra à diss. ex d. l. 3. §. 5. d. d. *vel amitt. poss.* est allatū, quod videlicet duo unā iō in solidū possidere nequeant. Illud n. ita intelligendum est, quod duo uno eodemque respectu, aut eodem possessionis genere non possint simul in solidū possidere. Atqui Dominus alio modo possidet rem feudalem, nimir. civiliter, alio modo vasallus, videlicet naturaliter, id quod infra prolixius demonstraturi sumus. (1) Et hoc ex jure feudali singulare est. Jure enim civili iniquum est de facto alieno jurare nomine aliorum, ut videre est ex *l. Marcellus. 11. §. 2. ff. rer. amor. & jusjurandum inter alios præstitum tertio nec nocet, nec prodest. l. 10. ff. simulier. vent. nom.* Dicuntur autem hi Sacramentales à Sacramento, id est, juramento. (Unde etiam in legibus Longobardorum juratores vocantur, ex quibus Longobardorum Legibus occasio huic consuetudini in feudis recipiendæ data esse videtur, ut scilicet Sacramentales illi sive juratores in plerisque controversiis feudalibus, in quibus ab alterutra parte litigantium jurandum erat, adsciscerentur, & quidem non pauciores quàm duodecim, qui erant partim agnati, partim extranei.) Et juramentum quod præstant, est tantum credulitatis, non veritatis; Confirmant enim suo juramento, ita se rem habere, ut Dominus juravit, videlicet de eo feudo investituram factam non esse. Et hoc procedit si iusta aliqua causa aut præsumptio vasallum juvet, & Domini fidem suspectam reddat; Aliàs possidente Domino, vasallo in probatione deficiente, nullo præstito jurejurando Dominus absolve-

eur §. ult. de consuet. rell. feud. 2. feud. 33. Cùm verò hæc res, ut
 nimirum Sacramentales ex Domini quasi conscientia jurent,
 perjuriis multiplicibus esset exposita, quæ ne committantur,
 magistratus diligenter providere debet, ab illa consuetudine
 adificandorum Sacramentalium paulatim recessum est *teste*
Vult. lib. 2. de feud. c. 3. n. 20. & Schultz. in synops. feud. cap. ult. n.
 (b) Et hoc à Domino jam fuerit probatū, aut alias de eo jam con-
 stet. Quod Si verò Dominus hoc non potuerit probare, vel feudū
 ab initio Guàrdiæ aut Guastaldiæ fuisse, hoc casu vasalli juramē-
 to, si anno, sciente Domino feudum possedit, res decidenda e-
 rit: *et. §. item si vasallus. si de invest. feud. contr. fuer. 1. feud. 4.* Nec
 obstat *c. 1. vers. si verò. de feud. Guard. & Guastald. 1. feud. 2.* ibi e-
 nim confitebatur vasallus, se nomine guardiæ possedisse, & i-
 deò vasallus probare necesse habebat investituram factam; quod
 autem in nostro textu dicitur: (nisi habeat testes pares idoneos;)
 illud intelligendum est de vasallo, qui si per pares certos tan-
 quàm testes idoneos investituram feudi proprii factam esse pro-
 bare potest, Dominus ad juramentū nō admittendum est, ne per-
 jurium committatur, siquidem duæ contrariæ probationes non
 possunt simul esse veræ. (c) Ex hoc textu colligi potest, quod si
 officialis ex paupere fiat dives, præsumtio sit, eum ex bonis Do-
 mini divitias acquisivisse non bono tñulo, id quod suadet
 etiam *l. 7. C. de jure fisci l. si defunctus 20. C. arbitr. tut.* Quæ tamen
 præsumtio est juris tantum, non juris & de jure, atque sic admit-
 tit probationem in contrarium, quod indicare quoque videtur
 postter textus, verbo: *Aliquando.* (d) Est *tit. 17. lib. 2.* Putarem
 autem legendum esse Lombardia, cujus meminit etiam textus
 in *c. 1. §. similiter. de cap. Corrad. 2. feud. 40.* & est regio Italiæ, quæ
 Cisalpina Gallia vocatur; Ejusque fines sunt Apenninus & Al-
 pes, ac quicquid inter Alpes, Benatumque Mintium con-
 tinetur; Metropolis verò in ea est Medio-
 lanum.



DE PIGNORI DATO FEUDO QUID JURIS SIT.

T I T. : XI.

CONTINVATIO.

Vocabulum textus initiale (*Similiter*) ostendit, quomodo hic titulus cum precedenti connecti queat; postquam enim in fine tit. antecedentis dictum, Gastaldum vel Guardianum dicentem, feudum Gastaldie vel Gardie mutatum esse in feudum proprium & perpetuum, ac propterea se investitum à Domino quasi de novo feudo, non esse admittendum ad juramentum, ne in proprium commodum juret. Ideo in hoc tit. nunc subjicitur, propter paritatem rationis idem esse statuentum, si quis velit asserere de pignore sibi dato se investitum esse.

T E X T U S.

Similiter, si quis voluerit dicere de pignore sibi dato se investitum esse, non credatur suo juramento, (a) sed testibus idoneis paribus domus vel curiæ. (b) Insuper sciendum est feudum guardiæ & gastaldie quaecunq; hora vult auferri posse à Domino, scilicet post annum. (c)

N 3

ELA-

ELABORATIO.

(a) Etiam si in pignoratæ rei possessione per annum fuisset. Nec obstat huic nostro textui 1. c. 1. §. *similiter si aliquis. si de investit. feud. contrav. fuer. 1. feud. 4.* Est enim d. §. *similiter*, intelligendus est de eo casu, ubi adhuc in controversia est, an res unquam sit in pignus data, Dominus quidem hoc asserit, sed vassallus negat, ipsiq; contradicit, quocirca Dominus, tanquam agens, probare debet se eam adversario in pignus dedisse, quod si nō faciat, non continuo quidem reus absolvitur, sed jurejurando se defendere necesse habet. In nostro verò textu utrinque constat, rem controversam pignori datam fuisse, atque adeo nulla est pro possessore præsumptio, sed potius contra ipsum, ideòque omninō necesse habet probare titulum possessionis acceptæ mutatum esse, aut, nisi id faciat, causâ cadet, præsumptione pro Domino non pro possessore hoc casu stante. Nec obstat 2. c. 1. *de usu Mediol. 1. feud. 28.* Nam loquitur de herede ejus, qui per triginta annos intra quos Dominus rei pignoris contestationem non fecisset, id est, de pignore protestatus non fuisset, rem possedit; hic enim non tantum propter verosimilem heredis ignorantiam, sed etiam quod verosimile sit Dominum omisurum, protestationem non fuisse; si pignoris duntaxat titulo adversarij possideret, ad juramentum merito admittitur. Textus verò noster agit de eo, cui ipsi res pignori data est, & de qua ipse postea dicit se investitum esse. (b) Aut etiam per breve testatum. Per testes autem idoneos hic intelliguntur Mares. Nam licet fœminæ etiam feuda obtinere, *tot. tit. d. feudo fœmina. 2. feud. 30.* & in omnibus causis tam civilibus, quàm criminalibus testes esse possunt *L. ex eo. 18. ff. de test.* Jure tamen feudali semper requiruntur mares. c. un. *vers. de veteri autem. infin. qui testes sunt necess. ad nov. invest. 2. feud. 23.* Quod à non nullis Interpp. limitatur quoad fœminam illustrem feudum habentem, quæ cum judicare & in causis cognoscere potest, testis etiam esse poterit, Schneidew. *in epit. part. 9. cap. 1. n. 20.* Obrecht. *sr. de feud. lib. 4. cap. 10. n. 134.* Vult. *d. feud. lib. 2. cap. 3. n. 25.* Rittersb. *part. feud. lib. 2.*

lib. 2. c. 10. q. 3. (c) Vid. ea quæ sup. ad *lit. 2.* tradita sunt. Quæritur Q. verò hic. Utrum Dominus post annum non præviâ sententiâ feudum guardiæ vel gastaldiæ iterum auferre possit? Respondendum autem ducimus distinguendo: Aut de Jure Domini prorsus nulla est dubitatio, sed apertè constat ad annum tantum & non ulterius feudum ab ipso esse concessum; Aut jns Domini aliquatenus adhuc dubium est, & à vasallo negatur. Priori casu sententia privatoria non est necessaria; Nam tempus limitatum terminatur per suam extremitatem *l. 3. ff. de cond. & dem. l. si. cum teneres. C. locat.* Cautius tamen faceret Dominus, si & hoc casu judicis vel magistratus adhiberet authoritatem. Posteriori verò casu omnino necesse est, ut sententia feratur. *arg. c. 1. de feud. sine culp. non amitt. r. feud. 21. c. fin. quo temp. miles. r. feud. 22. vid. Alvarott. ad b. text. n. 2.*

DE CONTENTIONE INTER ME ET DOMINVM DE PORTIONE FEUDI FRATRIS MEI DEFUNCTI.

T I T : XII.

CONTINVATIO.

Faciunt quidam FF. inter quos est Andr. d. Isernia, ex hoc & titulo explicato anum, propter verba, quæ in textu reperiuntur relativa, (nisi propter prædictam rationem.) Verùm rectius majoris perspicuitatis & intelligentiæ causâ, & quod de diversis planè materiis agant, *Gl. Alvarottus* & alii divisionem & separationem agnoscunt. Connecti autem potest hic titulus cum præcedenti hoc modo: Actum est in præmissis de contentione inter Dominum & vasallum super investitura totius feudi cont-

troverſi. In hoc tit. verò tractatur de contentione inter Dominum & vaſallum occasione ſucceſſionis in parte feudi poſſeſſi per vaſallum defunctum.

T E X T U S.

SI contentio fuerit inter me & dominum de portione feudi fratris mei defuncti, (a) dicendo paternum eſſe, & ſic me debere ſuccedere, (b) ille verò minime, tanquam habuerim partem meam: (c) ſive poſſideo, (d) ſive alienavi, dabitur mihi juſjurandum, ſcilicet patrem meum jure inveſtitum fuiſſe: (e) licet non poſſideam portionem fratris mei. Si verò nullam partem habuero illius feudi, (f) nec mihi, nec Domino dabitur juſjurandum, (g) niſi propter ſupra dictam rationem Domino, (h.) non, ut ego propter hoc aliud meum feudum amittam. (i) Si tamen vaſallus poterit probare paternum fuiſſe, ſive poſſideat, ſive non, obtinebit: (k) alioqui niſi probet paternum fuiſſe, vel poſſideat, Dominus obtinebit. (l)

ELABORATIO.

(a) Diximus ſupra *ad tit. 5. verſ. praterca.* fratres inter ſe dividere poſſe feudū etiā non conſentiente Domino, quibus hic
addi

addi potest, adhibendam esse distinctionem inter feuda regalia & non regalia seu inferiora. Illa enim regulariter divisionem non recipiunt, sed in illis solus primogenitus succedit *cap. 1. §. praterea. de probib. feud. alien. per Frideric. 2. feud. 55.* Nisi tamen consuetudine aut statuto loci aliud sit introductum. *Curt. Jun. in 17. feud. 4. par. 2. n. 121. & 122. Gail lib. 2. obs. 159.* vel Dominus feudi consentiat, ad quem consensum præbendum impelli potest, si bellum aut discordia, vergens in detrimentum subditorum, orta fuisset, vel probabiliter timeretur, ne inter illos bellum vel discordia oriretur. *Alex. conf. 7. & 25. lib. 5. Socin. conf. 68.* plures limitationes infra tradam ad d. §. praterea. Hoc autem insuper hic monendum, quod, si inter descendentes vasalli feudi divisio facta sit, ea non solum obliget dividentes, sed etiam posteris eorum præjudicet, ita ut ipsi quoque teneantur illam servare. *Schrad. de feud. p. 8. cap. 2. n. 38.* [b] Sensus horum verborum est talis: Dominus verò dicebat, minime esse feudum paternum, sed novum, & vasallum partem suam per novam investituram accepisse, & per consequens eum non posse succedere in parte fratri sui, juxta §. 2. de Success. feud. 1. feud. 8. c. un. de benef. fratr. & qual. frat. in benef. frat. succ. 1. feud. 20. [c] Occasione horum verborum quaeritur à FF. Quid modo seu qualiter vasallus feudum seu rem feudalem possideat, civiliter vel naturaliter, aut utroq; modo simul? Primam opinionem fovet Bald. Ultimam Conan. lib. 3. com. jur. civ. c. 10. Nos mediam arripimus sententiâ moti r. tali ratiocinio: De quo non potest prædicari quod opinione domini seu animo sibi rem tanquâ omnino propriâ habendi teneat, de illo etiam non prædicari potest quod civiliter possideat. Ratio connexionis est; Quia civilis possessio est jus insistendi rei opinione domini. l. 1. §. 3. l. 3. §. 3. ff. de acq. vel amitt. poss. l. 67. ff. de furt. l. 37. ff. d. pign. act. Atqui de vasallo prædicari nequit, quod ipsam rem feudalem teneat opinione aut affectu Domini; Scit n. proprietatē seu dominium directum esse Domini feudi. E. civiliter rem feudalem nō possidet. E contra, quicumq; jus habet insistendi rei citra tamē affectionē Domini, ille naturaliter possidet. l. 3. §. 1. de pign. act. l. 16. de l. usucap. Tale jus autem habet vasallus. E. 2. Supra demonstravimus, quod Dominus feudi

rem feudalem civiliter possideat. Ergo vassallus non potest eandem civiliter possidere; siquidem duo unam & eandem rem uno modo ac possessionis genere possidere nequeunt. *d. l. 1. ff. ex contrario. §. ff. d. acq. vel amitt. poss.* Hoc tamen dicimus, vassallum jus in re feudali sibi constitutum à Domino feudi quasi possidere civiliter, & hanc quasi civilem possessionem conciliare cum naturali, exemplo emphyteutæ, qui jus in re sibi concessum possidet civiliter, ejusq; possessio civilis elucet tum ex rebus naturalibus, dum colit fundum & colligit fructus, tum ex eo, quod de fundo recedens possessionem istius juris in animo retineat, quæ tantæ est efficaciz, ut ususfructus ab alio etiam neo in absentia ejus occupatus, non possit ab eodem contra absentem præscribi *l. 23. §. 2. ff. ex quib. cas. maj.* Quod autem agrum feudalem naturaliter possideat extra dubium est, propter *l. 1. §. 1. quæ satis ff. 1. cog. l. 2. d. omni agro deserto. (c)* Sufficit enim, cum habere rei alienaræ pretium, cum hoc in locum ejus succedat *l. 1. §. 1. d. de pet. hered.* quocirca sive partem possidenti, sive ejus pretium habenti, dabitur sacramentum ad consequendam residuam hereditatis suam possessam sine Domini consensu alienasset. Nam ejus solam jacturam feret. *c. un. infr. de vassal. qui contr. constit. l. 1. §. 2. feud. 38.* Deinde patet ex hisce verbis, magnum esse commodum possessionis, quo fretus vassallus in parte aliqua, per juramenti interpositionem, reliquis etiam partibus potitur. Ex particulari quippe possessione oritur præsumptio juris universalis, quod fracti in partes non possessas etiam competere juris beneficio censetur. Nec sanè absque judicari debet hæc feudorum consuetudo, ut ratione partis possessæ ad alias quoq; partes non possessas jus habere quis præsumatur, eaq; suadente præsumptione ad piscatur: cum & jura civilia statuunt, ratione partis non minus quam vel acquiri vel detineri totum. Sic, si cui insulæ ususfructus legatus sit, quamdiu quælibet portio ejus insulæ remanet, totius soli ususfructum retinet. *l. si cui insulæ. 33. ff. de usufr. obli.* ne quidem videtur §. si vero. *l. si de invest. feud. cont. fuer. 1. feud. 4.* ubi ratione partis non deservitur sacramentum, sed est necesse, ut possideat totum. Sed resp. *Alvarott. ad b. text. dist. Aut contra.*

veritas

versia est de toto feudo, & tunc necesse est, ut quis possideat to-
 tum. Aut controversia est de sola parte, tunc super dicta parte
 defertur Sacramentum, postquam est in possessione residui. *arg.*
l. quæ de tota. 76. ff. de R. v. (d.) Non constat inter FF. quænam pars
 sit hic intelligenda, an dimidia, an verò alia quælibet? Com-
 munitè intelligunt partem dimidiam, in qua sententia est etiam
Sonsb. p. 15. n. 48. 1. Quia, quando partis absolute fit mentio, pars
 subintelligitur dimidia. *l. nomen filiarum 164. §. portionis nomen.*
1. ff. de V. S. pr. tit. seq. de alien. feud. 1. feud. 13. 2. Quia in proximè
 præcedentibus facta est mentio alienationis. Nunc autem vasa-
 llus ante constitutionem Lotharii & Friderici feudum usq; ad
 medietatem licitè etiam sine consensu Domini alienare poterat,
juxta titulum mox seq. in pr. Verum ut contrariam hisce non ob-
 stantibus apprehendamus sententiam, urgent verba, quæ in no-
 stro textu habentur; Si verò nullam partem habuero; quibus in-
 dicatur, quod vassallus, si modo aliquam sive mediam sive mi-
 norem sive majorem feudi partem possideat vel possederit, ad
 juramentum sit admitteodus, propter ea, quæ supra tradita sunt.
 [g] Non fratri, quia quando non possidet. ipsi non de-
 fertur juramentum, sed per pares curiæ debet probare si vult
 obtinere, quoniam nullam pro se habet præsumptionem. Non
 Domino, quia per hoc aliud suum feudum amitteret vassallus,
 quod esset iniquum. *vid. Sonsb. p. 15. n. 49.* [f] Hæc verba ha-
 bent respectum ad *tit. de content. int. Dom. & fid. 10. hujus lib. 1. in*
verb. Hoc ita nisi clientulus sit *gastaldus vel alior Domini; tunc enim*
tantum sua, id est, Domini religioni statur. Nam quæ ratio ibi sua-
 det, ut Dominus ad juramentum sit admittendus, nimirum,
 quod alias tales rerum gubernatores omnia quasi possidentes,
 quidvis sibi pro feudo datum à Domino dicerent, ea etiam hic
 applicari potest. [g] Et hoc, juxta *Sibenck Baron. à Tautenb. ad*
b. Text. evidentius est, quàm ut ambigi debeat, quia separato-
 rum separata debet esse ratio *l. fin. ff. d. Calumn.* Et ex separatis
 de uno ad aliud non inferri, omnibus est in ore ex *l. neg. natales.*
16. C. de probat. [h] Vel per pares curiæ, vel per breve testamentum à
 duobus vel tribus paribus curiæ subscriptum & confirmatum *c. 1.*
qui test. sint nec. 1. feud. 31. Modo producat originalè ipsius in-

Aramenti. Mascard. de prob. concl. 941. n. 7. Tiber. Decian. conf. 24. n. 13. vol. 1. Quod ipsum probat inter eos duntaxat, inter quos factum est, non etiam contra alium, sive tertium. *Rosier. c. 6. concl. 26.* Quæritur hic. An ad probationem sufficiat brevis testatum à Domino feudi tantum subscriptum vel subscriptum Resp. autem quod sic. Nam contra Dominum, qui propriam scripturam & sigillum negare nequit, sufficere potest tale brevis testatum vel instrumentum; si vero duo inter se disceptarent vasalli de se mittendo in possessionem feudi ex investitura à eodem Domino facta, subscriptio feudi à Domino facta in brevi testato non sufficeret, sed subscriptio parium curiæ simul esset necessaria juxta *c. 1. qui testes sunt necessarii ad nov. in c. 1. prob. a. feud. 32.* Ratio autem horum verborum textus supra tradita est, quia semper ordinarius ac plenus probandi investituræ modus præfertur extraordinario vel subsidario aut minus pleno, qualis est juramentum. [1] Actore enim non probante, qui convenitur, etiam si nihil præstiterit reus, tamen absolvitur vel obtinet. *pr. tit. de consuet. vel. feud. vers. ubi nihil est & c. 2. feud. 33.* Unde sequitur, quod Dominus hoc in casu non habeat necesse jurare, quia nulla hoc in casu cadit contra illum suspicio, cum certum sit, quod sit sua res vel saltem præsumptione, [vasallo in nihil probante] ex communi illo theoremate: unius cujusque rem esse liberam, quamdiu servire non probatur *l. alius. 8. C. de serv. & l. si quis ad rem 30. ubi gl. ff. de serv. urb. præd.*

DE ALIENATIONE FEVDI :

T I T : XIII

CONTINUATIO.

In aliquot titulis hætenus ostensum est, quod inter Dominum & vasallum ex multis causis possit oriri rixa & contentio
versus

verba quoniam autem hisce causis merito annumeratur alienatio feudi à vasallo sine consensu Domini facta, ideo de illa in hoc presenti titulo nunc tractatur.

T E X T U S

SI clientulus voluerit partē suā feudi alienare, id est, mediū, sine Domini volūtate poterit hoc facere: (a) Ulterius progredi non potest, secundum justū & verum usum, alioquin & feudum amittit, & non valebit, quod factū est. (b) Quod dictum est alienare, intelligas de libello. (c) Huic consuetudini derogatum est per legem Lotharii. (d) Mediolanenses verò irrationabiliter considerantes dicunt, clientulū etiā alienare posse in totum & sine Domini voluntate. (e) Inde potest præsumi, si clientulus fecerit libellum in perpetuum de feudo suo alicui Ecclesiæ, non valet; (g) ideo scilicet, quia nunquam sit reversurum ad Dominum, cum ecclesia non destinat esse heres: (g) quod observandum est & in privato ex natura perpetui libelli. (h) Sed diversum observatur in Ecclesia, quàm

in privato. Ecclesia enim cultrix & auctrix
 justitiæ non patitur contra justitiam aliquid
 fieri in se vel alterum : privatus verò sæpe
 obviat Justitiæ. (i) Et si clientulus fecerit
 libellum, vel aliud de medietate feudi sine
 Domini voluntate, eo mortuo sine le-
 gitimo herede masculo (quod verbum ita
 intelligendum est in feudo, id est sine filio
 masculo) (k) revertitur feudum ad Domi-
 num. (l)

ELABORATIO.

(a) Ruminanda hic sunt ea, quæ tradita sunt *ad tit. quibz
 mod. feud. amitt.* §. 1. *feud. 5.* (b) Alienatio enim inter modos amittere
 di merito refertur, siquidem vasallus consensum Domini re-
 quirere cum contemnere videtur, id quod pugnat cum iura-
 mento fidelitatis ab ipso præstito 2 *feud. 24. in fin.* Quod iura-
 mentum procedit, si alienans scivit rem esse feudalem; non si igno-
 ravit. §. *si vasallus. fide feud. def. cont. sit int. Dom. & agn. v. 2. §. 1.*
feud. 26. Id quod adhuc cum grano salis intelligendum; dican-
 guendum enim est inter ignorantiam crassam, [qualis est, si di-
 cat alinator, se ignorare non licere feudum alienare,] & ve-
 stâ vel eam, quæ excusationē meretur, uti est ignorantia facti ali-
 eni. *vid. tit. de jur. & fact. ign. Math. de Affili. d. contr. int. 2. §. 1.*
Q. int. n. 1. 2. & 13. Quid verò dicendum de dubitante, an & ille fe-
 dum amittat? Si vellemus approbare sententiam *Vatquii lib. 1.*
controv. c. 77. n. 1. & Didac. Covarruv. in c. possessor male lib. 2. c. 2.
§. 7. n. 3. statuentium, inter bonam & malam fidem medium
 esse dubitationem, utiq; negativè ad quætionem esset respon-
 den-

dendum. Verum quoniam illorum opinionem pro falsa agnos-
 cimus, dicimus vasallum dubitantem propter alienationem o-
 mnino amittere feudum. Cum enim dubitatio veniat ex æquali-
 tate contrariarum rationum *Arist. 1. & 6. topic. Scalig. Exerc. 132.*
 adeoque dubitans aliquam habeat scientiam, licet non certam,
 & l. gato dicatur similis ab *alleg. Arist. 2. metaph. 1* ideo debet in-
 quirere antequam alienet, & nodis, quibus illigatus est, se libe-
 rare. Ac quemadmodum is, qui dubitat, dubitanter responde-
 re debet de feudo, non autem negare feudum §. *vasallus si de feud.*
def. cont. sit int. Dom. & agn. vas. 2. feud. 26. §. fin. de lege Corradi.
2. feud. 34. ita etiam videtur abstinere debere ab alienatione feudi.
Rittersh. part. feud. lib. 2. c. 5. q. 75. Deinde quaeritur; An & tunc *Q.*
 vasallus amittat feudum, si alienatum mox revocaverit? Quod
 affirmat *Clar. q. 13. de feud. n. 6. & Schrad. p. 9. c. 1. n. 17. Fach. in*
lib. 7. controv. c. 48. 1. quod poenitentia factum non reddatur infe-
 ctum, 2. quod regulariter poena delicti commissi ob poenitentiam
 non remittatur l. 68. ff. *de furt. l. pen. ff. de vi bon. rapt. 3.* quod do-
 mino ipso jure dicatur feudum alienatum aperiri. Sed negativa
 nobis verior & æquior esse videtur. Quia tunc vasallus amittit
 feudum, si quantum in se est id alienet, hic verò qui feu-
 dum alienatum mox revocat, illudque recuperat, & quidem in
 continenti, pro eo potius habetur, qui non velit rem alienatam,
 & sic perinde est, ac si feudum alteri non tradiderit. *arg. l. 58. ff.*
de pact. In continenti autem, secundum *Zaf. de feud. part. 10. n.*
4. recuperare dicitur, dum adhuc nihil quaestionis vasallo mo-
 vetur. *add. Rittersh. d. lib. 2. c. 5. q. 79. Berlich. p. 2. c. 59. n. 53.* De-
 inde etiam quædam alia delicta perimuntur poenitentia l. 38. §. 6.
ad l. Jul. d. adult. Nov. 124. c. 2. ut pluribus demonstravi in disp.
de Poenitentia. Cæterum quod dicitur hic (& non valebit quod
 factum) non ita intelligendum ac si ad amissionem feudi suffi-
 ciat contractum super feudo esse celebratum, sed insuper requi-
 rur actualis feudi traditio; antequam enim hæc
 facta, revera non censetur feudum alienatum, quo collimant
 verba *Anst. d. Ifern. ad tit. de probib. feud. alien. per Frider. 2. feud.*
55. n. 20. per traditionem, quantum in se est vasallus transfert
 jus, quod habet, faciendo totum quod potest, scilicet tradendo.

An

Q. An verò resignatio feudī etiā hic requiratur, altioris est indaginis? Putat quidē *Heigius lib. 2. q. 18.* vasallū alienantem amittere feudū licet resignatio nondū tacta fuerit. Verū rectius statuit *Dn. Struve in syntag. jur. feud. disp. 13. q. 9.* distinguedū esse inter tres casus: Aut (1) vasallus feudum alienaturus tradidit quidem feudū, sed eo animo, ut velit Domino id resignare, & ut alius de feudo investiat, petere. Et hoc casu, cum Dominus non contemnat nec pura & perfecta alienatio esse videatur, sed conditionalis ac suspensa, feudo ob solam traditionem, nondum secuta ista resignatione, non privandus erit vasallus *Hartm. Piff. obs. 230.* Aut (2) apparet vasallum eum animum non habere, sed simpliciter, perinde ac si res allodialis esset, feudum alienare; Quo casu feudum Domino aperiri facilē constat *Carpz. p. 2. c. 49. def. 13.* Aut (3) initio quidem habuit istum animum, resignavit etiam postea Domino feudum, ac ut alter investiretur petiit, sed Dominus resignationem acceptare & alterum investire recusavit. Et hoc casu interest utrum vasallus revocet alienationem, & tunc non locus est privationi. Cū enim & aliās jure communi liceat vasallo absque consensu Domini alienatum feudum repetere & pœnam privationis eo ipso evitare, multò magis hoc licebit casu, quo moribus ante resignationem non censetur perfecta alienatio: An verò post Domini dissensum & recusationem nihilominus pertinaciter insistat alienationi, & tunc vasallum privandum esse feudo nemo negabit *arg. c. fin. in fin. que sunt prim. caa. benef. amitt. 2. feud. 24.* Hæc verba textus præbent in super.

Q. occasionem querendi: An propter alienationem à vasallo factam sine consensu Domini feudum ad Dominum ipso jure revertatur, an verò expectanda sit sententia. Ad quam quæstionem resp. disting. Aut Dominus post alienationem reperit rem alienatam à possessione vacuam, & tunc suo jure uti & rem feudalem non expectata sententia, qua habita culpæ cognitione declaratur feudum Domino apertum eiq; restituendum ingredi & ad se recipere poterit. Nam vasallus cum feudum alienat, censetur illud prorsus habere pro derelicto, quatenus consideratur juris effectus. Ergo non solum utile dominium sed & possessio mittitur, nihilq; retinet vasallus *l. fin. ff. pro derel.* Et sic opus nō est

est sententiâ, qua priuatur jure vel possessione; quo colligant
etiam verba *cap. 1. §. calidus. d. prob. feud. alien. per Frid. 1. feud. §. 1.*
Et ad Dominum liberè reuertatur. Aut emtor est in possessione, &
tunc non licet domino propria autoritate ei auferre posses-
sionem, ne detor ansa rixis atq; bellis. Et quia emtor non habet cau-
sam a Domino, bonum & æquum est in hoc casu agi aduersus
possessionem, ut restituat apertum feudum *c. 1. de cont. int. dom.*
Emt. feud. 2. feud. 42. propterea item agendum est aduersus em-
torem, ut ipse quoque legitimum habeat regressum aduersus
venditorem de evizione *l. 1. ff. d. evict. vid. Clar. de feud. q. 62. Duar.*
d. feud. c. 15. n. 5. Zaf. part. 10. n. 72. [c] vid. ea quæ supra tradita sunt ad
tit. 5. hujus lib. 1. ubi dedimus descriptionem contractus libella-
rii, ac simul indicavimus quæ sint differentiz inter contractum
libellarium & emphyteusim. [d] Cuius constitutio habetur in
tit. 5. lib. 2. feud. Plenius autem huc consuetudini alienandi feu-
dum sine consensu Domini derogatum est per constitutionem Fri-
derici, quæ reperitur in *tit. 55. lib. 2. feud. [c]* Mediolanenses au-
tem propter sequentes rationes irrationabiliter statuerunt 1. quia
vasalli beneficiis suis alienatione facta exuti servitia satis com-
modè expedire non possunt, quæ ratio fundata est in *d. tit. 52. lib.*
2. feud. 2. quia facta alienatione dominus alium, quàm quem
ipse forte vellet vasallum acquireret *c. 1. in fin. §. de fratrib. de no-*
vo benef. invest. 2. feud. 12. 3. quod mutatio vasallorum plerun-
que Domino sit perniciofa. *add. Socin. jun. conf. 71. n. 80. vol. 1.*
Menoch. conf. 226. n. 129. vol. 3. Quaritur insuper hic: An consue-
tudo introduci possit, ut feuda vel in genere, vel in hac auc-
tilla specie sine consensu Domini, eorumque quorum inter est
consensu alienari possint? Et licet talis consuetudo multis in
locis vigeat, uti de Gallia testatur *Rol. à l'ail. conf. 2. n. 17. & Pe-*
rrus Rebuffus intr. circa arb. feud. colum. 4. vers. 5. quem virum im-
pensè do. lum vocat Zafius d. feud. part. 9. n. 22. de Mantua Dec. conf.
56. n. 1. & conf. 58. Curt. jun. conf. 126. n. 7. Paris. conf. 13. n. 27.
Imo de Germania nostra *Zafius d. loc.* Ego tamen talē consuetudi-
nem cum alleg. *Zafio* quicquid scribat *Sonsb. p. 12. n. 94. & seqq.*
non laudarem, cum sit contra communem reipublicæ utilita-
tem, & per eam magnitudo & augmentum Imperialis majesta-

tis atque utitur, qualis consuetudo non valet *contra*. C. si contra iura
vel att. p. 66. (f) Uti enim ususfructus alicui in perpetuum con-
stitui non potest, ne in universum inutiles sint proprietates,
semper abscedente ususfructu, uti loquitur *Justin. Imp. in §. 2. de u-*
usufr. in fin. ita nec feudum in Ecclesiam quæ non moritur, &
ita nunquam caducitati locum facit, transferri potest. Unde
etiam sequitur, quod vassallus nec civitati feudum dare queat,
quæ enim ratio contra Ecclesiam pugnat, illa etiam pugnat
contra civitatem arg. *l. an ususfructus*. 66. ff. de usufr. (g) Sic etiam
in cap. 5. d. rescripti in 6. dicitur: Sedes Apostolica non moritur.
Et *Andr. de Israh.* scribit. Ecclesia non moritur, sed semper est. (h)
Et quidem secundum jus obsoletum necessaria erat hæc distin-
ctio inter Ecclesiam & privatum. Nam quando per contractum
libellarium feudum in privatum transferébatur, spes erat, quod
quandoque feudum ad Dominum sit reversurum, si nimirum
privatus ille sine legitimo herede mortuus fuerit. At si Ecclesie
permittiretur alienari, perpetuo derogaretur Domino feudi, quia
nulla spes est, ut ad illum feudum revertatur. Hodie tamen dis-
tinctio hæc supervacanea est, cum prorsus interdictum sit vassal-
lis, (ut loquitur *Schenck Baro. ad b. text.*) omne feudalis aliena-
tionis commercium per constitutum. Lotharii & Friderici. (i)
Cum hoc convenit, quod scribit *Gregor. in c. fraternitas* 12. q. 2.
Absit ut Ecclesia cum augmento recipiat, quod de terrenis re-
bus videtur amittere, & lucra damnis quærere. Sic etiam in
c. per suas. de donat. scriptum reperitur: Ecclesia in actibus suis
fraudem non debet aliquam adhibere. Quod autem dicitur hinc
Ecclesiam non debere pati contra iustitiam aliquid fieri in se-
vel alterum; illud congruit eum eo, quod habetur in c. novit. d.
judic. Ubi ad Ecclesiam, ipsiusque presidem, videlicet summum
Pontificem spectat, de quocunque mortali peccato corrigere
quaerit Chistianum; & si correctionem contemserit, per
distinctionem Ecclesiasticam coercere. (k) Ex his colligi pot-
est, quod verba ambigua vel generalia sumper sint secundum
subiectam materiam intelligenda, & ad habiles terminos re-
stringenda. Licet enim vocabulum Hereditis sit commune nomen,
quod tam ad masculinum quam ad femininum sexum potest
accom-

accommodari, tamen in jure feudistico masculinum tantum sexum denotat, *vid. Cuiuslibet in brocard. cap. 20. broc. 27. (l)* Solutum enim jure dantis solvitur & jus acceptoris. Sed si Dominus consensisset venditioni & alienationi totius feudi vel partis, stabilis permaneret alienatio, ita ut si moriatur alienans sine filio, non revertatur feudum ad Dominum; Quia ex quo consensit, videtur consensisse pro receptore in perpetuum & pro liberis ejus, quasi principaliter feudum ipsis concessisset. Contra hæc verba textus tamen facere videtur quod in præcedentibus dictum est, vasallum licet feudum suum alteri usque ad medietatem allibellare possit, hic verò dicitur, quod si moriatur vasallus sine herede, quod feudum revertatur ad Dominum, & sic quod legitime factum est, nihilominus erit punibile, contra *l. Gracibus C. de adult.* Alii responderi potest, quod istud non contingat in casu nostro respectu alienationis factæ legitimo modo, sed eo respectu, quod mortuus sit vasallus sine herede, ubi debet ad Dominum reverti, & sic hic nulla est puniitio, sed hoc operatur natura feudi.

T E X T U S.

SI verò cum Domini voluntate totum vel medium alienaverit, stabilis permaneat alienatio; [a] Fratri verò vel nepoti per libellum facta alienatio etiam sine voluntate Domini; [b] Item in feudo comitatus vel Marchiæ, vel aliarum dignitatum non est successio secundum rationabilem usum; sed hodie hoc est usurpatum. [c]

P 3

ELA-

ELABORATIO.

[a] Hoc apud Feudistas extra omnem dubitationis aleam positū est; Domini n. consensus efficit, ut ille, cui feudū per illi alienationē acquisitū est, illud retinere queat: sed quoniā voluntas Domini duplex datur expressa, & tacita, Idēd quæritur ad huc
 Q. An & tacita Domini voluntas sufficiat? Qui hoc Negant moventur *c. 1. de prob. feud. alien. per Frider. 2. feud. 55:* ubi reperitur verbum (*licentia*) quod expressum denotare videtur consensum. Verum contraria sententia affirmativa nobis magis placet, modo tacit^o cōsens^o rectē explicetur, ita ut præter scientiā & patientiam desideretur etiā presētia, si nihil aliud sit, ex quo consensus tacitus colligi potest, utpote si de alienatione ad Dominum litteræ essent scriptæ, quibus acceptis tacuisset, item si alienationem factā sigillo suo confirmasset, *vid. l. ult. lib. 1. de feud. c. 8.* Nec movere aliquem debet verbum (*licentia*) quod in *d. c. 1.* reperitur; Nam & tunc Dominus licentiam alienandi dedisse censetur, quando præsens est & tacet, ac alienationem suo sigillo confirmat. *Add. Rosenth. c. 9. concl. 3. Dyns. cent. 4. obs 87. Wesenb. de feud. cap. 8.* [b] Ratio est, quia alienatio in proximos agnatos facta propriè non est alienatio, sed potius feudi paterni refutatio, quæ etiam in Dominum invitum fieri potest, & omninò licita est. *c. un. in fin. de vassall. qui contra constit. Loth. reg. benef. alien. 2. feud. 38.* Ac potest hæc refutatio fieri non tantum per libellum, uti hic noster textus illud suadere videtur, sed etiam sine libello *d. c. un.* præsupponendum tamen erit feudum antiquum. [c] Ratio est, quia hujusmodi feuda regalia acquiruntur per electiōnem, non autem per successionem. Id^o quod *seq. tit. 14.* pluribus ostendam. Ultima autem textus verba ostendunt, quod una consuetudo possit tollere alteram, & quod irrationabilis consuetudo nonnunquam recipiatur. *vid. Alvar. roit. ad b. c.*

DE FEUDO MARCHIÆ VEL DUCATUS, VEL COMITATUS.

T I T : XIV.

CONTINVATIO.

IN fine tit. *praced.* facta est mentio feudi comitatus, marchię vel aliarum dignitatum, & prædicatum de illis, quod non admittant successionem: Hanc igitur materiam Compilatores juris nostri Feudalis in hoc præsentis titulo continuare voluerunt. Potest autem dividi in tres partes, in quarum prima traditur pro regula, quod in feudis regalibus, non habeat locum successio; in secunda, quod in feudis non regalibus locum in veniat successio; in tertia, quod jus accrescendi inter fratres quoad feudalia bona non attendatur.

T E X T U S.

DE Marchia vel ducatu vel comitatu, vel aliqua regali dignitate [a] si quis investitus fuerit per beneficium ab Imperatore, [b] ille tantum debet habere; [c] Hæres enim non succedit ullo modo: [d] nisi ab Imperatore per investituram adquisierit.

Q ELA.

ELABORATIO.

[a] Inde fuit divisio feudi, trimembris in Regale, Nobile, & ignobile. Regale sive Illustre feudum est, cujus investitura dignitas regalis confertur ab eo, qui potestatem conferendi habet. Dignitas autem regalis denotat singularem præminentiam, & ad Reges propè accedentem potestatem. Et sub dividitur hoc feudum Regale in Ecclesiasticum, ut est Archiepiscopatus, Abbatia. Et seculare, ut est Electoratus (qui indistinctè est feudum seculare) Archiducatus, Principatus, Comitatus, Baronatus. Quæritur autem de Ecclesiastico feudo, An & Imperator huiusmodi feudum concedendi potestatem habeat? Quod affirmamus, quicquid etiam Pontificii in favorem Papæ scribant. Nam 1. in *dist. 63. c. Hadrianus 22.* ita expressè scriptum reperitur: Hadrianus autem Papa cum universâ synodo tradiderunt. Carolo ejus & potestatem eligendi Pontificem, & ordinandi Apostolicam sedem. Dignitatem quoque Patriatus ei concesserunt. Insuper Archiepiscopus & Episcopos per singulas provincias ab eo investituram accipere diffinitur, & ut nisi à rege laudetur & investiatur, episcopus à nemine consecratur: & quicumque contra hoc decretum ageret, anathematis vinculo eum innodavit, & nisi resipisceret, bona ejus publicari præcepit. Et in *can. seq. 23. d. dist. 63.* hæc verba leguntur: Ego quoque Leo Episcopus, servus servorum Dei, cum toto clero ac Romano populo constituimus & confirmamus, & corroboramus, & per nostram Apostolicam auctoritatem concedimus atque lagimur Domino Othoni primo Regi teutonicorum ejusque successoribus hujus regni Italie in perpetuum facultatem eligendi successorem, atque summæ sedis Apostolicæ Pontificem ordinandi, ac per hoc Archiepiscopos seu Episcopos, ut ipsi ab eo investituram accipiant &c. Et licet *Baronius Tom. 4. ann. 1064.* hos canones fictitios appellat, illosque falsi postulet, tamen irritò sanè conatu, uti demonstrat *Mercus Antonius de Dominis lib. 6. d. rep. Ecclesiast. cap. 7.* Goldastus in *rationali ad consilium Imp. & Clarissimus Dn. Conring. Rerum germanicarum*

sagacissimus persecutor de Germanorum Imp. Rom. cap. 6. Præ-
cipuum autem Baronis fundamentum est; Nec Anastasius
bibliothecarius penè *ὀνυφρίου* & rerum Romanarum callentissi-
mum; nec quenquam alium ante Siebertum meminisse hujus
decreti. Sed utrumque falsum est. Expressè ejus mentio extat
in oratione Gregorii VI. apud *Wilhelmum Mammelsburiensem*.
lib. 2. de gest. reg. Anglor. cap. 13. Anastasium verò hanc narratio-
nem non præterisse ex *Onuphrio Panvinio in Gregor. VII.* videre
licet; Is enim apertè desumptum hoc à Gratiano ex Anastasii hi-
storia Ecclesiastica tradit; neque etiam aliter credi inscriptio ca-
pituli apud Gratianum, quæ ita se habet: Item in Historia Eccle-
siastica; patitur. Accedit etiam, quod *Platina*, qui sine omni du-
bio optimo & in corrupto Anastasii Codice usus est, hanc con-
stitutionem Hadriani in Anastasii historia legit: Verba eius in
Paschali primo sunt hæc: Idem Bibliothecarius scribit, Ludovi-
cum liberam eligendorum Episcoporum potestatem Paschali
dedisse, cum antea eà quoque in re Imperatores consulerentur,
quàm potestatem ad Hadriano Pontifice Carolo concessam,
idem autem refert. Deinde & 2. potest hæc sententia stabili-
multis ex probatis Historicis desumptis exemplis. Sic *Christoph.*
Lehman. Chron. Spir. lib. 2. c. 41. scribit: Erstlich alle Erzbischoff/
Bischoff und Aepst haben bey ihrer Investitur wegen ihres geistli-
chen Amtes der Kirchenverwaltung / so welt sich ihre Parochia,
Diöcese / Bistumb oder Apten erstreckt und nicht der Regalien hal-
ben jedem Regirenden (Teutschen Fränckischen) König Treu
und Huld seiblich zu leisten müssen / Inmassen andern des Reichs
Herzogen / Grafen / und weltliche Vrampte und officirer &c. zum
andern daß die König ihres Gefallens die Bischoffliche Amte und
Apten besetzt / und ihre Land und Leuten mit Lehrern der Religio-
seibst ohne Päpstliche Maßgebung bestellet und versehen. Hier
von sind Exempla allenhalben in grosser Menge &c. darauf klär-
lich ersichnet; daß die König in Teuschland die Geistliche inve-
stirer und eingesetzt &c. Sic etiam *Crantzius Saxon. l. 2. c. 23. & 13.*
in metropol. passim. docet, Carolum in Germania & cum primis
in Saxonia plures pro arbitrio constituisse Episcopos. Et *Waltra-*
mus Episcopus Naumburgensis lib. 4. invest. Episcop. per Imp facienda.

Q 2

scribit:

scribit: Longe ante decretum Adriani Papæ ejusque successorum Reges, qui erant uncti, & majores domus investituras Episcoporum fecerunt: Scilicet Dagobertus, Sigebertus, Theodoricus, Pipinus &c. Plura exempla vide apud *Dn. D. Struve in syn. jur. feud. disp. 3. lb. 7.* Statuimus itaque adhuc intrepidè fuisse jus investituræ de Archiepiscopatu, Episcopatu &c. Imperatoribus Romano Germanicis non solum in Urbe Romæ & provinciis Romano præfati subditis ex concessione Pontificum & Populi Romani, sed etiam in Italia reliqua & Germania, non quidem ex Pontificum concessione, sed jure Regio, cui id ita intimè conjunctum, ut omnes omninò, qui regiæ potestate populis præ erant, illà ætate jus investituræ usurparent. In *Pacificacione verò Osnabrugensi* hac de re ita constitutum est: Electi aut Postulati in Archiepiscopos, Episcopos aut Prælatos Augustanæ confessioni addicti à Sacra Cæsarea Majestate, postquam intra annum Electionis aut Postulationis suæ fidem fecerint, & juramenta regalibus sueta feudis præstiterint, absque ulla exceptione investiantur, ultra taxæ ordinariæ summam in super eiusdem dimidum pro infeudatione pendant, iidem, aut sede vacante Capitula, & quibus administratio cum iis conjunctim, competit ad universales æquè ac particulares deputationum, visitationum, revisionum, aliosq; conventus Imperiales literis solitis evocentur, & suffragii jure fruantur, prout quisque statuum ante religionis dissidia eorum Jurium particeps fuit. Quæ verò & quot personæ ad ejusmodi conventus mitti debeant, de eo præfatis cum capitulis & conventualibus statutum est. De titulis Principum Ecclesiasticorum ex Augustana Confectione ita convenit, ut absq; tamen præjudicio status & dignitatis titulis Electorū & postulatorum in Archiepiscopum, Episcopum, Abbatem præpositum insigniantur. Hactenus de feudo Regali. Nobile verò feudum est, cujus investiturā nobilitas, ejusque ipsi rei quodammodo in hærentia jura secundum voluntatem ac potestatem concedentis conferuntur. Aliàs non conveniunt inter se FF. Unde feudum hoc vel illud nobile sit æstimandum?

Q. Quidam existimant, id dijudicandum esse ex investituræ tenore, puta si investiens dicat: Ego investio te de feudo nobili, & in hac opinione est *Præpos. & Laudens. in cap. 1. qui dicatur dux &c.*

Qui-

Quidam ex eo, si quis investitur de mero & mixto Imperio vel de Jurisdictione, ut *Tiraq. in tr. de nobil. c. 7. n. 2. & Guid. Pap. Dec. 385* Alii ex loci sive curiæ Domini consuetudine, ut *Br. in l. 1. C. de dign. lib. 2.* Nonnulli denique ex qualitate & quantitate præstationum feudi, ut *Castr. cons. 462. n. 5. vol. 1* Et sic omnes hi ab effectu definitionem feudi nobilis repetunt. E contra Nonnulli opinantur feudum nobile & ignobile æstimandum esse ex causa efficiente, id est persona feudum dante. In qua sententia est *Schrad. de feud. pr. cap. 3. n. 10. & seq.* Sed neutra opinio vera est. Prior enim nullo certò juris fundamento innititur, & proinde sicut arripietes eam in thesi sunt incerti; ita necesse est, ut semper in certis etiam sint in hypothesi. Præterea nobilitas & ignobilitas non rei coherent, sed personæ, neque à re, sed à persona concedentis dependent. Posterior verò minus recte distinguenda confundit & conjungenda distrahit. Sic ergò cum *Vult. d. feud. lib. 1. c. 8. n. 9.* in hac controversia statuimus, quod feudum nobile sit, quod concessum est ab habente potestatem & voluntatem nobilitandi accipientem; Neque enim sufficit ad hoc, ut feudum sit nobile, eum qui feudum dat, nobilitandi potestatem habere, nisi etiam feudum dando eum, cui dat, nobilem esse velit. Ex hæcenus dictis apparet quid respondendum sit ad illam quæstionem: An feudum nobile ignobili collatum faciat eum nobilem. Nimirum negandum hoc esse. Quoniam nobilitas est dignitas, quæ soli personæ & non rei propriè inest, & quæ à persona non à re quadam dependet. Interim tamen hoc concedimus, quod investitus de tali feudo jura quæ ratione nobilitatis semel rei accommodata sunt nanciscatur. *Rosentb. c. 2. concl. 2.* Et hoc etiam confirmat. *Jus Saxon. in Lebnr. c. 21. in fin: ibi: Es erhåhet sich des Mannes Schild/ nach seinen Adel den Jahren sehen ob Ihm das gelihen wird.* Ignobile tandem feudum est, quod concessum est sine voluntate nobilitandi accipientem. Dixi sine voluntate, vel quod non possit, vel quod possit quidem, sed nolit una cum re nobilitatem concedere. (b) Putant communiter FF. solum Imperatorem posse feuda regalia concedere, quoniam textus noster illius tantum mentionem facit. Sed non rectè;

notum

notum enim est, quod unius inclusio non statim sit alterius exclusio. Quocirca dicimus, quod etiam Rex, in suo regno, hujus regalia feuda alicui eo conferre queat. Siquidem & Rex ad exemplum Imp. nullum superiorem agnoscit, & quando textus noster loquitur de regalibus feudis, vult eo ipso includere Regem; Regalia enim à Rege dicuntur. Hoc tamen dicimus cum *Sobenck. Barone ad b. tit. Romanorum Imperatorem omnium Regum omniumque Principum Regem & Principem esse summum.* Et ut loquitur *Nov. 69. cap. 1.* ipse præcipit omnibus provinciis in universâ ditione & quæ adscendentem videt, & quæ descendentem solem; & quæ ex utroque latere est, scilicet in meridie & septentrione. Id quod confirmat quoque *Nov. 9. in præfat.* ubi dicitur: Illius videlicet imp. Rom. legem. agnoscere debere omnes terras, omnesque insulas Orientis, totiusque Occidentis, quæ usque ad ipsos Oceani recessus extenduntur.

(c) Et hoc non sine ratione, ut putat *Gl.* Nam 1. hoc ideo constitutum est, ne quemlibet princeps habeat Ducem Comitem vel Marchionem, quod fieret sine dubio, si successio admitteretur. Nam tunc contingeret Principi aliquando (ut utar verbis *Sensb. part. 1. n. 43.*) ignavus Dux, aut Comes vecors pro solerti & exercitato, quibus imperiū defendere, patriā ab hoste tueri, in pace omnia & tranquillo statu servare impossibile quasi esset, quæ omnia secus se habebunt, Princeps ipse ex multis [primo mortuo] si deligere quemlibet poterit ac surrogare. 2. Ne Ducatus, Comitatus, Marchionatus redigatur in nihilum. Nam Ducatu, Comitatu Marchionatu per successores diviso sæpius tandem in nihilum redigeretur; Quis enim Principatus ibi erit, tot ubi capita regnant, præstantque gubernant. An verò hodie simpliciter hoc sit immutatum non abs re quaeritur? Communiter hoc affirmatur, 1. præter verba *fn. tit. præced.* sed hodie hoc est usurpatum. 2. propter *§. firmiter. vers. præterea. de prohib. feud. alien per Frid. 2. feud. 35.* Sed rectius statuitur, quod hodie quidem in feudis regalibus aliquatenus successio admittatur, sed non iudicinitè. Major siquidem natus filius solet solus succedere, reliquis fratribus exclusis, ut unus maneat quem subditi tanquam caput reverentur, & per quem gentilitatis stem-

stemma per omnia conservetur. Et hanc sententiam eleganter confirmat à *Diff.* allegatus textus in *§. firmiter vers. præterea. in verbis de cætero non dividatur*, expresse enim ibi prohibetur divisio feudi regalis, si autem in tali feudo successio indefinitè procederet, utique divisio licita esset. Exinde fuit alia controversia; An filius natus, antequam pater regalem dignitatem adeptus est præferatur in feudi successione ei, qui post adeptam dignitatem natus est? pro negativa sententia quam approbant *Cyn. & Job. Fab. in l. 23. C. de nupt. Cujac. in d. l. 63. C. de decur. lib. 10. & Dd. comm.* sequentia pugnant fundamenta: 1. *l. Deditur. 63. cum tribus ll. seqq. l. 7. C. d. prim. agent. in r. lib. 12.* Ex quibus ita argumentantur: Si filii ex decurione aut cohortali nati non mutant suam conditionem, neque participant de patritiatu, consulari, aut principatu dignitate & honore, quem patris ipsorum consecutus fuit, sed illi tantum liberi, quas pater, postquam meruit istam dignitatem, procreavit, sequitur, nec filium Regis antè adeptum à patre regnum natum, posse de patris dignitate participare, multoque minus in successione patris, qui in regno natus est, præferri; Ratio consequentiæ est; quia in utroque casu eadem subest ratio. Atqui prius est verum. E & postea, 2. Quia hic non ordo nascendi considerandus est, sed nascendi felicitas. Rex igitur consideratur duplici modo, ut pater, & ut Rex. Rex filii respectu, ante regnum nati, consideratur non ut Rex, si propriè & exactè velimus loqui, sed ut pater: Unde etiam hic filius cum fratre, qui post regnum adeptum est natus, patrem omnia bona quæ tanquam pater reliquit, æqualiter succedit. Respectu autem filii ejus, qui in regno est natus, pater consideratur ut pater, & ut Rex. Quare etiam succedit patri ut Regi in regno, & ut patri cum fratre in reliqua bona. 3. Huc facere videtur *l. Senator. 11. C. d. dignit. lib. 12.* in qua constituitur, Imp. ut liberi, à senatore vel alio clarissimo ante dignitatem susceptam editi, sint privati seu plebei; illi verò in clarissimatus dignitate maneant, qui post adeptam dignitatem sunt suscepti. Urgent etiam 4. hanc opinionem foventes *l. imperiali 23. §. si illud. 5. C. de nupt. & l. 2. §. 2. de Decur. & cor. ff.* Affirmativa verò sententia sequentibus nititur rationibus & textu-

textibus. 1. Si ante adeptam dignitatem filius est filius, nullo
 jure poterit prohiberi, quod minus jure filii utatur. Qualitas
 enim adveniens nō generat, sed generatum tantum denominat
 ut loquitur *Salices. in d. l. Imperialis*. Et sic filius est filius, ante
 dignitatem patris, ac per consequens gaudet communibus filio-
 rum juribus, quorum pars est successio non tantum in bona, sed
 etiam dignitatem. 2. *l. Senatoris. §. d. Senat.* Ubi hæc verba ha-
 bentur: Senatoris filium accipere debemur non tantum eum,
 qui in senatoria dignitate constituto patre natus est, sed & qui
 ante senatoriam dignitatem adeptam natus est. 3. *l. filii. 22. §.*
ff. ad munic. in verb: quo tempore nati. 4. *l. cum advocatio. §.*
C. d. advoc. div. jud. in verb. quandocunque genitis. 5. *c. ad extir-*
pandos de fil. presbyt. ubi pro sacerdotis filiis agnoscuntur tam
 qui in sacerdotio, quam qui ante nati fuerint. 6. *c. §. 1. & cap.*
23. §. ult. Aurea Bulla ubi expressè dispositum reperitur, ut mortis
 tempore primogenitus qui reperitur in electoratu succedat. Nun-
 quam autem dubitari nequit, quod ille qui natus est; antequam pa-
 ter Elector factus, sit primogenitus seu primo natus. Accedit
 tandem observantia. Sic frustra se opposuit Henricus frater,
 quod Eberhardus Comes Palatinus & Gisbertus Lotharingæ
 Dux ipsi suggessissent, sicut Demaratus olim Xerxi, potiorē
 sese regni heredem esse, quod à patre in Imperio, Otto verò
 antequam imperium Henrico Aucupia Conrado I. traderetur,
 natus. *Siberi in Otto n.* Et hanc sententiam fovēt *Duaris de s.*
senat. c. 2. §. Coras. Giph. d. l. seniores. §. d. tit. & Förster. d. success. ab
intest. lib. 4. c. 24. n. 28. Alii ut *Jacob. de S. Georgio in tr. de feud. verb.*
quid sit Rex. col. fin. to. II. & Anton Corseh. in tr. d. post. & exc. Reg.
q. 26. mediam confingunt sententiam, distinguendo inter re-
 gnum vel principatum hereditarium, & noviter occupatum.
 Verum hanc distinctionem eleganter ad nihilum redigit *fami-*
geratissimus & philosophus Henning Arniseus. in relect. polit. lib. 2. c. 2.
n. 4. Nos salvo cujuslibet judicio statuimus, priorem sententiam
 affirmativam procedere quoad rigorem LL. & strictam juris ra-
 tionem, posteriorem verò quoad æquitatem, & hujus opinio-
 nis fundamentum sumimus ex *d. l. C. d. dign. lib. 1. in cujus legis*
 prima parte continetur rigor ille, seu stricta juris ratio, cum ibi
 dispo.

dispositum reperitur, quod senator vel alius clarissimus filios editos antequam susciperet dignitatem debeat habere privatos, id est, pro privatis. In altera verò parte legis, quæ incipit: Cum autem &c, latet æquior sententia, fundata in hoc eleganti ratione, quod non oporteat paternos honores [& ita lex loquitur generaliter de omni honore] invidere filiis. [d] Adhiberi tamen hic potest talis distinctio: Aut Marchio, Ducatus vel comitatus alicui datur sicut administratio officii, & tunc tantum usque ad vitam durat hæc dignitas, quamvis collata in modum feudi per investituram: Aut datur Marchionatus, Ducatus & Comitatus alicui, ut sit Comitatus, & tunc transmissio ad heredes locum habet, ita tamen ut Comitatus, inter heredes non dividatur, sed primogenitus solus succedat juxta *tit. 55. lib. 2. feud.* [e] Tunc enim non jure successionis feudum nanciscuntur, sed jure investituræ.

T E X T U S.

SI Capitanei (a) vel valvasores majores, vel minores investiti fuerint de beneficio, (b) filii vel nepotes ex parte filiorum succedunt. (c) Si verò unus ex his filiis vel nepotibus sine descendantibus masculini sexus heredibus mortuus fuerit, prædicti fratres vel nepotes per investituram patris & avi in beneficium succedunt. (d) Et similiter intelligendum est de consobrinis. (e)

R

ELA-

ELABORATIO.

(a) Impropiè scilicet ita dicti; Aliàs enim hic §. præcedenti contradiceret. Vel intelligendi illi Capitanei, qui à Principe quidem de plebe vel aliqua plebis parte investiti, dignitatis tamen feuda nulla sint consecuti, de quibus agitur in *c. unic. vers. qui verò à Principe. 1. quis dicatur Dux. March. Com. 2. feud. 20.* [b] Ex his colligendum, quatuor esse ordines vassallorum. Primus est eorum, qui regali vel illustri potestate pollent, ut Duces, Marchiones, Comites, Secundus est Capitaneorum vel valvasorum majorum, qui absque dignitate regali, de plebe aliqua vel plebis parte, ut urbe aliqua, castro &c. sunt investiti. Tertius ordo est valvasorum simpliciter ita dictorum, (qui respectu præcedentis ordinis videntur valvasores minores dici), & valvasorum seu valvasorum minorum, (qui etiam vocantur minimi valvasores *1. feud. 7.*) Utrique eodem jure utuntur *2. feud. 10.* Quartus in hoc Tit. omissus, & ex *d. tit. 10. feud. 2.* Supplendus ordo est plebejorum. (c) Dominus enim alicui feudum concedens simpliciter, videtur illi ac ejus heredibus seu posteris ab ipso descendentibus, qui eum repræsentabunt, prospicere voluisse *2. feud. 23. in fin.* similiter feudum simpliciter accipiendo, censetur quis heredibus seu posteris ex se descendentibus prospexisse; Et quidem si soli filii primi gradus extiterint, viritim seu in capita succedunt *1. feud. 1. §. 1. verb: ad omnes aqualiter filios pertinent. 1. feud. 8. verb: tantum filii aqualiter.* Aliquando tamen secundum specialem investituræ tenorem filii non simul, sed ordine successivo, unus post alium succedunt, teste *Carpzov. p. 3. c. 29. def. 10.* Si verò cum filiis primi gradus concurrant nepotes aut pronepotes ex filiis ante defunctis, tunc hi cum illis admittuntur jure repræsentationis, adeoque in stirpes *d. 1. feud. 8. verb: nepotes ex filio loco sui patris.* Quæritur autem An & filius ex hereditate una cum suis fratribus patri in feudo succedat? Multi hoc negant, inter quos est *Blanc. in epit. feud. lib. 3. c. 1. n. 11. Zaf. part. 8. n. 8. Duar. de feud. c. 14. Pet. de Gregor. de concess. feud. part. 4. q. 7. n. 36.* & moventur sequentibus rationibus.

1. Quia

1. Qua exheredatus in numero liberorum non censetur, tanquam qui exheredatione nomen sui heredis amisit *l. filium. 10. §. 1. ff. de bon. poss. contr. Tabl. l. 1. §. consanguineos. 10. ff. de suis & legit. hered.* 2. Quod, ex quibus causis filius exheredatur, ex iisdem quoque feudo privetur. *cap. 1. §. pradiſtis modis. qua fuit prim. caus. benef. amitt. 2. feud. 24.* præsertim si ignominie causa facta sit exheredatio, propter quam filius in curia Domini stare non valet *cap. 1. an ille qui interf. fratr. dom. 2. feud. 37.* 3. Quia sicut pater in rebus, quas necesse habet filio relinquere, de nuptialibus lucris potest filium ingratum exheredare *l. hæc edictali. 6. §. 1. & l. famina. 3. & Aurb. heres C. de secund. nupt.* Ita & in feudo poterit filium ingratum exheredare, licet illud habeat necesse relinquere filio ex forma concessionis. Verum affirmativa sententia verior & æquior est. 1. Quia filius feudum non tam à patre quam à Domino feudi habet, ac proinde pater filium eo non poterit privare. Quod enim aliquis non dedit, etiam auferre non potest, per vulg. 2. Quia, ut institutio hæredis, ita & exheredatio sit in ultima voluntate, id quod probatione non indiget. Nunc autem *inc. 1. in pr. de success. feud. 1. feud. 8.* expresse & generaliter dispositum reperitur, quod nulla ordinatio in testamento vel quavis ultima voluntate de feudo fieri possit. 3. Quia propter unum delictum nemo debet duplicem pati poenam. Quod tamen fieret si una cum bonis paternis etiam feudum filius amitteret. Nec obstant à Diss. supra allatæ rationes. Nam ad 1. Resp. quod illa procedat tantum quoad bona allodialia. Et hic non necesse est ut filius sit suus heres; sed sufficit quod ius quæsitum habeat ex ipsa investitura. Quod verò attinet. *d. §. pradiſtis modis. cap. 1. qua fuit prim. caus. benef. amitt. 2. feud. 24.* Sciendum est, quod ibi sit quæstio de causis feudi amittendi, quando ex illis vassallus in Dominum delinquit, quarum nonnullis enumeratis, cum compilatores animadvertent, non posse omnes una regula definiri, subjecerunt: Ex iisdem causis feudum amitti, ex quibus quis jure civili possit exheredari, vel donatio facta revocari, aut matrimonium dissolvi. Nec obstat 3. vel ult. diff. ratio; Quia alia ratio est, in lucris nuptialibus, alia in bonis feudalibus, Illa beneficio parentum ad

filios perveniunt, & iis dantur honore præcipuo ex lege, nisi sint forte ingrati *Nov. 22. c. 20.* Hæc dantur beneficio Domini, de quibus vassallus quippiam disponere aut ordinare prohibetur, ut supra probatum. [d] Et hoc fit quidem jure vel beneficio primi acquirentis, alias in feudo novo collaterales non succedunt, nisi simul specialiter sint investiti. Successio autem horum collateralium porrigitur in infinitum, quando scilicet ille, qui feudum primus adeptus fuit, hoc in descendentes suos posteros transmisit; Quod si verò non in descendentes, sed in collaterales suos [quod ex pacto, aliove modo fieri potest] ut *inf. c. 1. de fratr. de nov. benef. invest. 2 feud. 12.* traditur, transmisisset, successio septimo gradu circumscribenda foret *vid. §. hoc quoq; supr. de his qui feud. dar. possunt. 1 feud. 1. §. ex qua ibi diximus.* (e) Dubium contra hæc verba textus facit, quod descendentes per lineam fœmininam sibi invicem non succedant. *§. hoc autem. 3. qui feud. dar. possunt. 1 feud. 1.* Consobrini autem propriè loquendo sunt duarum sororum filii. *§. quarto gradu. 4. Inst. d. gradib.* Ad hoc dubium tollendum dicit *Cujas. ad b. text.* quod consobrini hic sumantur pro patruelibus. Sed melior est sententia *Alvarotti b. l. statuentis*, quod text. n. loquatur vel de eo casu, quando feudum est fœmineum, juxta *c. un. d. benef. fam. 2. feud. 30.* vel quando oppositum fuit in investitura pactum, quod etiam fœmina succedere posset, secundum *§. filia. d. success. feud. 1. feud. 8.* Et ita etiam sentit *Andr. d. lsernia hic.*

T E X T U S.

SI duo fratres simul investiti fuerint de beneficio novo & non paterno; Si unus eorum sine descendantibus masculini sexus mortuus fuerit, Dominus succedit, non frater: [a] Nisi pactum fuerit in investitura,

tura, quod frater fratri succedat. (b) Pactum enim frater succedit, non Dominus. (c) Et quod diximus de fratribus, ut unus alii succedat per pactum, idem dicendum est de filiabus, si hoc pactum conciliet: Et sic per pactum filiae succedunt. (d)

ELABORATIO.

(a) Et hoc regulare esse scribit *Schneider* p. 6. de *success. collat.* n. 37. & feudi novi eam esse naturam docet *Mozz.* d. *div. feud.* n. 56. etiam si illi, puta duo vel plures fratres in una investitura feudum simul acquisiverint c. 1. §. *filia.* de *succ. feud.* 1. *feud.* 8. *Sonsb.* de *feud.* p. 9. n. 80. *Rosenb.* c. 7. *concl.* 119. Investitura enim simultanea per se sola jus succedendi non tribuit c. 1. §. *sin.* *aurem: qui feud. dar. poss.* 1. *feud.* 1. & c. 1. de *duob. fratr.* à *Captin.* *invest.* *Göden.* *conf.* 16. n. 19. Et hoc procedit non tantum de Jure feudali communi, sed etiam Saxonico, quod hac in re multo strictius est, utpote quod non tantum in feudo novo successio- nem collateralibus negat, sed etiam in feudo antiquo, si in simultanea investitura non permanserint. *LehnR.* c. 31. *Fachs. dist.* 29. *Hartm. Piff.* 2. q. 20. n. 19. *Wesemb.* c. 6. n. 16. Et ita quoad utrumque jus in linea collateralis accrescendi jus locum non habet. (b) Imò quandoque etiam sine pacto expresse frater fratri succedit in feudo, idque Domino sciente, ne Dominus cogatur invitus admittere alium vassallum, quam quem accepit *cap. un. de fratr. de nov. benef. invest.* 2. *feud.* 12. Et quidem 1. Si fratribus simul habitantibus unus ex illis de bonis, quæ habent adhuc communia, feudum emisset, Domino conditionem fratrum haud ignorante; tunc enim unus alteri succedit. d. c. *un. d. fratr. de novo benef. invest.* 2. *feud.* 12. *Rosenb.* de *feud.* c. 7. *concl.* 126. *Sonsb.* p. 9. n. 81. 2. Si fratres in bello simul feudum aliquod acquisivif-

sent cum Domino adversus hostem militantes *d. c. un. Mozz de div. feud. n. 56* 3. Si frater de propriis etiam suis bonis feudum emat & suo & fratris nomine. *d. c. un. Schneidew. p. 6. de succ. collat. n. 3. diff. Hostom. in disp. feud. c. 19. cui respondet Vult. d. feud. lib. 1. cap. 9. n. 106.* 4. Si cuilibet fratrum feudum datum esset in solidum, defuncto uno, alteri nihil decedit, sed superstes feudum totum retinet, non tam jure successionis vel jure accrescendi, quàm jure proprio *Curt. Jun. p. 2. de feud. laicorum. n. 78. Zas p. 8. n. 27.* 5. Si specialis sit consuetudo ut collaterales sibi invicem in feudis succedant. *Laud. inc. 1. §. 6. quia n. 12. d. bis qui feud.* Cujusmodi consuetudo est in regno Siciliæ, teste *Petr. de Gregor. intr. de feud. concess. p. 5. q. 4. n. 11.* (c) Quod enim jure cautum non est, id caveri potest pacto. *Vult. lib. 1. feud. cap. 9. n. 105* Pactum liquidem ejus est efficaciz, ut id, quod lex non dicit, fieri permittat. *Schenck Baro hic.* Et ut loquitur *Schrad. d. feud. p. 10. sect. 3. n. 17.* Pacta sunt fortiora dispositionibus legum, & statutorum, iisque derogant. *l. pacisci 3. ff. de pact. dor. l. 1. §. si conveniat. ff. de pos. l. contractus. 24. ff. de R. J.* [d] Modo cum filiis non concurrant, sed solæ sint; aliàs enim filii præferrentur propter naturam feudi, quæ in eo consistit, ut quamdiu masculus extat, foemina non admittatur: Id quod etiam procedit in feudo foemineo: *juxta c. un. de feudo foemina. 2. feud. 30.* ubi hæc habentur verba: *Quia si ideo quod est foemineum, sine pacto non transit in foeminas, eadem ratione, quia est foemineum, transit in foemineam prolem, etiam masculis extantibus; quod falsum est.* Et sufficit quod pactum in hoc aliquid operetur ut foemina, quæ aliàs feudi successionem sunt inhabiles, vi pacti amittantur. Quæritur autem: An unius familiæ consuetudine induci possit, ut foemina succedat? Resp. ad hanc quætionem *Zafius p. 8. n. 42.* distinguendo: Aut loquimur de feudo quod familia conferre debet; Aut loquimur de feudo quod ab aliis confertur alicui ex familia; Priori casu subdistinguendum est inter feudum paternum & novum. Quoad illud consuetudo non procedit, quoad hoc verò omnino. Posteriori verò casu consuetudine hoc introduci nequit in præjudicium Domini ut foemina

minx ad successionem admittantur *arg. l. non debet ff. de R. 3. Schneidew. in epis. feud. de succ. feud. ab. intest. n. 33. Mozz. d. subst. feud. n. 95.*

AN MARITVS SVCCE- DAT UXORI IN BE- NEFICIO.

T I T : XV.

Legunt quidam Rubr. hoc modo : Quo ordine succedant filii in bonis matris. Verùm rectius legitur Rubr. ita : An maritus succedat uxori in beneficio. Prima enim pars tit. tractat de hac questione, ut nigrum ostendit. Secunda verò demum pars de successionem filiorum in bonis matris.

CONTINVATIO.

Postquam jam traditi sunt in præcedentibus aliquot casus, in quibus non habet locum successio in feudum, nisi specialiter per pactum hoc sit actum; & tamen ultra prædictos casus adhuc alii dentur, ideò illi ipsi in hoc præsentis titulo meritò exprimuntur. Dispersitur autem hic titulus tam à *Zafio p. 8. n. 39.* quàm *Alvarotto adh. t.* in quatuor partes, sed diversimodè. Ille quidem ita : ut prima pars in se contineat assertionem veram; Secunda, opinionem falsam; Tertia, objectionem contra primam assertionem; Et Quarta solutionem. Hic verò textui convenientius hoc modo. In Prima parte declaratur, an Maritus succedat uxori in feudo. In Secunda; An filius succedat Matri in feudo foemineo. In Tertia; An succedatur capitaneis, vel Majoribus Valvasoribus seu minoribus in feudo. In Quarta movetur dubium, quid juris sit in Minimis valvasoribus.

TEXTUS.

T E X T U S.

SI foemina habens beneficium & Maritū moriatur, nullo modo succedit in beneficium maritus ; [a] Nisi specialiter investitus fuerit. [b] Et si ipsa foemina filios dimiserit, [c] dicunt quidam, filios non debere succedere in beneficium matris, nisi specialiter sit dictū, vel investiti fuerint; quia secundum usum Regni ad beneficium vocantur paternum & non maternum. [d] Sed secundum æquitatem dicamus filios debere succedere. [e] Hoc dicimus de Capitaneis, & de maioribus valvasoribus & de minoribus: de minimis autem, & de his qui beneficium tenent à maioribus valvasoribus [f] sic servetur, sicut inferius dicemus.

ELABORATIO.

[a] Licet enim de Jure communi non existentibus propinquis in bonis allodialibus maritus succedat uxori, & è contr. l. 1. *C. unde vir & uxor.* : tamen in bonis feudalibus sibi invicem non succedunt *b. n. text. & c. 1. de invest. quam Titius accep. à Sempron. 2. feud. 13.* Sive feudum sit antiquum, sive novum. *Alvaroz.*

Alvarott. b. 1. Imò etiam si statuto caveatur, ut uxore sine liberis defuncta maritus dotem lucretur, tamen ejusmodi statutum simpliciter loquens, in feudo dotali locum non habet, teste *Fult. lib. 1. cap. 9.* Quemadmodum vice versa statutum disponens, ut marito defuncto uxor certam partem in bonis ejus lucari debeat, ad feuda non extenditur, ut scribit *Schneidero. in epit. feud. p. 6. cap. 2.* Et quod magis est, nec pactum de feudo dotali roto, vel aliqua ejus parte lucranda, subsistere potest, *secundum Sonst. de feud. p. 9. n. 15. & seqq. Zaf. in part. 8.* Utenim non potest vasallus quippiam in præjudicium eorum facere, quorum inter est *c. 1. de alien. feud. patern. 2. feud. 39.* ita nec in præjudicium Domini, cujus interest feudum ad aliū non devolvi, ne ei invito agnascatur vasallus, contra *c. 1. in fin. de fratr. de nov. benef. invest. 2. feud. 12.* [b] Tanquam de feudo proprie & recto; Tum enim investituræ ejusmodi virtute succedet. *c. 1. de invest. quam Tit. accep. à Semp. 1. feud. 13.* Diversum igitur, si tanquam de feudo dotali investituram accepisset. Nam ea soluto matrimonio caret nomine & effectu, utpote dote ad heredes mulieris, si qui essent, redeunte. *Schenck Bero ad h. tit. n. 1.* [c] id est, si forma post mortem filios reliquerit. [d] Per Regnum intelligit hic *Alvarottus* Italicum & Teutonicum juxta tit. *hic finitur lex deinde consuet. regni incip. 2. feud. 28. tit. de pace tenend. int. subd. & jur. firm. 2. feud. 53. tit. de probib. feud. alien. per. Frieder. 2. feud. 55.* Ratione autē textus hanc tradit *Cujac. ad tit. 11. lib. 1. de feud.* Quia filii illi sunt cognati non agnati. In feudis verò soli agnati non cognati succedunt. Sed textui convenientior ratio hæc est, quia et si regulariter jure feudorum cautum reperitur, feuda esse transitoria ad heredes, tamen jura illa tantum de feudo paterno loquantur, non autem de materno Aliās an. Sed hic textus sit accipiendus de feudo paterno, an materno, inter se non conveniunt *FF. Alleg. Cujac. d. l.* putat textum loqui de feudo paterno. Verum contra textus verba & mentem. Quod hoc demonstrari potest modo. 1. Quia in textu dicitur: Si forma feudum habens. Cum n. iisdē utatur verbis textus in *1. an. de feud. sum. 2. feud. 30.* atque ea de feudo, quod à muliere originem habuit, ibi accipiantur, videntur sane etiam hoc loco

eandem habere sententiam. 2. Cujac. opinioni adversatur, quod hic dicitur, quosdam existimasse, filios non succedere in feudo, quod mater habuit, nisi specialiter fuerint investiti. Nam si feudum esset paternum, tum certè ex pacto antecessorum investiti atque vocati esse censerentur, ac penitus falsum esset, eos non investitos esse, quod tamen textus pro certo his ipsis verbis præsupponit. 3. Si textus noster intelligendus esset de feudo, quod à masculo originem habuit, & ex pacto ad fœminam transiit, nulla posset reddi ratio probabilis, cur non secundùm rigorem juris filii succedere deberent. Tandem Cujacianæ interpretationi non satis convenit id, quod pro ratione ipse considerat textus, quia videlicet secundùm usum regni filii ad beneficium vocantur paternum & non maternum. Nam si beneficium hoc pro paterno reputandum esset, vel ob hoc ipsum filii magis succedere deberent, cum hæc sit natura feudi paterni, ut, etsi semel ad fœminam pervenerit, tamen ea defuncta, ad filios potro trāseat exclusus etiam filiaabus *c. un. de eo qui sibi vel hered. juv. masc. 2. feud. 17.* Et hanc sententiam quod nimirum textus noster loquatur de feudo materno vel fœminæ, etiam *Borcholt. in tr. feud. cap. 7. n. 39.* quialàs ferè in omnibus Cujaciani sequitur, apprehendit. [c] Et ratio est, quod mater non minus filiis quàm filiabus benè consultum, & iis aliquid acquisitum esse velit. Exinde insuper colligi potest 1. Quod distinctio illa inter Jus strictum & Aequitatem non sit omnino rejicienda, licet *Zasius ad l. 2. §. prius ff. de vulg. & pupill. substit.* scribat, illam esse miserorum solutionem. Sic confirmant eam *l. 18. ff. d. LL. l. 20. & seq. de reb. cred. l. 13. in pr. ff. de lib. & posth. l. generaliter. §. si quis servo. ff. de fideic. libert. l. 2. §. 5. in fin. ff. de aqu. & aqu. pluvi. arc. 2.* Quod in dubiis controversiis etiam feudalibus semper æquior sententia sit arripienda, juxta *l. in omnibus. 93. ff. de R. J.* Quæritur autem hic. An filius naturalis in feudo matri succedat? Quod affirmandum videtur propter nostrum textum, in quo simpliciter fit mentio filiorum; Et pater ex *l. 2. 8. unde cogn. l. pen. C. ad Scrum. Orph. l. 1. §. sed & ff. ad Scrum. Tertull.* quod filii naturales matri succedere queant. Verum textus decisius sat clarus habetur in *§. naturales. fide feud. benef. cont. su. int. dom. & agnat. vass. 2. feud. 26.*

ubi naturales quorsus à successione feudi arcentur, idque honestatis potissimum gratia, quam semper colendam censet Justin. in l. si qua illustris. ad Scutum Orphis. ne impudicis amoribus frena laxentur; ne concubinarum amplexus iusto matrimonio nobiles aliiq; vasalli præferant, sed iustis nuptiis sobolem procreent, paternæ hereditatis & conditionis successorem, ut ex Sichenk Barone scribit Harem. Pistor. lib. 2. q. 40. n. 2. Nec obstat hic noster textus generaliter loquens. Nam illa generalitas in d. §. naturales, restringitur. Non enim rarum est tam in Jure Civili, quàm feudali; ut unus textus generaliter loquens, per alium restringatur. Sic etiam parum ad rem faciunt textus & leges pro contraria sententia allegatæ; Agnoscimus enim hic lubentes differentiam inter Jus civile & feudale. [f] Verba hæc subfeudum inferunt, quod nihil aliud est, quàm utile Dominum, à vasallo, in re immobili, vi juris, quod in illa habet, alteri æquè habili, sub obligatione ad fidem ipsi adhibendam, concessum, eodem modo, quo vasallo feudum à suo Domino constitutum. Quam definitionem infra explicabo, & simul ea, quæ ad hanc elegantem materiam spectant, sum traditurus. Interim hic queritur, Q. 1. An subinfeudatio sit licita? Hotom. disp. feud. c. 34. & ad §. callidis. de prohib. feud. alien. 2. feud. 55. quidem statuit, quod olim quidem vasallis licuerit subinfeudare, post constitutiones vero Lotharii II. & Frideric. 1. Imp. in quibus omnis alienatio est prohibita, non amplius liceat. Verùm Hotom. refutat non tantum nostri textus, sed etiam tit. 3. lib. 2. feud. ubi dicitur, quod permissum sit vasallo beneficium alteri rursus dare in feudum. Et d. §. callidis d. prohib. alien. per Frid. 2. feud. 55. ubi scriptum, quod & ipsum sincere, hodie & sine fraude licet ei facere. Ratio autem permissionis est, quia dominium utile, quod ipse vasallus habet, non transfert in alium & adhuc manet vasallus ac obligatus est ad fidem & servitia Domino, qui ipsi feudum concessit; Sed solum aliud utile dominium subalternatum priori, seu subfeudum alteri constituit, & eo ipso utile suum dominium, quod se respectu inferioris seu subalternati habet ut dominium directum, exercet. Imò vergit hæc vasalli de feudo dispositio in Domini commodum, quippe cui vasallus melius præstat

stat servitia, eum & ipse vassallus sub vassallorum fideli sit sit patus
 ope. *Magnif. Dn. Frantz K. in tr. d. laudem c. 14. n. 32. & seq. Hartm.*
Pflor. lib. 2. q. 44. n. 2. Andr. Kobl. in tr. de subinfeud. c. 1. m. 3.
 Atque sic non necesse est, ut cum *Vultej. lib. 1. cap. n. 13.* ad ulti-
 mum illud se extricandi remedium confugiamus, nimirum
 non omnium quæ in Jure nostro constituta sunt rationem reddi
 posse. Accedit et hoc, quod subinfeudatio olim valuerit, quod
diff. Hotom. concedit. Quoniam autem specialiter non reperitur
 abrogata, quare stare prohibeatur *arg. l. precipimus. 22. C. de*
appell. Nec obstat, quod non liceat vasallo usumfructum in re
 feudali constituere. Rectè enim resp. *Dn. Struve in Syntagm. jur.*
feud. diff. 1. ab. 9. Aut enim intelligitur per usumfructum jus quod-
 dam percipiendi fructus, durans quamdiu vivit vasallus, & hoc
 licet alteri concedere: Aut usumfructum formaliter ita dictum,
 & inter hunc ac sub feudum magna intercedit differentia. Illa
 namque servitus secundum naturam suam coheret personæ, cui
 conceditur, & demum cum ea exstinguitur, ac sub nulla lege
 præstandæ fidei atque servitiorum conceditur; subfeudum ve-
 rò est dominium utile subalternarum, & subsistit, quamdiu sub-
 sistit dominium utile, cui subalternatur in persona constituentis
 subfeudum ejusque filiorum, & conceditur sub eadem obliga-
 tione, qua ipsum feudum constitutum: Unde apparet feudum
 quidem admittere sub feudi, sed non ususfructus formaliter ita
 dicti, constitutionem. 2. Quæri hic potest, An & feudum re-
 gale alteri possit in subfeudum concedi. Distinguiamus cum
 alleg. *Dn. Kobl. d. tr. d. subfeud. c. 1. n. 7. & c. 2. 9.* inter feudum re-
 gale totum & partes ejus. Totum feudum regale, e. g. ducatus
 in subfeudum dari non potest, quia tale feudum comprehendit
 ea, quæ non nisi ab Imperatore concedi possunt. *feud. 14. & 2.*
feud. 10. diff. Rosenth. c. 9. concl. 44. n. 10. & conf. n. 3. Quædam ve-
 rò ipsius bona particularia rectè in subfeudum dantur, modo id
 fiat absque notabili detrimento v. g. Ducatus, eum licet territo-
 rium, ut universum quid in feudum recognoscatur, harum ta-
 men rerum singularium dominium directum ad investitos de
 Ducatu spectare, tradit *Magnif. Dn. Frantz K. d. c. 14. n. 35. & seqq.*

DE FEVDIS DATIS MI-
NIMIS VALVASORIBUS
QVID JURIS
SIT,

T I T : XVI.

CONTINVATIO.

Ultima tit. præced. verba ostendant, quomodo hic titulus cum illo connecti queat. Postquam enim in ante dictis actum est de Capiraneis, majoribus & minoribus vasallis, & ostensum, quid juris habeant in feudis ipsis concessis; agendum nunc erit etiam de minimis valvasoribus, & deducendum quid hi juris habeant in feudis.

T E X T U S.

Si minores valvasores beneficium tollere voluerint minimis valvasoribus, licet eis facere; [a] Excepto, si beneficium vendiderint eis. [b] Si verò pretium de beneficio acceperint, tunc aut pretium reddant, aut beneficium dimittant. [c]

S 3

ELA

ELABORATIO.

[a] Etiam non habitā ratione culpæ *cap. un. de natura feud. 1. feud. 7.* Rationem autem hujus Juris talem hic reddit *Hottom.* quod feudum à minore valvasore in minimum collatum, proprium non feudum, sed feudastrum dicatur, ac jure feudi non censeatur, hoc est propriam feudi naturam & conditionem non habeat. Propria siquidem feudi natura est, ut non nisi instituto iudicio per judicem auferri queat. Hodie verò non possunt minores valvasores minimis suis valvasoribus quādocunque velint feuda auferre, etiam restituto pretio, uti nec possunt iisdem feuda auferre sine causa cognita, & convicta culpa. *c. 1. de feud. sine culp. non amitt. 1. feud. 21.* [b] Hæc verba Cujacius negativè legit, sed non rectè; contextus enim illam repudiat; siquidem compilatores regulæ præcedentis volunt tradere exceptionem, quod tamen non fieret, si hæc verba negativè legerentur. Quæritur ergo ad hunc textum: An feudum pecunia acquiri possit. Quod affirmandum, non tantum propter nostrum textum, sed etiam propter *c. 1. qui feud. dare possunt 1. feud. 1. cap. 1. de feud. Guard. 1. feud. 2. c. un. de nat. feud. 1. feud. 7. c. 1. de benef. fratris 1. feud. 20. &c. ad nostram. X. de reb. Eccl. non alien. Nec obstat 1. c. un. infr. de feud. dat. in vicem leg. com. 1. feud. 27.* ubi generaliter traditur, feudum pecuniā non esse acquirendum; ita enim sonant verba illius textus; Feudum enim non sub prætextu pecuniæ, sed amore & honore Domini acquirendum est. Quoniam in eo, non negatur feudum pecuniæ interventu constitui posse, sed dicitur feudum sub prætextu pecuniæ non esse acquirendum. Aliud autem, est feudum acquiri pecuniæ prætextu, aliud pecunia interveniente constitui. Principium & causa impulsivā feudi constituendi debet esse amor & benevolentia dantis erga accipientem, & vicissim honor atque reverentia accipientis erga dantem, non pecunia; quoniam eo ipso, quod prætextu pecuniæ acquiritur, satis innuitur, feudum non ita constitutum, nisi pecunia solveretur. Non est autem absurdum, ut ei, cujus principium est ab amore & honore, postea ac-

cedat

cedat pecunia *Aliter ad huc. resp. Gl ad d. c. 1. de benef. fratr. 1. feud. 20. 2. non refragatur, quod feudum sit beneficium, item benevola actio, c. 1. in fin. in quib. caa feud. amitt. 2. feud. 23. quæ utique pecuniam sive pretium non admittit. Resp. enim, feudum non desinere esse beneficium, etiamsi pecunia interveniat, quoniam non omne beneficium est absolute gratuitum, ut est textus expressus in l. 3. ff. de obseq. parent. & patron. præstand. add. Vult. de feud. lib. 1. cap. 8. n. 44. Porro controversitur inter Feudistas, An hoc feudum emtum sit propriè sic dictum feudum? Putat. Vult. d. lib. 1. c. 8. n. 45. unicum. Somsb. p. 2. n. 7. & seq. hoc affirmare, sed in hac affirmative sententia etiam reperitur Bocer. de qual. & dist. feud. c. 5. n. 62. ut & Knichen. de pact. invest. p. 1. c. 3. n. 207. Et certe hæc sententia non est absorta; quoniam enim hic tantum est differentia in modo, quo constituitur feudum; modus autem non intrat essentiam sive naturam rei, sed est extra eam; Ideò pretium interveniens non potest impedire, quominus hoc feudum proprium sit dicendum. Imò in feudo emto adhuc manet beneficium, quod Dominus nimirum vassallum in suam clientelam recipiat. Camerar. in. c. imperialem. §. præterea Ducatus. d. probib. feud. alien. per Frider. 2. feud. 55. Nonnulli, ut Alvarottus hic cum Gl. opinantur, distinguendum esse; An magno vel æquivalenti pretio feudum sit emtum, an verò modico. Ita ut priori casu feudum sit pro improprio habendum; posteriori verò casu pro proprio. Verum hæc distinctio non tantum est sine textu, sed etiam sine ratione; quid enim quantitas pretii potest facere ad feudi proprietatem vel improprietatem? Proinde alii simpliciter & indistinctè statuunt, feudum emtum esse improprium. Quoniam pretium & liberalitas simul stare nequeunt. Et hæc opinio licet sit teste Borch. d. feud. c. 4. n. 26. & Gabriel. com. concl. lib. 2. sub. tit. de feud. concl. 2. in pr. communis, tamen ex præcedentibus facile rejici potest, Ut autem nostram etiam in hac controversia sententiam prodamus, dicimus, Feudum improprium duplicis esse generis: Vel enim essentia feudi non perfectè adest, vel essentialia quidem perfectè adsunt, sed recedit feudum à communi feudi natura. Posterioris generis impropria feuda [quale etiam est feudum emtum]*

emtum] ea consideratione referenda sunt ad propria, quatenus
 nimirum in iis essentialia feudi perfecte sunt. Quod tali ex
Dn. Struv Syntagm. Jur. feud. disp. 4. tb. 1. in exegesi de sumto ex-
 emplo declarari potest. Quemadmodum enim, quando pacto
 contractuum natura quoad culpam e. g. prestationem est
 immutata, contractus tamen non est improprius: Ita quoque
 feudum, quod omnia essentialia habet, in naturalibus ran-
 tum à communi feudi natura, sive propter pactum, sive pro-
 pter singularem ipsius feudi constituti conditionem, recedit,
 non est eo sensu improprium; Verum cum huiusmodi feudum
 non habeat feudi propriam naturam, id eo respectu etiam im-
 proprium vocari potest: Quid verò 3. dicendum, si feudo em-
 to fuerit adjectum pactum de retrovendendo, eritne ejusmodi
 feudum proprium an improprium? Est quidem feudum impro-
 prium eo respectu, quod possit communem feudi naturam pre-
 tio restituto revocari, sed in omnibus aliis naturam feudi pro-
 priam retinet; adeoque nec ad foeminas, nisi aliud sit in investi-
 tura cautum, transit. *vid Hartm. Pift. 2. obs. 34. n. 7. Mynf. §. 73.*
n. 4. Diff Rauchb. lib. 1. q. 37. n. 6. & seqq. (c) Sciendum hic, voca-
 bulum (verò) positum esse pro enim. Nam alias nullus con-
 gruus sensus esset in hisce verbis; siquidem verba hæc præceden-
 sis exceptionis rationem, non verò diversitatem quandam im-
 portare debent. Rationis autem huius ratio talis dari potest; quia
 nemo duplici damno est afficiendus, & bona fides non patitur,
 ut aliquis consequatur rem & retineat pretium *t. bona fides §. 10. ff.*
de act. emt. (d) id est, feudum relinquant penes vassallum.

QVIBVS MODIS FEV- DVM AMITTA- TUR.

T I T : XVII

P Utat quidem Alvarottus, Rub. hanc cum *Gl.* quam ferè in
 omnibus sequitur legendam esse hoc modo: Hic potest esse
 titulus;

titulus, quibus modis feudum amittatur. Sed additione hæc non est opus, si modo aliquis continuationem bene memorie mander.

CONTINUATIO.

Potest autem dupliciter continuatio fieri, primò secundùm ea, quæ supra diximus *ad tit. 5.* hac ratione : postquam nimirum *in d. tit. 5.* non omnes traditi sunt de modi amittendi feudum, sed multi omissi, ideo qui ibi sunt omissi, in hoc & aliis titt. sequentibus traduntur. Melior autem continuandi ratio est talis. Quoniam in titt. tribus proximè præcedentibus traditum est qualiter Capitanei & valvasores majores & minores non possunt disvestiri, & feudo privari. Minima autem valvasores omninò. Dubitari verò potest, an dicti Capitanei, Majores ut & minores Valvasores possint cum causa medianze culpa devestiri; Idcirco annectitur hic titulus, in quo traduntur certæ causæ, ex quibus prædicti valvasores feudis suis privari possunt.

T E X T U S.

SI Capitanei vel Majores valvasores, qui hodie vocantur capitanei, (licet impropriè dicantur) vel minores (a) seniores (b) in bello dimiserint, (c) vel si credentiam adeorum damnum scienter manifestaverint, (d) si valvasores seniorum uxores adulteraverint, (e) si scienter seniores assilierint, (f) vel similes culpas commiserint, (g) beneficio carere debent. (h)

T

ELA-

ELABORATIO.

[a] Textus hic communiter & ab omnibus, quos habemus videre licuit, ita legitur: Si capitanei vel Majores valvafiores, qui hodie vocantur capitanei [licet improprie dicantur minores] seniores &c. Verum mihi videtur non rectè; Nam nullo juris feudalis textu, quantum ego deprehendere potui, legitur, quod Capitanei dicantur minores valvafiores, etiam improprie, sed hoc scriptum reperitur, quod majores valvafiores dicantur nonnunquam Capitanei, licet improprie. Deinde quid minus minores ex culpis, quæ in hoc presenti titulo exerceantur, feudo privantur quàm majores aut Capitanei. [b] id est Dominos. Vocantur autem Domini seniores, non ratione ætatis, sed honoris causâ. [c] Hujus juris ratio est, quod ex infamafidelitatis Domino à vasallo præstandæ vasallus non tantum consilium, sed etiam auxilium Domino præstare debet. *c. 1. q. 1. quia non sufficit. de nov. form. fidel. 2. feud. 7.* Et hoc auxilio Dominus tum maximè opus habet, cum in bellum proficiscitur. Nec excusationem habet ex eo, quod Dominus portatur victoriam, quod illæsus evadat. *Rosenth. c. 10. concl. 9.* Vasallus enim, quantum in se fuit Dominum periclitantem deseruit, & Dominum præsidio orbaturum hostibus objecit. *Rittersb. c. 5. q. 2. l. 1. non juvat vasallum, si in prælio quidem maneat, non tamen pugnet, sed tantum inspiciat. x. fin. de feud. sine culp. non amittit. feud. 21.* [d] id est secreta Domini manifestaverit. Propter hoc autem delictum feudo merito privatur vasallus. 1. Quia peccat violando juramentum *c. un. de nov. form. fid. 2. feud. 7.* 2. Quia is, qui revelat secreta hostibus vel inimicis &c. infamarius & proditor censetur. *Andr. de Isern. ad b. n. text. c. 1. de infam. d. Afflic. n. 3. l. 22.* 3. Quia secretorum revelator alibi pro hoste habetur. *arg. l. omne delictum c. 6. exploratores ff. de mille. Angel. conf. 207. col. 5.* Unde etiam Anciani Senatores vel alii officiales civitatum, contra juramentum præstitum revelantes secreta vel credentias sibi commissas, ab officio remouentur. *Bald. ad s. 1. verb. credentias n. 2. de pac. constant. Par. de Pac. l. 1.*

de Synd. 1. par. Rubr. de excess. conf. n. 4. Nec interest verbis, literis, vel signis, vel quolibet alio modo vasallus secreta Domini revelaverit. Tum quia consuetudines feudales, & inter illas n. text., inter modum revelationis non distinguunt; Tum quia regulariter non curatur de modo, dummodo constet de effectu l. cum servus. 104. d. V. & ibi Br. Iason. & Dd. Ut autem vasallus ex hac causa feudum amittat, hæc tria à FF. desiderantur, 1. Ut vasallus id fecerit scienter & dolo malo h. n. text. in verb. scienter. 2. Ut id fecerit afficiendi Dominum damno, 3. Ut id damnum inde reverà sit securum. Quod ultimum licet etiam exigat Rosenb. c. 10. concl. 30. Tamen contraria sententia nobis verior esse videtur. 1. Quia consuetudines FF. & ex illis n. textus, ad hoc ut vasallus propter revelationem secretorum feudo privetur, tantummodo requirunt, ut hæc revelatio scienter & ad damnum Domini facta fuerit, nec ulterius exigunt, ut post hanc revelationem damnum secutum sit; Nunc autem certum est, id quod lex non requirit, nec nos requirere debere arg. l. ita autem §. in pr. ff. de administr. tut. vel cur. & ibi Bart. 2. Quia vasallus revelans secreta Domini, crimen proditoris contrahit, ac contra juramentum fidelitatis peccat; alit certum est, eum, qui crimen proditoris committit, & juramentum fidelitatis violat, indistinctè feudo privari. Andr. de Isernia & Matth. de Affl. c. ad c. 15. porro. que sint prim. caa. amitt. feud. Nec faciunt pro diff. Rosenb. verba nostri textus: ad eorum damnum, ut & c. 1. de form. fidel. 2. feud. 6. ubi dicitur; ne sit ei in damno de secreto suo; Nā quando non stat penes delinquentē, ne damnum fiat, idē est, ac si damnum reverà fuisset subsecutum. Et hic potius animus delinquentis, quàm exitus atq; eventus erit inspiciendus. Ac uti vasallus feudo non privatur, quando ex revelatione absque tamen dolo & animo damnificandi facta, Dominus damnum sensit, quod ipse diff. Rosenb. concedit ita à contrario sensu, vasallus feudo privandus, quando dolo & animo damnificandi secreta Domini manifestavit, licet damnum fuerit postea impeditum. Queritur Quinque Insuper hic: An noster textus etiam sit intelligendus de tali casu, ubi vasallus secreta Domini sui facta revelavit? Quod affirmandum cum Marb. d. Affl. c. 1. n. 8. d. form. fidel. 2. feud. 6. Schrad.

der. de feud. p. 9. c. n. 44. cum quia regulariter quoad delicta inter dicta & facta non est differentia *l. de quibus. 32. ff. d. 11.* tamen quia textus generaliter dicit, vassallum scienter revelantem credentiam Domini ad damnum, feudum perdere. Tum quia etiam generaliter in *d. c. 1. de form. fidel. 2. feud. 6.* scriptum est quod vassallus non debeat Domino suo esse in damno de suo secreto. Nunc autem certum est, quod lex generaliter & indistincte loquens, generaliter sit intelligenda *arg. l. 1. §. cum urbem ff. de offic. praefect. urb. l. 3. ff. de offic. praesid.* Unde etiam non juvat vassallum vel à poena privationis relevat, si extraneis aut etiam amicis Domini secreta revelaverit, uti nec in eo casu, ubi alii hae secreta jam sciunt. Nisi factum sit omnibus notorium. *vid. Hier. Gigac. in tr. d. crim. lesa majest. rubr. quem ea quod crim. lesa majest. committ. q. 21. n. 8. (e)* Videnda sunt ea, quae supra ad tit. c. diximus. Hic tamen non absre adhuc instituitur questio. An vassallus, quando alteri opem praestitit, ut cum uxore Domini, sui rem habere potuerit, feudo carere debeat? Et pro negativa facere videtur 1. quod verba textus nostri, ut & aliorum textuum, poenam amissionis feudi irrogantia vassallum, sunt concepta non in rem, sed in personam. Consuetudo autem vel statutum non patitur se extendi. 2. Quod ille, qui opem tantum praestat delinquenti non verè sed fidei deliquisse censetur *Bart. ad l. is qui opem. ff. de furt.* Verba verò contrarium inis vel statuti in dubio in casu proprio intelligenda sint, nec ad casum fictum vel improprium extendenda *l. 3. §. hac verba. ff. de neg. gest. §. ibi Br.* Tamen affirmativa sententia verior esse videtur. Non enim dubitari potest, vassallum, qui alteri praestat auxilium vel opem ad hoc, ut Domini vel persona vel honor laedatur, reverà in Dominum delinquere *2. l. in quibus caus. feud. amitt. 2. feud. 23. cap. 1. de nov. form. fidel. 7.* Controvertunt etiam duo insignes Feudistae inter se, nempe *Q. Rosentb. & Schraderus*, An foemina vassalla feudo privari possit, si cum marito Dominae suae rem habuit. Ille *cap. 10. concl. 1. n. 33.* affirmat hoc 1. quod dispositiones feudales sub masculo jam foemininum genus suis casibus comprehendant. 2. quod Dominae gravior injuria, quam si cum marito ejus vassalla adul-

terium committat, inferri non potest. Atqui ob injuriam factam Domino vel Dominae vassallus ab vassalla feudo privatur *d. l. 1. de form. fidel. 2. feud. 6.* Hic verò *p. 9. sect. 14. n. 58. in verbis: idemque judico &c.* hoc ipsum negat. Nos Rosenthalii retinemus opinionem tamdiu, quamdiu diversitatis ratio inter masculum & feminam quod ad hanc rem non ostenditur. [f] Dicitur verò vassallus assilire Dominum, juxta *Matth. de Assil. ad b. l. 1.* quando ipse ita propinquus Domino factus fuit, ut ipsum verberare potuisset; In castrum autem Domini insultum fecisse, si ipse adeò prope accesserit ad castrum Domini, ut vel in castrum Domini tela ex balistis vel bombardis mittere, vel castrum Domini oppugnare possit. Nec inter est 1. vassallus solus sive cum aliis Dominum solum vel cum aliis *arg. l. 1. in fin. l. cum 18. §. si nupta. ff. d. injur. 2.* Eques vel pedes, sive in terra, sive mari assilierit. 3. Si ve post insultum sive aggressionem violentam aliud secutum fuerit, nec ne *Schader. defend. p. 9. cap. 3. n. 9. 10 & 11.* In maleficiis enim ejusmodi voluntas spectatur, non exitus *l. Divus Hadrianus. 14. ff. ad L. Corn. d. Sicar.* Quocirca tanquam delinquens, & talis, qui juramentum fidelitatis violavit, feudo erit privandus. Verbum tamen [scienter] quod in hoc textu reperitur, refutat *Gr. & Schaderum. p. 9. cap. 3. n.* putantes nihil quoque interesse, sciverit vel ignoraverit vassallus Dominum in castro esse. Quod ipsum admitti quidem potest, si ignorantia vassalli fuerit crassa, supina vel affectata. Aliàs rectè *alleg. Schaderus d. l. n. 9.* limitat textum nostrum, si vassallus assilierit Dominum vel castrum Domini animo non principaliter offendendi Dominum, sed animo offendendi vel lædendi eum, cui Dominus adhzrentiam facit, vel opem & auxilium præstat. 1. Quia in omnibus actibus, ea quæ principaliter, non autem ea quæ in consequentiam fiunt, consideranda sunt *arg. l. si quis. 4. ff. si cert. per. & ibi Jason.* 2. Quia uti statutum aut consuetudo, imponens certam poenam turbantibus statum civitatis, intelligitur tantum de his, qui principaliter statum civitatis turbant, nec extenditur ad illos, qui secundariò vel occasionaliter statum civitatis turbant; *Bald. ad. l. 1. §. Anjus. ff. de j. & j. n. 1. ita & noster textus non est extendendus ad eum, qui secundariò & occasionaliter saltem Dominum of-*

fendit. Cùm textus penam inferens per se extensionem nō
facile admittat. Quæritur autem hic, An scientia, an verò ig-
norantia sit probanda; vel an Domino incumbat probare scien-
tiam, an verò vasallo ignorantiam. Videtur quidem dicendum,
quod Domino, qui scientiam & dolum allegat, probandi onus
incumbat, juxta *l. quotiens. 18. §. qui dolo. 1. ff. d. probat.* Verum
quoniam in proposito casu præsumtio pugnat contra vasallum,
qui facit contra formam fidelitatis, in *c. 1. de nov. form. fidel. 2. feud. 7.* præscriptam, idcirco ipsi tanquam rem per se illicitam
perpetranti incumbit onus probandi, se nimirum ignorasse Do-
minum suum esse, vel Dominum in castro alterius esse. Et reg. illa,
ex *d. l. quotiens. 18. §. qui dolo. 1. desumpta*, aliàs fallit, ubi dolum
præsumitur, uti patet ex *tutor qui repertorium. 7. in pr. ff. de ad-
ministr. tut. vel cur. vid. Alvarott. ad b. n. c. n. 6.* [g] Nam si miles
culpe, similem exigunt penam *Bald. ad. b. l. Similis autem ce-
setur arbitrio judicis, secundum c. 1. §. sed quia, que fuit prius
caus. benef. amitt. 2. feud. 24.* ubi dicitur: sed qui natura novæ
deproperat edere formas, potest multis modis contingere, ut
aliæ emergant causæ, quibus videtur justè alicui adimi posse
feudum: Ideoque Judex solers & discretus æquitati obsecun-
dare sollicitus, cuncta subtiliter dispensans, provideat, si qua id-
erit antiquioribus causis similis seu major, ut proinde sciat ut-
rum beneficium sit amittendum, an nihilominus retinendum.
Unde colligendum, quod consuetudines feudales causas feudales
amittendi non prorsus libero arbitrio judicis committant, sed
ita, ut illud secundum expressas reguletur, ne causa ex qua am-
issionem vult arbitrari, expressis sit minor, sed illis vel similis,
vel certè major. Vult. de feud. lib. 1. cap. n. n. 15. Rosensb. c. 10. conl. 7.
[h] Beneficio enim indignus est, qui se ingratum erga benefi-
factorem præbet *Obrecht. d. feud. lib. 4. cap. 2. n. 4.* Et quovis
que vasallus fidei debet non agit consentaneè, toties feudum
amittere debet, Vult. de loc. n. 11.

APUD

A P U D Q V E M V E L
Q V O S C O N T R O V E R S I A
F E U D I D E F I N I A -
T U R .

T I T : X V I I I
C O N T I N V A T I O .

Titulus explicatus jam ostendit, propter quas causas vel cul-
pas vasallus tanquam ingratus & infidelis erga suum Do-
minum feudo privari queat; quoniam vero sæpè vasallus cul-
pam à se commissam negat, & deinde illa privatio non fit ipso
jure, sed mediante sententia, sicque iudex in hac contentione est
necessarius, ideò ostenditur in hoc tit 18. quis nam ille iudex esse
debeat. Dividit autem titulus seipsum in duas partes, in prima
deciditur quæstio: Quis iudex in controversia feudali esse possit
vel debeat. In secunda vero, An feudū à vasallo alienatum, post
mortem ipsius à Domino possit revocari; in verbis: Si aliquis de
capitaneis &c.

T E X T U S .

Si contentio fuerit de beneficio inter Ca-
pitaneos, coram Imperatore definiiri de-
bet; [a] Si verò fuerit contentio inter mi-
nores valvasores & majores de beneficio, in,
Judicio parium definiatur; [b] vel per judi-
cem curtis. [c] Si aliquis de capitaneis, [d] vel
de majoribus valvasoribus vel de minori-
bus suum beneficium sive totum sive partē
alienaverit, & ipse vel hæres ejus sine herede
decesse-

decefferit, quia fenoribus beneficium aperitur, totum quod fecerit, revocari debet. [e]

ELABORATIO.

(a) Præmittendum hic erit necessariò, quod in cognitione causarum feudalium quatuor, imò quinque reperiantur curiæ, in quibus ipsæ causæ possunt ventilari, videlicet curia ipsius Domini, quando coram ipso agitur. 2. Curia parium electorum per partes. 3. Curia omnium parium complexivè 4. Curia iudicis ordinarii. 5. Potest etiam coram arbitro dicta causa ventilari, licet arbitri propriè non habeat curiam. Quod autem verba textus nostri attinet, ratio illorum hæc dari potest, quod magnæ causæ majores requirant iudices. *l. non distinguemus. 32. §. 7. ff. de rebus. arbit. l. placet. 2. in fin. C. de pedan. jud. l. jam dudum. C. ubi causæ fiat. ag. deb.* Et hoc apud omnes Feudistas teste Borch. d. feud. part. 10. Q. n. 2. est sine dubio, Non tamen caret controversia: An eo casu, quo controversia ad Imperatorem spectat, ut si sit de ejusmodi feudis regalibus, etiam Camera Imperialis cognoscere queat? Et quamvis hodie Imperialis Camera per modum contractus ex ordinatione Camerae concurrentem cum Imperatore jurisdictionem habeat. *Gail. lib. 1. obs. 11. n. 5. & obs. 29. n. 2. Schwamm. præf. obs. 4. n. 1.* tamen juxta nostrum textum solus Imperator de Principatu, Ducatu, Marchionatu & Comitatu Imperii cognoscit, & non Camera Imperialis, propterea, quod hic casus etiam in *ordin. Cam. part. 2. tit. 7.* soli Imperatori sit reservatus. Verba siquidem d. tit. 7. ita sonant: Ob auch sachen für sielen Fürstenthumb / Herzogthumb / Graveschafft &c. belangend / so von zu Lehn gehen / so einem Theil gänzlich und endlich abgestrichen werden sollen dergleichen Erkenntniß wollen wir uns / oder in unser abwesen unsern lieben Bruder dem Römischen König hiereta / doch sonst in andern Sachen dieser unser Ordnung ohne abbruchig vorbehalten haben / doch dieselben aus dem Reich Teutscher nation nicht ziehende *Pult. lib. 2. feud. cap. 2. n. 9.* Jurisdictio verò Imperatoris ex consuetudine Medio lanensi non tam ex qualitate personarum, uti Lex Corradi suadet. *c. 1. de Lege Corradi. 2. feud. 34.* quam ex qualitate feudi, quæ aliud regale est, aliud non regale, fundatur. Nam
Anter

si inter capitaneos non de ducatu; Matchionatu, aut Comitatu;
 sed de aliquo alio feudo imperii controversia sit, tunc talis cau-
 sa etiam ad Camera Imperialem, non ad Imperatorem solum
 pertinet. *Gail. d. obs. 19. lib. 1. n. 3.* Unde si partes litigantes prius Ca-
 meram, quam Imperatorem ad eunt, & citationem petunt, præ-
 ventionis jure citatio à Camera decernitur, & causa ibidem agi-
 tatur; hic enim propter jurisdictionis concurrentiam præventi-
 oni locus est per text. in c. cum plures, de offic. deleg. in 6. *Gail. de obs. 19.*
n. 7. ubi aliquot præjudicia cameralia adducit. 2. Queritur: Quis
 nam vacante Imperio, de causis feudalibus ad imperatoris
 Romani cognitionem pertinentibus, cognoscat? Multi quidem
 Præsuli Romano jurisdictionem & cognitionem tribuunt, ur-
 gentes c. licet ex suscepto. X. d. for. com. clem. pastoralis, §. fin. d. sent. & re-
 jud. c. si fratrum. X. ne sede vacante. vid. Bald. ad l. Barbarius. 3. ff. d. offic.
 prat. n. 13. *Alvarott. c. 1. quis dic. Dux. March. feud. 16.* Melius autem
 hujus controversiæ decisio petitur ex Aurea Bucca *Carol. IV. sub.*
Rubr. Von den Nechen des Pfaltzgraven und Herzogen zu Sach-
sen. ubi ita cautum reperitur: Quod vacante Imperio Romano
 Comes Palatinus Rheni, atque elector Saxoniz vices Imperato-
 ris Rom. in omnibus & per omnia sustinere debeant, exceptis
 tantum feudis regalibus Imperii Rom. quodq; negotia feuda re-
 galia spectantia Imperatori futuro reservari debeant, (h) Qui
 sunt Pares Curiz, supra est demonstratum. Loquitur autem tex-
 tus noster de tali casu, ubi unus litigantium certo ex re alia, quam
 controversâ vasallus est, alter autem litigantium vasallus non
 est, ex re tamen controversa se vasallum esse asserit. *Rosenb. c.*
91. concl. 32. Interim tamen Pares Curiz judices etiam sunt com-
 petentes, quando inter Dominum & vasallum ratione feudi est
 controversia, c. 1. §. praterea si inter. d. prohib. feud. alien. per *Frider.*
2. feud. sive sunt laici, sive clerici Schrader. de feud. p. 10. sect. 5. n. 2.
 Questionis a. est apud FF. An pares Curiz habent jurisdictionem
 ordinariam? Quidam opinantur, pares curiz habere jurisdictio-
 nem extraordinariam; prout in hac sententia est *Decius ad c. cæ-*
terum. X. de judic. n. 8. Alii putant illorum jurisdictionem esse su-
 perinductam, accidentalem & præter jus commune introductam
Anton. de Buirio ad d. c. cæterum. X. d. judic. n. 15. Panorm. ibid. n. 13. &
Wurmsfer. prat. obs. lib. 2. tit. d. feud. obs. 22. Verior tamen sententia
 est

est eorum, qui statunt pares Curiz habere jurisdictionem ordinariam. Pro qua sententia ita argumentamur: Quibuscunq; jurisdictio tribuitur ab ipse lege vel consuetudine immediate, illi jurisdictionem habent ordinariam. Atqui pares Curiz jurisdictionem habent ab ipsa lege vel consuetudine. Ergo pares curiz habent jurisdictionem ordinariam. Majoris consequentia probari potest ex l. *et quia. 6. ff. d. jurisd.* Minor vero ex *cap. 1. d. contr. feud. apud. Pares term. 2. feud. 16. c. 1. in pr. de leg. Corradi 2. feud. 34. c. 1. §. prater ea si inter. d. prob. alien. per Frider. 2. feud. 53.* Imò pares curiz unà cum feudo nati sunt judices feudales, ut loquitur *Schrad. d. p. 10. sect. 8. n. 12.* Exinde patet, errare etiam illos qui in hac quaestione distinguere volunt, inter pares curiz complexivè consideratos, & inter pares electos; quali illi jurisdictionem habeant ordinariam; non verò hi. Nam & illi, qui mandante vel disponente lege, ab homine vel hominibus ad officium aliquod jurisdictionem annexam habens eliguntur, judices ordinarii sunt, atq; ordinariam habent jurisdictionem. Sic defensores civitatum, qui à civibus ad hoc officium eliguntur, jurisdictionem ordinariam habere censentur. Rectores etiam Academicarum, qui ad hoc officium per electionem assumuntur, jurisdictionem ordinariam habent, teste *Salicet ad Auth. Habita. C. ne fil. pro parte. n. 10. Vid. Andr. d. l. fern. Matth. de Affili & Laud. ad. d. c. 1. de contr. feud. ap. par. term. Jacob. d. S. Georg. in tr. feud. verb. & dicti vassalli*

Q. 10. Deinde quaeritur: Utrum vi hujus ordinariæ jurisdictionis pares Curiz inviti ad judicandum cogi queant? *Hart. Hartm. obs. 2. n. 8. tit. 54. sibi contrarius in obs. seq. Zaf. part. 11. n. 20. Schenck Baro. à Fautenb. in c. 1. an apud. jud. vel par. cur. n. 4. id negant propter c. 1. de milit. vassall. qui cons. est. 2. feud. 2. c. 1. de leg. Corradi 2. feud. 34.* Verum rectior sententia mihi videtur affirmativa. 1. Quia nullus iudex ordinarius muni judicandi detrectare potest, juxta *Nov. 8.* ubi dicitur, quod judices unicujusq; interpellanti justitiæ administrare secundum Leges coguntur. Cui regulæ tamdiu standū erit, quamdiu non probatur quoad pares curiz exceptio. Sed quilibet ad judicandum cogi potest *l. fin. 6. judicandi. ff. d. mun. & bon. 2.* Quia vassalli jurant tempore investituræ, se ad Domini requisitionem judicare & justitiā velle administrare. Quodlibet autem juramentum ad observantiam præcise cogit. Nec obstant

stant duo illi textus à diff. allegati; intelligendi enim sunt de tali casu, ubi Dominus cogendi pares curiæ non habet facultatem, tunc enim per judicem ordinarium aut superiorem lis dirimenda est, vid. *Clarus § feudum quæst. 90. n. 3. Borch. de feud. c. 10. n. 16. Vult. lib. 2. d. feud. cap. 2. n. 28.* III. Controvertitur inter FF. Utrum in causis feudalibus inter Dominum & vassallum motis, cognitio pertineat ad totam Curiam Parium, sive ad omnes Pares complexivè, an vero ad electos tantum? *Alvarott. ad b. n. tit. n. 1. Matib. de Af. f. l. ad tit. an apud. jud. vel cur. dom. n. 10.* prius approbant, Quia multi textus consuetudinum feudalium indefinite dicunt, quod causæ feudales inter Dominum & vassallum motæ ad cognitionem Parium Curia pertineant, nec ullam de electione mentionem faciunt, ut *c. 1. in pr. de feud. sine culp. non amitt. 1. feud. cap. 1. §. si inter. de alien. feud. patern. 2. feud. 39. c. 1. §. prater ea si inter. de probib. feud. alien. per Frid. 2. feud. 55.* Nunc autem in legum vel consuetudinum dispositionibus indefinita oratio sive locutio in distinctè æquipollet universali. *Dyn. & Cagnol. ad l. 1. n. 11. ff. d. Reg. jur.* Posterior autem verius esse autumant *Jarob. de S. Georg. in tr. feud. verb. Et dicti vassalli. n. 10. vers. quare etiam, an omnes pares. Præposit. ad n. text. n. 1. Hostiens. in summ. sua. tit. de feud. n. 13. §. apud. quem. vers. pares. propter cap. 1. de contr. int. episc. & vassall. 2. feud. 20. cap. 1. de contr. feud. ap. par. term. 2. feud. 16.* qui textus sat clari esse videntur. Nos ad conciliationem harum diversarum opinionum dicimus cum *Sebrad. de feud. part. 10. sect. 8. n. 24.* quod in potestate, arbitrio atque electione actoris sit, utrum velit ipse experire coram tota Curia Parium, an coram paribus electis. Legibus enim cautum est, si reus plures iudices habeat, actori permissam esse electionem coram quo iudice ipse reum convenire, vel actionem proponere velit *l. 3. in pr. ff. de eo quod cert. loc. l. cum alterius. 25. C. d. Episc. & cleric. l. decernimus. 13. C. de episc. audiens. Covarruv. variat. resol. lib. 1. c. 18. n. 6. (c)* In litibus enim sive controversiis, ratione feudi motis inter duos vassallos, Dominus feudi, seu, ut textus loquitur, Dominus curtis iudex est, & esse debet, sive sit clericus, sive laicus. Huic enim jurisdictio competit non accidentaliter, sed naturaliter, prout loquitur *Bald. c. cum ordinē X. de rescript. n. 7.* quoniam feudo sive dominio feudi tacite inest, & eo ipso, quo quis Dominus feudi efficitur, ipse nansciscitur juris-

ditionē inter vassallos, licet hoc expressē actum non fuerit. Certum autem est, ea cēseri naturalia sive naturaliter competere, quā tacitē insunt, licet de illis expressē actum non fuerit. *Jason. ad l. cum quid. 3. ff. de iur. p. n. 2.* Altioris tamen indasinis adhuc est;
Q. An Dominus feudi causas feudales ad suam cognitionem pertinentes alteri committere vel delegare possit? Quod affirmandum, propter sequens fundamentum: Quicquidque habet iurisdictionem ordinariam, causas ad cognitionem sive iurisdictionem suā pertinentes alteri delegare sive cōmittere potest *l. imperium & l. seq. 3. ff. de iurisd. e. pastoralis. X. de offic. ordin.* Atqui Dominus feudi habet iurisdictionem ordinariam, id quod supra probatum dedimus. E. In tantum autem hoc procedit, ut Dominus feudi etiam ei, qui non est vassallus, neque subditus ipsius, causas hasce feudales delegare valeat. Quoniam sine dubio est, quod omnes omnino illi censeantur esse idonei ad delegationem suscipiendam, quibus hoc à Jure prohibitum non reperitur *l. cum Prator. 12. in pr. ff. de iudic. de leg. 1. 1. §. adhiberi. & l. 18. ff. de testib. Vid. Schrad. de feud. p. 10. sect. 4. n. 25. & aliquot seqq. (d)* Videtur hic versiculus prorsus impertinens esse, & nō convenire cū *Rubr.* verū si rectē perpenditur, utique commode sub hac *Rubr.* situatus reperitur. Quia etiā tunc, quando inter vassallos est contentio de feudo alienato, iudices esse debent illi, qui in principio hujus tit. sunt nominati. (e) Hoc per nova jura abrogatū est, cum nullam feudi partem sine Domini consensu hodiē vassallo alienare liceat, *secundū tit. de probib. feud. alien per Loth. 2. feud. 52. & de probib. feud. alien. per, Frideric. 2. feud. 55.* Et si forte alienet, non expectata morte alienantis, protinus ad Dominum revertitur: sive is in quem facta est alienatio bonæ fidei, sive male fidei fuerit *§. callidis. de probib. feud. alien per Frid. 2. feud. 55.*
Nisi agnati aliqui vassalli alienantis superessent. Nam ad
hos, si paternum fuerit, excluso Domino, de
volvitur feudum.

17901